




4



12-17-6-21



DE GVTTA  
PODAGRICA,  
CHIRAGRICA,  
ET ARTHRITICA



Libri Duo

FRANCISCI INDIAE MED.  
ET PHILOSOPHI VERON.

In quibus natura earum, & cutatio, miro ordine  
Discutitur, & Educatur.

*Et Medicamenta non Vulgaria, magna q; vis, & efficacia  
praestantissima, & quae à nullo unquam antea fortasse  
excogitata, proponuntur.*

AD CLEMENTEM VIII.


Pont. Max. & Foelicitissimum.



VERONÆ, MD C. C.

SOCIETATIS ASPIRANTIVM CVRA.

*Superiorum permissu.*



DE GVTTA  
PODAGRICA,  
CHIRAGRICA,  
ET ARTHRITICA

Libri Duo



FRANCISCI INDIAE MED.  
ET PHILOSOPHI VERON.

In quibus natura earum, & curatio, miro ordine  
Discutitur, & Enucleatur.

*Et Medicamenta non Vulgaria, magna q; vis, & efficacie  
praestantissima, & quae à nullo unquam antea fortasse  
excogitata, proponuntur.*

AD CLEMENTEM VIII.  
Pont. Max. & Fœlicissimum.



VERONÆ, CIO 13 C.  
SOCIETATIS ASPIRANTIVM CVRA:

*Superiorum permissu.*



Ego Franciscus Abauricalcho Prior Ecclesiæ S. Aegidij vidi, & subscripsi.

Ego Baptista Perettus Archipresbiter S. Iohannis in Valle vidi, & subscripsi.

Fr. Aegidius Pusterla Inquisitor Verom.

QUIBUS. TE. NVNC. LITERARVM. MONVMENTIS.

# CLEMENS OCTAVO'

PONTIFEX. OMNIVM. MAXIME. FORTVNATISSIME'.

APPELLARE. AVDEAM.

NESCIO.

NAM. MAIESTATEM. NOMINIS. SANCTITATISQ; TVÆ.

QVÆ. OMNES. TERRAS.

ET

MARIA. OMNIA.

SPLENDORE. OCCVPAVIT. SVO.

CONTEMPLOR.

ET. RES. A. TE. DIVINITVS. GESTAS.

MAIORES. OMNINO'. ESSE.

QVAM. MORTALI. MANV. ATTENTARI. DEBEANT.

COGNOSCO.

TANTOQVE. NVMINE. MEOQVE. PVDORE.

DETERRITVS. CONTICESCO.

FRANCISCVS. INDIA. M. PH.

AD. TVOS. SANCTISS. PEDES.

PROIECTVS.

D. D.

KAL. SEXTIL.

CLIO. 13. C.

ANNO. PONTIF. TVI. VIII.

QVI. VTINAM. ÆTERNVS. FVAT.

# P R A E F A T I O A D L E C T O R E M.



**N**ON defuturos esse arbitror, Benignissime  
 Lector, qui meam hanc tractationem adeo  
 non probent, ut potius valde reprehenden-  
 dant, qui post tantos celebres Medicina  
 cultores, in hac eadem materia probe scri-  
 pserint, ego noui aliquid in medium pro-  
 ponere audeam, atque in tam arduo negotio, proficui, beni-  
 que aliquid addere me ipsum arrogem. quoniam, quae ab Au-  
 thoribus grauisimis longo usu, diuturna obseruatione, atque  
 experientia reperiri non potuit, solus ego moliri nostro hoc  
 tempore profitear. Quibus omnibus obiectionibus, licet mi-  
 hi dicere fas esset, ac ita respondere, quod in maximis vo-  
 luisset sat est; ut unicuique tamen cumulatiue satisfacere  
 valeam. Fateor equidem, & praeis artis Medicæ Inuenio-  
 ribus, Recentioribusque illius cultoribus maximi tribuendū  
 esse, verum ob id, eos omnia adinuenisse, & innotescere  
 potuisse, & quae ab illis minimè fuisse adinuenta, alios non  
 potuisse perquirere, hoc ita facile non esse concedendum,  
 opinor. Quid igitur mirum, si ego iam longo studio, ac vi-  
 gilys inter Articulatorum affectuum naturam indagandam  
 prius Antiquorum, & recentiorum scriptis perspicillīs, sedu-  
 loque examinatis, quaedam scitū digna euclidean, quae,  
 quoniam ad humani generis in signem utilitatem maxime  
 faciunt, non quidem ostentationis, sed potius humane  
 pietatis amore ductus, propterea iure merito manifestare  
 sum ausus: Et, quamuis apud vulgares homines hoc nego-  
 tium per arduum quidem, & cum primis operosum videat-  
 ur, labor tamen, atque difficultas rem impossibilem non  
 faciunt;

4  
faciunt; extat enim in prouerbio, difficilia esse quæ pul-  
chra sunt. Quamobrem, ut egregie aliquid à me ten-  
tatum fuisse dicatur, fauorè adspirante diuino, hac ex  
multis meis lucubrationibus manifestare decreui. Quòd si  
alii addiderint, aliorum scripta, modo huc, modo illuc colligendo, exarare, faciliorem viam ad libros conficiendos, vel  
congerendos parare, hoc vniue non difficile conceditur,  
verum tamen, antequàm alij hoc de me ipso loqui statuant,  
scripta mea, qualiacunque sint, absque liuore, & virulen-  
tia perlegendo, cum aliorum scriptis conferant, veritatem  
si quidem absque suco, & fallacia exploratam habebunt,  
& non ita temere de me iudicium ferent: quamplurima enim  
meo matre conscripsisse, & quædam ex aliorum scriptis de-  
prompsisse conspicient; quatenus ad ea, quæ meo qualicun-  
que ingenio, litterarum monumentis tradidit D. O. M.  
gratias agere debeo, quoniam me ipsum ad hæc scribenda  
dictitauit, quatenus autem alia ab Illustriss. scriptoribus se-  
legerim, fateor me id sanè quam libentissimo animo præsti-  
tisse, ut opinionem illorum, quæ magis veritati consentanea  
mihi videbatur, colligerem. Vale.

# INDEX CAPITVM

## QVAE IN PRIMO LIBRO

### CONTINENTVR.

- D**E nomine, & essentia Guttæ Podagricæ, & aliorum consimilium affectuum. Cap. 1
- De definitione Guttæ Podagricæ, &c. Cap. 2
- Humores excrementicij, qui ad Guttam Podagricam, & alios articulares affectus producendos requiruntur. Cap. 3
- Quæ nam sunt membra, quæ humores excrementicios deponunt, & per quas vias. Cap. 4
- Confutatur Fernelij opinio asserentis, humores solum per partes exteriores fluere. Cap. 5
- Quæ nam sint membra, quæ sui imbecillitate excrementorum defluxum recipiant. Cap. 6
- Quod Podagra, & Chiragra, & alij Articulares morbi, non à sola pituita, verum à sanguine, bile, & alijs humoribus producuntur, contra Fernelij decreta. Cap. 7
- Quod humores non perpetuo à capite, vel à parte exteriori capitis originem trahunt, contra Fernelium. Cap. 8
- Causæ externæ multitudinis excrementorum, à quibus Podagræ, & alij Articulares morbi producuntur. Cap. 9
- Quæ nam sint causæ internæ perquiritur. Cap. 10
- De causis Podagræ, & Chiragræ Nodosæ. Cap. 11
- Contra Ambrosii Parei sententiam, causæ occultæ Articulares morbos producentes refelluntur. Cap. 12
- De signis Articularium affectuum in vniuersali. Cap. 13
- De

De signis particularibus: & primo signa à sanguine pu-	Cap.	14
ro desumpta examinantur.	Cap.	15
Signa à bile deprompta.	Cap.	16
Signa à pituita dulci elicita.	Cap.	17
Signa à pituita salsa.	Cap.	18
Signa à Melancolico succo.	Cap.	19
Signa Miscellæ humorum.	Cap.	20
Signa ab Aegrotantium relationibus desumpta.	Cap.	21
Signa à quibus partibus nostri corporis humores	Cap.	22
originem ducunt, demonstrantia.	Cap.	23
Corpora ad Articulares morbos parata manife-	Cap.	24
stantur.	Cap.	25
De Prognostico.	Cap.	26
De Prægnatione Articularium ægritudinum, quæ	Cap.	27
curam non admittunt.	Cap.	28
De Prognostico Articularium affectuum, qui cur-	Cap.	29
ram, licet difficiliorem, admittunt.	Cap.	30
De Prognostico Articularium affectuum, qui fa-	Cap.	31
cillimè persanantur.	Cap.	32
Quædam notata digna in articularibus morbis,	Cap.	33
quæ prognostici loco à nonnullis existimaban-	Cap.	34
tur.	Cap.	35

# INDEX. CAPITVLM

Quæ in libro secundo continetur.

**D**E ordine in Gutta Podagrica, Chiragrica,  
& Arthritica curanda, seruando, & de in-  
dicationibus, quæ ad germanam curandi viam  
attinent. Cap. 1

De Euacuatione, quæ fit per venæ sectionem tra-  
ctatur. Cap. 2

De altera euacuatione humorum, quæ medica-  
mentis purgantibus præstanda est, & primo in  
biliosis fluxionibus, de modo expurgandi bi-  
lem. Cap. 3

Ratio medicamentorum repellentium, & robo-  
rantium, quæ fluxionem humorum sistunt, &  
dolorem leniunt. Cap. 4

De Balneis ad abluenda membra iam medica-  
mentis sœdata. Cap. 5

De Viçtus ratione instituenda. Cap. 6


De præseruatione à Gutta Podagrica, Chiragri-  
ca, & Arthritica. Cap. 7



# FRANCISCI INDIAE PHILOSOPHI, ET MEDICI VERONENSIS.

*Tabella Primi Libri, quae naturam, Differentiam, causas, signa,  
& Prognostica Guttae Podagrica, Chiragrica, & Arthri-  
tica exactissime patefaciunt.*

Ut latius in meis tractationibus patet, ad hoc ut Gutta, vel Podagrica, vel Chiragrica, vel Arthritica concitetur, posthabitain-  
t emperie simplici sine materia, & flatuosis spiritibus, quia nun-  
quam fiunt absque materia.





*Tabella, qua ostendit causas à Membris desumptas.*

Rursus cū  
inter cau-  
sas æternas,  
mēbra re-  
censeātur,  
hec sunt in  
duplici dif-  
ferentia.

Principa-  
lia, vt { Cerebrum  
Ventriculus  
Hepar  
Lien.

Non  
prin-  
cipa-  
lia, vt { Musculi  
Tendones  
Membra-  
næ  
Nervi  
Articuli.

Huiusmodi membra  
quando per quamcun-  
que causam alterantur,  
& à sua naturali functio-  
ne desistunt, prauos hu-  
mores generant, & ad  
alias partes deponunt,  
nempe ad articulos, vel  
pedum, manuum, coxa-  
rum, & aliarum partiū,  
articulorum præcipuè  
loca replent, distendunt  
feriunt, & dolorem con-  
citant varium.

Qui rari, dila-  
tati, laxi, lati,  
atq; valdè im-  
becilles sūt,  
Vel propter  
percussiones  
casus, propul-  
siones, luxa-  
tiones, & à na-  
tura quando-  
que ita sunt  
constituti, qd  
ab Auis, &  
Genitoribus  
originem tra-  
xerunt.

Propterea ob-  
sui imbecillita-  
tem, humores  
iam fluētes ad-  
mittunt, atque  
recipiunt, & ob  
illorum reple-  
tionem, disten-  
sionē, & mordi-  
cationem, vario  
dolore afficiun-  
tur.

*Tabella quæ ostendit causas à facultatibus Membrorum  
desumptas.*

Amplius  
cum inter  
causas in-  
ternas, Fa-  
cultates  
membrorū  
connume-  
rentur, sci-  
licet

Cerebri

Ventri-  
culi

Hepatis

Lienis

Horū facul-  
tates sunt  
in duplici-  
differētia,  
alia enim  
est


Expul-  
trix, quæ

Quatenus  
est robusta  
ad membra  
debiliora, ve-  
luti ad Arti-  
culos super-  
fluitates ex-  
pellit.

Reten-  
trix, quæ

Quatenus  
ē imbecillis  
ad membra  
debiliora hu-  
mores crudi-  
ores, & alios  
male admi-  
nistratos re-  
laxat.

*Tabella, quæ causas nodosa Podagra, & Chiragra ostendit.*



*Tabella vniuersalis, qua docet à quibus signa Cutte Podagrica,  
Chiragrica, & Arthritica deffumuntur.*

			Calore, Calore, Grauitate, Nec admodum in dolore, Vrinis, Pulsu, Excretionibus, & alijs, Propterea hæc si- gna minime sunt consideranda, ut la- tius in proprio ca- pite dicitur.
	Ab intem- perie in- quali sim- plici, sine materia, que erit uel	Calida Humida Frigida Sicca	Dato autem, quod morbi ar- ticulares produ- cantur ab intem- perie simplici sine materia membris prae- affecta non al- terantur in fu- perficie, vel in
Signa poda- græ, chiragæ, & aliorum ar- ticularium af- fectuum deffu- muntur, vel	A spiritu flatuoso in coarticulationibus occluso, neruos, & vincula, & muscu- los distendente co- gnosceretur, vel		A dolore tensionis membri prae- affecti, A tensione, Ab immutabilitate coloris, A ratione victus status genera- trice, A rugitu, & à sonitu hypocon- driorum, Ab vrinis flatulentibus, Ab excrementis, quæ cum strido- re exhibent, A temperatura imbecilli, Ab ætate potius senili.
	A materia, quæ mul- tiplex esse potest, vel enim est sanguis, qui sane, vel est		Cum bile mixtus, Cum Pitui { Dulcis ta, quæ aut { Salta est Non Purus Cum Melancolia, Cum miscella humorum

*Tabella ex qua Signa Podagra à sanguine puro  
desumuntur.*

Dolor in affecto membro erit extensivus, cum  
pulsatione, manè infestans, & continuo exacer-  
bans.

Color in superficie cutis erit rubicundus valde, si  
materia in profundo non delitescit.

Calor erit moderatus, & ad tactum facile perce-  
ptibilis.

Iunamentum erit à moderate refrigerantibus.

Lasio à calefacientibus.

Sudor quandoque in fronte ægrotantis appare-  
bit, & in capite gravitas, & somnolentia.

Pondus aderit in affecto membro.

Tumidum erit, & venæ circumiacentes tumide.

Os, Lingua, & Palatum quandam dulcedinem  
degustabunt.

Ætas erit ab Adolescentia, vsque ad virilem æta-  
tem.

Temperamentum sanguineum

Regio temperata in qua vitam ducit.

Tempus veris, in quo aeris constitutio erit cali-  
da, & humida temperate.

Victus ratio antea acta ad sanguinis copiam pro-  
gignendam.

Pulsus magni, pleni, & vndosi.

Urinæ rubeæ, & moderate crassæ.

Excrementa laudabilia.

Rursus si  
fuerit san-  
guis purus  
dignosci-  
tur quia  
vel

*Tabella quæ signa Podagræ à sanguine cum bile mixto  
producta demonstrat.*

*Tabella quæ signa Podagræ à sanguine cum bile mixto  
producta demonstrat.*

Dolor in affecto membro erit acutus, pungiti-  
uus, acris, & valde intensus, exacerbans de  
tercio in tercium.  
Color in superficie cutis ad citrinitatē tendet.  
Calor tactui pungitius, & mordax.  
Iuuamentum erit à frigidis.  
Lætio à calidis.  
Sudor nullus.  
Si fuerit san- Tumor exiguus  
guis cū bile  
permixtus,  
diagnoscitur,  
vel quia  
Os, Lingua, & Palatum erunt amara, & sitibun-  
da valde, cum febre interdum.  
Ætas iuuenilis, vsq; ad principium senectutis.  
Temperamentum erit biliosum.  
Regio calida, & sicca.  
Tempus æstiuum.  
Victus ratio antea cta bilem generans.  
Pulsus veloces cum exigua quadam duricie.  
Vring coloratæ, & tenues, ad auri similitudinē,  
potius fuluæ.  
Egestionēs biliosæ.

*Tabella quæ signa Podagra à sanguine permixto, cum  
dulci pituita demonstrat.*

*Si fuerit san-  
guis, cum pi-  
tuita dulci  
permixtus,  
cognoscitur,  
vel quia*

Dolor in membro læso non erit admodum acu-  
tus, quotidie exacerbatur, & non remittitur  
integre.

Color in superficie cutis ad albedinem potius  
vergens, & non admodum à naturali statu  
alienus.

Calor exiguus.

Iuuamentum erit à temperate calidis.

Læso à frigidis, & calidis valde.

Sudor nullus.

Pondus aderit, & grauitas, cum difficili motu  
articularum.

Tumor quandoque ædematosus aderit, quan-  
doque durus, ob additionem flatuum.

Os, Lingua, & Palatum insipida, cum aliqua si-  
ti, sed non intensa.

Ætas ad senectutem vergens.

Temperamentum frigidum, & humidum.

Tempus hibernum, in quo aeris cōstitutio erit  
frigida, & humida.

Victus ratio, absque labore, & motu, in qua est  
usus cibis substantiæ crassæ; frigidis, & hu-  
midis.

Pulsus moles, varijque ad tactum.

Urinæ colore remisso, crassæ substantiæ, & vt  
plurimum perturbatæ.

Excrementa Pituitosa, & mucilaginosa,

*Tabella, qua signa Podagrae à sanguine cum pituita*

*et falsa permixto ostendit.*

	<p>Dolor membri laxi erit acrior, &amp; quotidianus.</p> <p>Color cutis potius ad rubedinem exigam inclinans.</p> <p>Calor aliquantulum intensior cum pruriginosa mordacitate.</p> <p>Iuvamentum à moderate frigidis, &amp; falsedinem obtundentibus.</p> <p>Laxio à calidis, &amp; a frigidis valde.</p> <p>Sudor apparebit dum confricantur partes, quæ ad scalpendum irritant.</p> <p>Pondus aliquis aderit in articulis læsis.</p> <p>Tumor non admodum dissimilis ab illo, qui a pituita dulci fit.</p> <p>Os, Lingua, atque Palatum falsedine erunt prædicta cum siti.</p> <p>Ætas,</p> <p>Temperamentum,</p> <p>Tempus,</p> <p>Constitutio aeris,</p> <p>Regio,</p> <p>Pulsus non ita moles, neque ita diuersi.</p> <p>Urinæ conturbatæ quidem, paulo tamen tenuiores cum subsidenti aliquando crassa.</p> <p>Excrementa pituitosa, aliquam tamen caliditatem præferentia.</p>
<p>Si autem falsa fuerit pituita, cum sanguine mixta, cognoscetur, quia vel</p>	<p>Eadem erunt, quæ de signis pituita dulci dicta sunt.</p>





*Uabeſſa, qua ſigna Podagra à ſanguine cum ſucco melanco-  
lico permixto pateſcit.*

-ni mē	Dolor membri affecti parvus erit, & exacerba- bitur de quarto in quartum diem.
flouigi	Color cutis liuidus, quandoque niger.
moſib	Frigiditas potius ad tactum manifeſtabitur.
	Iunamentum non aderit, vel à calidis, vel à fri- gidis medicamentis.
	Laſio potius erit à quibuſcunque.
-up, e	Sudor nullus.
Si ſanguis	Pondus, atq; ſtupiditas in affecto membro per-
cum melan	ſentietur.
colico ſuc-	Tumor non aderit magnus, vel euident.
co iunctus	Os, Lingua, & Palatum ſuccum acerbum degu-
ſuerit, di-	ſtabunt, abſque ſiti.
gnoscitur,	Atas erit conſiſtens, & extremum ſenium.
vel quia	Temperatura ſicca, & frigida.
	Tempus autumnale, & hibernum, ætis conſti- tutio frigida, & ſicca.
	Viſcus ratio bilem atram progigniens.
	Pulſus duri, & tardi.
	Urinæ in principio tenues ad aquæ ſimilitudinē.
-unc	poſtea atriores, cum aliqua craſſitie, cum ſe- dimento ſuſco.
-tribi	Egeſtiones atræ, ſupercoctæ, & mucosæ.

*Tabella, quæ signa Podagræ à mixtione humorum  
producta declarat.*

-il 2000m 1000 Dolor membri prave affecti erit internus, mate-  
ria enim quæ infestabit non in superficie, sed  
in profunditate membri residebit in humorû  
mixtione: ideo  
-nll eb 2000 Color & alia Medicu facillimè decipient  
Calor propterea, alia erunt maturo con-  
Frigiditas siliò perpendenda. nempe  
Ratio victus } si sue } biliosa,  
præcessa. } rit } pituitosa, (sture  
Temperatura } Ad quorum humorum genera-  
corporis. } tionem apta. }  
Si fuerit mi } Ad quos simul mixtos humores gignen-  
scella humo- } dos fuerit pronior.  
rum cognos- }  
cetur, quia }  
vel }  
Tempus præsens, } Ad quos humores facien-  
& anteaçtum } dos aptiores sint, fue-  
Constitutio aeris. } rintue.  
Vrinæ } Cuius miscelle humorum signa  
Excrementa } ostendant.  
Et quæ ab Agrotantium relationibus eliciuntur.  
Hæc omnia optimo, oculatissimoque Medico  
consideranda relinquuntur, quæ si à me essent  
declaranda, longiorem Tabellam, & prolixio-  
rè discursum requirerent, nihilominus in ca-  
pite 20. & 21. meæ tractationis vide susius.

*Tabella, qua declarat signa ab Aegrotantium relationibus  
deffumpta in Chiragra, & Podagra.*

	<p>Circa partes lasas versan- tur, quia</p>	<p>Si dixerint languentes manus si- bi dolere. Signum erit Chiragra. Si pedes, Podagra. Si genua, Gonagra, &amp; sic de sin- gulis.</p>
<p>Signa, quæ ab ægrotan- tium rela- tionibus e- liciuntur, sunt in du- plici diffe- rentia, vel enim</p>	<p>Circa mem- bra à quibus humores tan- quam a fon- tibus originē trahunt, quia</p>	<p>Tunc erit signum humores ini- tium habuisse ab vniuerso cor- pore. Si languentes dixerint se prius febre fuisse correptos, &amp; postea in dolores manuum, vel pedum incidisse. Et signum erit humores à capi- te provenire si de dolore capitis, somnia, &amp; grauitate prius conquesti fuerint.</p>
		<p>Et signum erit huiusmodi affe- ctus à suppressis hæmorrhoidarum assuetis purgationibus originem traxisse. Si per hæmorrhoidas, quis copio- se expurgari dixerit, &amp; fuerint suppressæ, &amp; postea in articula- res morbos incidisse. Et sic de quibuscunque inter- ceptis purgationibus dicendum est.</p>

*Tabella, qua declarat signa locorum, in quibus humores  
Podagrici, & Chiragrici redundant.*

Corporis calida, & humidiora Frigida, & humiora	Cavitatibus articu- lulorum, & membranis.	Tumor erit internus, & non ita facile perceptibilis.
Humores Chiragrici, vel Podagri- ci, aut redun- dant in	Ligamentis	Et languentes dicent se do- lorem intimiorem, & in pro- fundo percipere.
Humores Chiragrici, vel Podagri- ci, aut redun- dant in	Superficie scili- cet sub cuti	Tunc tumor erit externus, & perceptibilis, & evidens.  Et Aegrotantes dicent se do- lorem in superficie experiri.
Humores Chiragrici, vel Podagri- ci, aut redun- dant in	Intimiori parte, scilicet, inter mu- sculos.	Tunc affirmabunt languen- tes, quod dolor, partem affectam comprimendo, exacerbatur.
Humores Chiragrici, vel Podagri- ci, aut redun- dant in	Tunc affirmabunt xgro- tantes, quod partem ex- sam comprimendo, dolor non augetur.	

*Tabella, quæ indicat corpora ad Articulares Morbos parata  
pro cuius rei exacta intelligentia.*

Septem sunt inquirenda, scilicet	Temperatura	Corpora calida, & humida; Frigida, & humida rationibus alias dicendis.
	Habitudo	Pingua corpora, & obesa. Et dilatatos meatus habentia. Ab Auis, & Genitoribus Podagri- cis originem trahentia.
	Ætas	Senilis ob calidi innati paucitatem: Iuuenilis, quæ ad errores circa victum cõ- mitendos est facilis, & ad Venerem pro- cliuior.
	Sexus	Virī potius quam mulieres, quia violenti- ores efficiunt motus, & insignes susti- nent labores, &c. pro vt latius in tracta- tionibus.
	Status	Corpora ex diuturna ægitudine infirma, & perperam curata. Et à quacunque causa imbecilliora.
Tempus	Veris, & Autumni	
	Regio	Frigida, & humida vt in Sythia Nomadæ gentes, & in alijs Europæ partibus. Calida, & sicca, vt in partibus Africæ circa Egyptum, in Alexandria, in Carria, in Regione Cabalensi, & in quampluri- mis Italiæ locis. sed præcipuè Romæ.

*Tabella, qua circa modum prognosticandi in Articularibus morbis versatur, pro cuius faciliori notitia.*

In despera  
ta salute  
positi sunt

Qui valde sunt confirmati.  
Qui in corporibus senū reperiūtur.  
Here ditarij.  
Nodosi.  
Qui ab humorum miscella non co-  
gnita producuntur.  
Qui à melancolico succo fiunt.  
Qui à flava bile progigniuntur tan-  
tum.  
Qui à luxationibus proueniunt.

Tria præci-  
pue sunt in-  
quirenda,  
an scilicet  
Morbi Arti-  
culares.

In spe salu-  
tis adsunt.

Curatu  
diffici-  
les

Qui in manibus, & pedi-  
bus fiunt.  
Qui ab humore pituito-  
so, crudo, & viscoso o-  
riuntur.  
Qui ab insigni multitu-  
dine materię cōcitant.  
Qui à varijs, & diuersis  
humoribus proueniūt.

Curatu  
faciles.

Qui nondū confirmati  
sūt in corpore robusto,  
in ætate consistenti.  
Qui Ischiadici dicūtur.  
Et omnes alij, qui à san-  
guinis plenitudine  
fiunt.  
Qui à bilioso, cum pi-  
tuitoso humore produ-  
cuntur permixto.

...the ... .., ... ..  
... ..

1. *Chrysomelidae*  
 2. *Curculionidae*  
 3. *Chrysomelidae*  
 4. *Curculionidae*  
 5. *Chrysomelidae*  
 6. *Curculionidae*  
 7. *Chrysomelidae*  
 8. *Curculionidae*  
 9. *Chrysomelidae*  
 10. *Curculionidae*  
 11. *Chrysomelidae*  
 12. *Curculionidae*  
 13. *Chrysomelidae*  
 14. *Curculionidae*  
 15. *Chrysomelidae*  
 16. *Curculionidae*  
 17. *Chrysomelidae*  
 18. *Curculionidae*  
 19. *Chrysomelidae*  
 20. *Curculionidae*  
 21. *Chrysomelidae*  
 22. *Curculionidae*  
 23. *Chrysomelidae*  
 24. *Curculionidae*  
 25. *Chrysomelidae*  
 26. *Curculionidae*  
 27. *Chrysomelidae*  
 28. *Curculionidae*  
 29. *Chrysomelidae*  
 30. *Curculionidae*  
 31. *Chrysomelidae*  
 32. *Curculionidae*  
 33. *Chrysomelidae*  
 34. *Curculionidae*  
 35. *Chrysomelidae*  
 36. *Curculionidae*  
 37. *Chrysomelidae*  
 38. *Curculionidae*  
 39. *Chrysomelidae*  
 40. *Curculionidae*  
 41. *Chrysomelidae*  
 42. *Curculionidae*  
 43. *Chrysomelidae*  
 44. *Curculionidae*  
 45. *Chrysomelidae*  
 46. *Curculionidae*  
 47. *Chrysomelidae*  
 48. *Curculionidae*  
 49. *Chrysomelidae*  
 50. *Curculionidae*  
 51. *Chrysomelidae*  
 52. *Curculionidae*  
 53. *Chrysomelidae*  
 54. *Curculionidae*  
 55. *Chrysomelidae*  
 56. *Curculionidae*  
 57. *Chrysomelidae*  
 58. *Curculionidae*  
 59. *Chrysomelidae*  
 60. *Curculionidae*  
 61. *Chrysomelidae*  
 62. *Curculionidae*  
 63. *Chrysomelidae*  
 64. *Curculionidae*  
 65. *Chrysomelidae*  
 66. *Curculionidae*  
 67. *Chrysomelidae*  
 68. *Curculionidae*  
 69. *Chrysomelidae*  
 70. *Curculionidae*  
 71. *Chrysomelidae*  
 72. *Curculionidae*  
 73. *Chrysomelidae*  
 74. *Curculionidae*  
 75. *Chrysomelidae*  
 76. *Curculionidae*  
 77. *Chrysomelidae*  
 78. *Curculionidae*  
 79. *Chrysomelidae*  
 80. *Curculionidae*  
 81. *Chrysomelidae*  
 82. *Curculionidae*  
 83. *Chrysomelidae*  
 84. *Curculionidae*  
 85. *Chrysomelidae*  
 86. *Curculionidae*  
 87. *Chrysomelidae*  
 88. *Curculionidae*  
 89. *Chrysomelidae*  
 90. *Curculionidae*  
 91. *Chrysomelidae*  
 92. *Curculionidae*  
 93. *Chrysomelidae*  
 94. *Curculionidae*  
 95. *Chrysomelidae*  
 96. *Curculionidae*  
 97. *Chrysomelidae*  
 98. *Curculionidae*  
 99. *Chrysomelidae*  
 100. *Curculionidae*





De Guttæ

PODAGRICÆ.  
CHIRAGRICÆ.

&  
ARTHRITICÆ NATVRA

Liber Primus.

*De nomine, & essentia Guttæ Podagricæ, & aliorum  
consimilium affectuum. Cap. 1.*



UNIVRS Podagra vulgari hoc nomine Guttæ, vel vt alij perperam volunt, barbarico nomine ita appellatur, tamen est veluti genericum nomen omnium ægritudinum, quæ per distillationem producuntur in locis præcipue articulorum, pedum, manuum, coxarum, vertebræ spinæ, & aliarum corporis consimilium partium; quia materia ab alijs membris, in iuncturatum,

A

& ar-



& articulorum cavitatibus, & ligamentis guttatim cadit, quemadmodum gutta aquæ paulatim stillat; quoniam, ut quotidiana experientia non difficile est demonstrare, & rationi consentaneum esse videtur, nostri corporis membra ad se inuicem superfluitates deponunt, teste Galeno lib. 3. de naturalibus facultatibus cap. 13. iure igitur merito, Gutta nomen generis obtinere meretur, quoniam Arthritis de Podagra, tanquam genus minimè prædicari apta est, Galenus enim 6. aphorismorum aphorismo 28. clarissimè affirmare videtur, quod fere omnes, qui articulari affectione corripuntur, prius Podagrici sunt; quod cum ita sit, non alienum à veritate esse existimandum est, quod Gutta, potiusquam Arthritis, tamquam nomen genericum considerari debet; verum quoniam artuum ligamenta, & iuncturæ quamplurimæ sunt, & variæ, in quibus, & inflammationes, & flatus, & mali defluunt humores, seuissimum dolorem incurientes. Propterea huiusmodi ægritudo, ob loci male affecti varietatem, diuersum sibi nomen acquirere videtur, ut idem Galenus libro secundo methodi medendi cap. 2. manifestat, & Celsus Aurelianus quinto libro tardarum passionum capit. primo, ubi inquit. *A partibus, qua dolore vexantur, hæ passionibus nomina sumpserunt*, idemque initio secundi capituli eiusdem libri confirmat. Quoniam itaque quandoque plures, vel etiam omnes nostri corporis articuli per fluxionem humorum in illis partibus dolore corripuntur; & quandoque vna sola, vel alia pars determinata, & particularis. Propterea si omnes simul, vel plures nostri corporis articuli cruciantur,

etiam tunc Gutta Arthritica vocatur; si vero vnus solus, & determinatus alicuius particularis membri articulus prae afficitur, particulare nomen à loco particulariter affecto sumit. Si fuerit articulus Maxillæ, tunc vocabitur Syagonagra, quia *σιαγον* à Græcis Maxilla dicitur: Si Ceruicis Trachelagra, quia *τραχελος* Ceruix appellatur. Si Spinæ dorsi Rhachisagra namque dorsi spina *ραχίς* nuncupatur, Si Humeri, Homagra, quia articulus Humeri cum scapula *ὤμος* vocatur: Si articulorum clauis, vel iuguli, cleisagra, quia *κλεις* clauis dicitur græcè. Si cubiti pechyagra, propterea quod *πῆχυς*, cubitus est. Si manus chiragra, quia *χείρ* pro manu accipitur. Si coxa, ischia, namque *ischion*, coxa est. Si genu, gonagra, quia *γόνυ*, seu *γόνατα* genua dicuntur, si tandem articuli, pedum prae afficiuntur Podagra appellatur, propterea quod *πούς* Græcis, Latinis verò Pes intelligitur. Verum quoniam non est optimi Medici consilium, rationem curandi à nominibus, sed à sola rei natura depromere, idcirco maxima affitior admiratione; quomodo quidam grauissimi Medici tum antiquiores, tum etiam recentiores; in definitione harum ægritudinum, præponere præcipuè videantur dolorem; dicendo Arthritidem esse dolorem articulorum quorundam, vel omnium æqualiter; & Podagram dolorem esse articulorum pedum, & chiragram articulorum manuum dolorem; quasi vero dolor ipse, qui est symptoma sit potius affectus, quam symptoma, & sic dum male dolorem, veluti potiorém in definiendo recensent, morbum, & illius naturam, & essentiam posthabentes negligunt, & prætermittunt,

infect  
605

Ratio cu  
randi d  
rei natu  
ra desu  
mittit

2 quibus germana curandi, via absque dubio elicere  
omnino deberent.

*De Definitione Guttae Podagrica, &c.*

*Cap. I I.*

**V** itaque quantum in me est ab aliorum  
perspicua allucinatione longè discedam,  
huiuscemodi affectus talem definitionem  
tradere opinatus sum. *Arthriticam Gut-*  
*tam esse exuberantis, recrementiciæq; materiae, & fla-*  
*tuum defluxum in nonnullis, vel in omnibus aequaliter*  
*articularum vinculis, membranis, aut tendonibus, arti-*  
*culorum precipue loca replentem, tendones, & nervos di-*  
*stendentem, ac ferientem, & ibi ex consequenti dolorem*  
*concitantem; quæ sanè definitio clarissima apparebit*  
*ex his, quæ à me posterius dicentur; huius itaque af-*  
*fectus origo, & fons excrementorum, & flatuum exu-*  
*berantia est; verum quoniam de natura fontium est*  
*emanare, & fluere, propterea talium excrementorum,*  
*& flatuum exuberantia per varia loca confluens Ar-*  
*thritidem, Gonagram, & Chiragram efficit; hæc ve-*  
*ritas ab optimis, & clarissimis Scriptoribus confirma-*  
*etur; imprimis autem à Galeno quamplurimis in lo-*  
*cis, verum peculiariter libro sexto aphorismorum 28.*  
*& 29. Cum vero fluxionum leges hæc sint, ut pars va-*  
*lidior ad imbecilliores propellat, hinc fit, ut in no-*  
*stris corporibus, natura quandoque à multitudine,*  
*vel à mala qualitate humorum irritata, excitet mem-*  
*bra robustiora, & fortiora; ut ad minus valida, &*  
*malos humores, & superfluitates deponant: Quare*

ut

vt concitetur Gutta, vel Podagrica; vel Chiragrica, vel Arthritica; omnium, malorumque humorum congeries irritantium requiritur, membra validiora requiruntur, quæ repellant, & imbecilliora quæ recipiant.

*Humores excrementici, qui ad Guttam Podagricam, & alios articulares affectus producentes requiruntur. Cap. III.*



ED qui nàm sunt huiusmodi redundantes humores, & qualia nàm esse debent huiusmodi excrementa, quæ confluunt? pituita, sanguis, bilis, & quandoque atrabilis? probatur hoc ex Galeni testimonio in libro decimo de compositione medicamentorum secundum locos, capite secundo, ubi hæc habentur verba. *Aliquando quidem irruens humor sanguineus est, ut plurimum vero pituitosus, aut ex pituitoso, & bilioso mixtus, aut etiam sanguine cum ipsis permixto, quod si quis exactius interpretari rem velis: non pituitosum humorem, sed qui proprie crudus appellatur, ut plurimum citra Arthritidas predominari dixeris, est autem hic crassus ad similitudinem puris crassioris. Vbi vero in ipsis articulis diutius moram traxeris, non solum crassior, sed etiam viscosior redditur. Confirmatur etiam ex autoritate Pauli Aeginetæ libro tertio de arte medendi cap. 78. dicentis. Superabundansque humor, nunc quidem biliosus, nunc vero sanguineus, quandoque melancolicus, magna vero ex parte pituitosus, ac crudus est. & quæ sequuntur:*

Re-

Remanet modo, vt videamus nunc, quæ nam sunt membra illa, à quibus veluti fontibus, tales humores scatentes erumpunt, & membra quæ eosdem recipiunt, & per quas vias, ad talia recipientia membra perueniant.

*Quæ nam sunt membra quæ humores excrementicios deponunt, & per quas vias.*

Cap. IV.



MEMBRA igitur, quæ has omnes emittunt superfluitates, varia, & plura sunt, caput præcipuè, ventriculus, & intestina, secur, & Renes: A capite autem potissimum, & à cerebro fluxiones istæ fiunt, quoniam, licet ab intestinis, & à ventriculo, & alijs membris, isti humores originem trahant, antequàm ad partes iuncturarum, & manuum, & cubitorum, & spatularum fluant, prius ad caput in multa copia ascendunt, & postea ab illo, ad subiectas partes iam dictas transmittuntur. Non negamus, quæ etiam à nonnullis conantur probare, auctoritate Auerrois 7. collectaneorum cap. 37. & Hypocratis decreto 4. aphorismorum 44 & 45, nempe quod humores qui articulos infestant, à toto corpore quandoque proueniant: Clarum enim est, quod humor minimè influet, si corpus omnino superfluitatibus immunis, ac liber extiterit, verum tamen negamus humorem per omnes corporis partes diffusum immediate a toto corpore, ad articulorum vincula, membranas, ac tendones confluere; nam quo-

modo

modò fieri potest, vt humor, qui in ventriculo, vel in intestinis, vel hiecore, aut liene superuacaneus, vel mala qualitate affectus reperitur, confestim ab hijs partibus, ad articulos confugiat? nisi ab irritamento naturæ per vias ad articulos ducentes propellatur? quæ nam sunt iste vie? non video equidem alias esse, quam venas, musculos, & nervos, dato itaque quod à toto corpore simul, videlicet à iecore, à liene, ab intestinis, & ventriculo, vno, & eodem tempore humores propellantur ad manuum, & digitorum articulos, necessarium est, vt per venas, per musculos, & per nervos, ab hijs omnibus visceribus, ad manus pertingentes, humores deferantur, alioquin manuum articuli minimè lederentur. Venæ itaque ad manus, & brachia nutrienda deputatæ, sunt illæ, quæ humoralia excrementa, quæ per totū corpus existunt ad digitorum manuum ligamenta, tendones, & articulos deferunt. Et musculi, qui à varijs claviculæ locis, vt puta, a scapulis, & a spinæ apicibus, & qui humeros implantantur eadem excrementa ab inferioris corporis partibus suscipiunt, ad digitorum manuum ligamenta deducunt: quæ vero a capite defluunt materiæ, equidem per nervos ab illo descendentes, ad manuum digitorum articulos protruduntur. At iste humorum motus partim a visceribus per venas, & per musculos, partim vero a capite per nervos, ad digitorum manuum articulos fieri nequaquam poterit absq; temporis intervallo, igitur non immediate a toto corpore, vt quidam grauissimi scriptores asseruerunt, ad articularū vincula, & membranas recremēticius humor confluit, sed quandoque mediantibus nervis a capite, & cerebro,



bro ; quandoque mediantribus venis , & musculis , ab inferioribus , internis membris , ad cubitos , ad iuncturas manuum , & digitorum articulos descendit . Neque perpetuo a solo capite , vt Fernelius disputat , per exteriores partes , sed quandoque a capite , per internos ductus a me relatos , humor dilabitur ; qui interdum a toto corpore , interdum a iecore , liene , intestinis , & ventriculo congeritur , & interdum a capite , & cerebro generatur . Quod , vt Fernelij scriptoris grauiissimi error conspicuus appareat , animaduertendum est , quod ex Galeni sententia in libello de calculo , & in 16. de vsu partium corporis humani , patet consensus venarum a iecore , liene , renibus , ad crura , quoniam vena ~~cuius~~ ex gibbis hepatis emergens bifariam videlicet sursum per medias phrenas ascendens , deorsum per aliam , cuius triplex est propago , vna ad renes , altera ad testiculos , tertia ad crura , & pedes . Patet etiam consensus neruorum , quia nerui a spinali medulla lumborum , & ossis sacri , ad crura descendunt ; vt idem Galenus libro tertiodecimo , & decimosexto de Viu- partium corporis humani testatur , quare existente hoc consensu , non est dicendum quod perpetuo a solo capite humor , progignendo , deteratur ad partes corporis inferiores , vt puta ad genua , ad crura , & ad pedum digitorum ligamenta , & articulos : non negamus tamen , quod a capite quandoque , ad illas partes non possit descendere , sed propter consensum venarum , & neruorum , spinæ dorsi , & renum , cum genibus , cruribus , & pedibus , affirmamus : quandoque etiam deferri humorem a spina dorsi , & a renibus , ad genuum ligamenta , & ad pedum digitorum articulos . Et pro-  

pterea

pterea non est mirum, si existente interdum dolore in renibus, & grauedine, ratione illorum consensus, postmodum Gonagra, & Podagra succedant, ob defluxum materię ad genua, & ad pedes.

*Confutatur Fernelij opinio asserentis humores  
solum per partes exteriores fluere.*

*Cap. V.*

**R**ELIQUVM est modo, vt Fernelij opinio refellatur vbi inquit. *Per quas vias influat humor, nemo adunguem videtur inuestigasse; ex hac ignorantia hactenus dolor articu-  
laris pro immedicabili derelictus est, nuncupaturque Me-  
dicorum opprobrium.* Postea vero asserit, quod per exteriores partes ad articulos influit; quare si ipse solus hanc veritatem cognouisset, solus etiam ipse in curando hoc affectu palmam adeptus esset, & omnes alii Medici, qui ante illum fuerunt, hallucinati fuissent. Nos ergo, qui à tanta veritatis claritate illuminati essemus, ingentes illi, immortalesque gratias agere, & animo referre omnes semper teneremur. Præterea, si secundum Fernelij sententiam, humor per partes solum exteriores ad articulos confluit, Ergo necessarium est, vt errent quicunque ex intimis illum partibus, in articulos irrumperere putant, sed, pace tanti viri, falsum est consequens, igitur & antecedens, & consequentię falsitatem probare non erit, admodum laboriosum, tum grauissimorum Scripto-  
rum auctoritatibus, tum etiam rationibus à me in-

B

medium



medium afferendis : nulli enim reuocatur in dubium quod omnes doctissimi scriptores , Fernelio excepto tenent , quod in his affectibus à me propositis , humor nè dum per exteriores partes , verum etiam ex intimis irrumpendo , dilabitur , nempe ex cerebro, iecore, liene, vtero, & similibus, toties dictis, ad articulos consuere, per eoldem internos ductus iam à me sæpe sæpius enarratos ; Galenus imprimis plurimis in locis , præcipue tamen lib. tertio de naturalibus facultatibus cap. decimo tertio. abundè hanc veritatem tueri videtur , quia inquit . *Sicuti inter se particule nostri corporis , una ab altera nutrimentum trahunt , ita altera in alteram quod supernacuum est à se deponit , & sicuti trahentium ea vicis , quæ eras valentior , sic & à se deponentium , est que hæc vocatarum fluxionum causa ; habet enim particula quæque natium quoddam robur , quo quod supernacuum est persequitur . Vbi igitur earum aliqua affectus cuiuspiam occasione , imbecillior est reddita , ex omnibus in illam consuere , quæ supernacua sunt est necesse , earumque quæcunque pars valentissima est in vicinas omnes reponit , earum rursus singula in alias , quæ ipsis sunt imbecilliores : dein rursus illarum singula in alias , idque catenus longissime procedit quoad ex omnibus fugatum superfluum in unam quampiam maxime imbecillaram procumbat . Ita haud secus in articularibus affectibus , vel Podagricis fieri contingit , quando nempe ex mensium suppressione huiusmodi morbi oriuntur , materia illa peccans , & intercepta ex intimis illis partibus , s. e uenis vteri originem trahit ; & per internos ductus venarum , ad omnes articulos æqualiter , vel ad articulos digito-*

3. de naturalibus facultatibus.  
cap. 13.

rum pedum tantum, veluti ad imbecilliores partes confluendo procumbit. Præterea Paulus Aegineta loco superius citato, Aetius, Auicenna, & quamplurimi alij, huic à me prolatae opinioni plenissime adstipulantur. Amplius rationi consentaneum esse videtur, quod si tales affectus facillime ex hæmoroidarum, & menstruorum, & sanguinis narium intercepris fluxionibus progigniuntur, ex partibus quoque intimioribus originem trahant, & materia illa præternaturæ institutum, & consuetudinem derenta, ab illis internis partibus per venas, per nervos, & per musculos, ad articulos dolentes defluat, Ergo non à partibus exterioribus, ut inquit Fernelius, sed ab interioribus, neque à capite solum, sed etiam à toto corpore, & ab omnibus visceribus initium sumunt articulares morbi. Nec valet, ut ipse admiratione capiat,ur dicendo. Qui fieri potest, ut humor ita sincerus, qui iam in intimis partibus nostri corporis cum sanguine erat permixtus, in articulorum spatijs per venas feratur? nolumus namque affirmare, & fateri, arthriticidem, vel Podagram ab humore sincero semper fieri, ut suo loco manifestabimus, quia non ita facile, & sæpè humor sincerus diffunditur, verum potius mixtus, crassus enim humor, aliorum tenuiorum, & calidiorum humorum mixtione attenuatur, & veluti funditur, ut exempli gratia, humor pituitosus ex sui natura crassus, & lentus non potest ita confertim, & facile per venas ad articulos fluere, nisi ex tenuioris, & calidioris humoris miscella promptior, faciliorque ad morum reddatur, & postea cum in articulorum spatijs fluxerit, humor calidus, ac tenuis facili-

lime reffoluitur, & euaneſcit, craſſa, yſſidaque materia ibi concreſcente relicta. Præterea & quandoque ſincerus humor, à virtute expultrice ſecernitur, propelliturque, veluti in regio morbo fieri quotidie vidimus; bilis enim, quæ cum ſanguine permixta in venis reperitur, ab expultrice facultate, ad curim ſincera tranſmittitur; & bilis quæ in venis circa iecoris regionem generatur, dum ibi detinetur, nõ nẽ etiam permilcetur cum alijs humoribus? Et dum per aluum excernitur, aut per vomitum reiectatur ſincera, non eſt dicendum quod à vi expultrice, & ſecernatur, & propellatur? Non erit ergo res ita admiranda, ſi etiã affirmare audeamus, humorem antea permixtum, à partibus intimioribus noſtri corporis, ad articuloꝝ ſpatia ſincera per venas interdum deferri, quia eadem ratione, qua venæ multæ ab externis iugularibus deduæ, ſua ſeroſa, ac tenuia excrementa ad loca ſubcutanea deponunt, eadem quoque ratione venæ, quæ aſſuetum alimentum ad articulos deferunt, humorem excrementitium ex venis vnde deduæ ſunt, exceptum in articulos, & partes ad articulos attinentes impellere poſſunt. Nec etiam valet, vt ipſe Ferneliuſ, ſuam corroborando opinionem ſubiungat. Quod ſi cum humore ſanguis emanaret collectus in articulis, phlegmonem vtique excitaret, quod quidem abſurdiſſimum eſſet. cui ſic mihi reſpondendum eſſe exiſtimo, non quidem Hyppocratis 6 aphoriſmorum 49. & Galeni in comento dicta recentendo, quibus in locis Authoꝛes iſti articulares affectus inter inflammationes enumerant, quia hæc non eſſent ſatis ad Fernelij inſtantiam euerrendam.

nam sæpe sæpius contra Galeni decreta præsertim  
 suis subtilioribus, ac potius ingeniosis rationibus in-  
 surgere videtur, sed Fernelij tantūmodo verbis o-  
 stendere inflammationem in articulari morbo fieri,  
 rationi cōsonum esse, vbi hæc habentur formalia, &  
 particularia verba, de Chiragra. *Dolor huic inest  
 plerunque pulsans; sæpe cum tumore, rubore, colore, atque  
 surgentibus plerunque venis.* Et in Podagricis affecti-  
 bus. *Tumor, ut in Chiragra adest tum partis, tum vena-  
 rum ambientium, rubor, calor, dolorque pulsans.* Quæro  
 ego nunc à Fernelio, vbi adest rubor, calor, dolor, &  
 venarum tumor, quid aliud consequi potest, quàm  
 inflammatio? doloribus enim in articulis existi-  
 bus, attrahūtur, & frigidi, & calidi humores circa ar-  
 ticulos, & partes illæ male affectæ doloroso humo-  
 re, calido, & rubro tume fiunt; quia per venas irruūt,  
 & ob id venæ patribus dolentibus proximæ, & anne-  
 xæ tumidiorez ita euadunt, & ita calidiorez fiunt, ut  
 inde febris accendi necessarium sit. Ergo nè dum  
 Hypocrates, & Galenus, Aetius, & alij, verum etiā  
 Fernelius ipse ore proprio conatur fateri, non esse  
 inconueniens in morbis articularibus phlegmonem  
 fieri, & ex consequenti fluxionem humorum ad arti-  
 culos per venas; & si dicam per spinalem medu-  
 llam, per nervos, & per musculos humores fluere, sta-  
 tim Fernelius insurget dicendo, quod hoc fieri ne-  
 quit. *Nam paralis fieret;* quasi ipse ignoret para-  
 lisis causam longè, latèque à morborum articulariū  
 causis differre, & modum, quo generatur articularis  
 morbus, & paralis. Fieret vtrique paralis, ut ipse in-  
 quit, quoniescunque materia non fluere, sed nervos

*Galenus  
 lib. de em-  
 plicis  
 ratione per  
 sanguinis  
 missionē  
 cap. 8.*

ob-

obturaret, repletetque, & in partibus interioribus detineretur, atque internam medullæ spinam occuparet. Verum non sic se habet in articularibus, vel podagricis affectibus, quoniam in ijs materia fluit, ac fluendo nervos interiùs non replet, illosque minime obrurat, sed articularum vincula, membranas, & tendones, & nervos exterius replendo, distendit, ferijt, & ibi dolorem incurit; & quoniam nervos, & tendones, (exteriores partes replendo) distendit; distenduntur autem tendones, & nerui, ad extensionem ligamentorum, & in hac eorum distensione per consensum comprimuntur; ideò tali occasione spinalis medulla, tendones, & nerui in arthritide secundum interiorem partem repleri minimè possunt. *non enim rationabile est* (inquit Galenus 6. aphorismorum 49.) *nervos, & cordas, seu tendones repleri, sed dolere solum, quia simul cum dearticulationibus extenduntur, argumento quoniam visus est nunquam podagricus pati convulsionem;* quibus Galeni verbis Fernelius fortasse non quiesceret, nisi rationibus superiùs aductis satis superque ostendissem, absque paralisis periculo humores in articulari morbo, per spinalem medullam, per nervos, per tendones fluere, & quandoque per vias occultas, & per meatus latentes, & sensibus inconspicuos, veluti per musculos.

*Quæ nam sint membra, quæ sui imbecillitate  
excrementorum defluxum recipiant.*

*Cap. VII.*



**I**s itaque hunc in modum examinatis, necessarium modo est videre ad quem locum humor irruens dilabitur; dilabitur inquam ad ossium ligamenta, quæ nervosa sunt substantia; ossium enim extremitates connectunt, ut inquit Galenus libro de motu Musculorum capite 2. & 12. de usu partium cap. 2. & ad artuum membranas, & vincula, & tandem ad articulorum cavitates, & tendones deferuntur; hæc sunt membra illa valde imbecilla (ut iam diximus) fluxionem recipientia, quæ ad Guttam arthriticam, vel podagricam generandam requiruntur: harum autem partium imbecillitas non est sufficiens, ut dicebat Galenus, ad hos affectus procreandos; est tamen valde necessaria. Ergo hucusque à nobis discussum est circa ea, quæ necessario requiruntur pro Arthritidis. Chiragræ, Gonagræ, & Podagræ generatione, quæ ut compendioso sermone repetam, hæc sunt. Plenitudo totius corporis, vel malorum excrementorum copia: Membra robustiora, quæ à se talia excrementa repellant, & imbecilliora, quæ recipiant.

*cap.*



*Quod Podagra, Chiragra, & alij articulares mor-  
bi non à sola pituita, verum à sanguine, bile,  
& alijs humoribus producuntur, contra  
Fernelij decreta. Cap. VIII.*



T adunguem autem, & aliquo ordine omnia accurate perpendamus rursus ab excrementis, tanquam à materiali causa consideratio nostra initiumumat; diximus autem quod ut plurimum erat pituita, frequentissime sanguis, quandoque bilis, nec non etiam, sed rarissime, bilis atra, & hæc veritas à nobis fuit comprobata, & rationibus, & autoritatibus Clarissimorum Scriptorum, præcipue tamen Hypocratis, & Galeni, quorum doctrinæ, & præsertim Galenicæ, Fernelius noster quandoque minimè assentiri videtur, qui articulare morbum à solo pituitoso, & frigido humore fieri, suis rationibus attestatur, quæ vana opinio, nè dum Galeno, verum etiam, omnibus Medicinæ Scriptoribus, ac defensoribus, sed etiam rationi, & experientiæ aduersatur, adeo ut, hac occasione admodum demirari non desinam tantæ doctrinæ hominē, quousque ipse sua se isthac effrēnata iactet audacia; qui laudis amore fortasse tumidus, dicere audeat, quod *Talis est ratione artisque usu comprobata sententia de Arthritis continente causa*. Non enim ratio postulat, ut vehementia doloris ab excrementi frigidityte progignatur, sed potius ab eius acrimonia, & caliditate; & sicuti Fernelius doloris vehementiam non negat, ita quoque materiam biliosam, &

mor-

mordacem, potiùsquàm pituitosam, & frigidam huius vehementiæ doloris in causam esse admittere debebat, à qua, & dolorum acerbitates, & rubores, & inflammationes, & febres, in Chiragra, & Podagra manifestissimè ad sensum visus, & tactus secernuntur, quæ ijs potissimum eueniunt, ut inquit Fernelius, *qui constitutionem corporis obtinent impense calidam, atque pletoricam, & ijs, qui leui occasione febre iactantur.* Quero ego nunc à Fernelio, corpora, quæ constitutionem impense calidam obtinent, qua ratione ita in ijs affectibus, vehementissimis doloribus cruciantur? quare in ijs partes dolentes admodum incalescunt? & tument, tumore rubro? Respondere, quia hæc humore pituitoso, & frigido abundant, absurdum omnibus videretur; Ergo optimo iure potiùs est dicendum, quia huiusmodi corpora pletorica, & calida, humoribus biliosis, sanguineis, & calidis abundant, & scateant, quæ ex consequenti etiam leui occasione febre iactantur, quia humores sui natura calidi, & in constitutione corporis impense calida, facilius accenduntur, & leui occasione febrem efficiunt; Quamobrem iisdem rationibus, quibus Fernelius suam machinatus est opinionem, nostram tuemur, & patefacimus veritatem; videlicet, quod affectus ij de quibus in præsentia sermo habetur, non à solo pituitoso, & frigido humore progignuntur, sed etiam à sanguine, & cum alijs humoribus permixto, ut iam satis dictum est, nam præter rubrum tumorem, & vehementiam doloris partis affectæ, ratio vult quod a turgentibus, tumidioribus, & plenioribus venis, nos conemur fateri omnes humo-



res posse Arthritidem, & Podagram concitare. Nec obstat Ferneliana ratio, veritatem nostram quoquomodo perturbans, quæ asserere videtur, quod calor, tumor, atque rubedo, quæ quandoque in loco affecto à Podagra, & Chiragra inspiciuntur, non à causa morbi, quæ pituita est, sed potius à doloris vehementia proficiuntur; quæ & interdum febres inducit; Nam vehementia doloris, quæ febrem efficit, non à pituitosa materia; sed potius à biliosa fieri debet, quia pituita nunquam dolorem vehementem concitat: quod si vera esset hæc sententia, sequeretur, quod quanto dolor vehementior esset, tanto augetur calor, tumor, & rubedo, & tamen quotidiana experientia aliter evenire vidimus, quo enim tumor Podagricus, vel Chiragricus cuiuscunque temperamentum patenter sit, & augetur, & exterius manifestatur, eo magis remittitur dolor, propterea quod materia, quæ articulorum vincula infestabat, doloremque inferebat à natura exterius protruditur. Non importune etiam nostra hæc communis sententia contra Fernelium erit experientia ipsa confirmanda; & in hoc agendo, nihil est, ut morer, temporisque iacturam faciam in recensendis typis dolorum, & affectuum partium varijs coloribus; ex dolore namque per totum ægritudinis progressum, uniformi, & continuo non admodum intenso, pituitam exhuberare, atque frigidum humorem potius est credendum: quando autem quotidie, vel alternis diebus exacerbatur, seu de quarto in quartum diem, ne dum pituitam, verum, & alios humores molestiam inferre pro certo tenere debemus; à varietate colorum quoque, affectusque partis

varios

Varios humores ad hunc morbum progigniendum concurrere, non est dubitandum: sed præter cetera, quæ experientiæ lumine in hoc negotio, in medium afferri possent, dignum consideratione mihi videtur, quando persèpe vidimus, aperteque cognoscimus, articulare morbum produci à sanguine e naribus fluxione suppresso; ab intermissis hæmorrhoidarum fluxionibus; atque tandem à menstruum profluuiò intercepto, & non multo post per sanguinis missionē, iisdem interditiis euacuationibus denuo citatis, laborantes ad pristinam sanitatem restitutos: certissima argumenta, quod non sola pituita, sed etiam sanguis excrementitius, in multa copia detentus Arthritim facere solet. Quid plura? quandoque etiam nonnullos à doloribus infestissimis secundum omnes ferè articulos correptos fuisse cum tumore, & rubedine, præcipuè circa genua, & pedum, articulos quibus per alios multa remedia administrata fuerant, & ego postea vocatus, cum ætatem considerassem, inspexissemque temperaturam corporis, naturam morbi, vires, & plenitudinem, & Galeni præceptum maturo consilio animaduertissem 10. de compositione medicamentorum cap. 2. dumque meam sententiam proferrem, statim proposui, ut illi vena secaretur dexteri cubiti, & copiosus inde sanguis extraheretur, quo facto, omnes dolores eadem die cesserunt mitigari, adeò ut postridie à doloribus immunes euaserint: atque ijs præteritis diebus vocatus à nobili lo. Baptista Zaccaria, conciui nostro, qui quator dierum spatio doloribus circa articulos pedis dexteri vehementer laborabat, adeò ut ob doloris importunitatem

de sua salute valde suspicaretur, & cum locum dolentem vidissem, tetegissemque, & nullum cognovissem tumorem, sed potius calorem intensum, & venas habere turgentes, ac plenas, statim, ut illi extraheretur copiosus sanguis à vena cubiti eiusdem lateris ordinaui, quo, me praesente facto, illico à dolore illo molestissimo liberatus fuit; & quid mirum; cum hæc quotidie agrotantibus evenire, Medici omnes practi-  
cantes inspiciant Tandem experientia manifestissime comprobatur, quod medicamenta frigida loco dolenti administrando, per sepe maximo sunt agrotanti iuvamento, & medicamenta calida eidem dolori adhibendo, dolor ille valde exacerbatur, quo fit, ut necessarium sit fateri, hos dolores tunc à calido humore fieri. Quoniam autem mihi videor multas, & quidem validiores rationes proposuisse ad hanc Fernelij sententiam retorquendam, propterea nè nimium longa sumatur oratio, immenso tum argumentorum, tum historiarum agmini cedere volui, concludens, quod Articulares morbi, ab humore nè dum pituitoso, & frigido fiunt, verum etiam à sanguineo, & bilioso, & attrabili, quæ omnia superius enumerata excrementa, vel ab uniuerso corpore, vel in iecore, vel liene, vel ventriculo, aut ab utero, & a renibus originem habent, & quandoque etiam à capite, & cerebro, à parte etiam intimiore cerebri, non autem perpetuò à capitis exteriori parte, ut Fernelius voluit, tum rationibus superius adductis, tum etiam in praesentia adducendis.

*Quod humores non perpetuo à capite, vel à parte  
exteriore capitis originem trahunt, contra*

*Fernelium. Cap. VIII.*



AM enim demonstratum est, Articulares, & Podagricos affectus produci à suppressis menibus, & hæmorrhoidarum assueta purgatione intercepta; Ergo non perpetuo à solo capite, excrementa tales affectus producentia originem ducunt. Præterea, ob id etiam ratio non postulat, ut eadem excrementa, quæ in venis hæmorrhoidalibus, vel in utero detinentur, coaceruanturque, antequam ad genua, vel ad pedum articulos prolabantur, ad caput prius ascendant, & postea ad illas partes defluant, hoc enim esset ridiculum imaginari: Et idem est intelligendum, quando dolores renum, ventriculi, atque intestinorum, in articulorum doloribus vertuntur, testantur enim hoc, Hippocrates, & Galenus 4. libro in 6. Epid. cap. 3. quoniam absurdissimum esset opinari, materiam tales affectus producentem, antequam ad articulos pedum irruat, prius in caput defferri, quia natura agrauata, faciliorem sibi aditum ad exonerandum requirit, & parat facilius autem aditus naturæ est ille, qui per breviorrem viam, & rectitudinem fit, at materiam, vel utrum, vel ventriculum, vel renes occupantem, ad genua, vel ad articulos pedum per viam capitis propellere esset potius naturæ opus valde difficile, & laboriosum. Ergo Fernelij opinio rationi consensanea, minimè esse videtur: propterea ego maximè optarem,

rem, vt vir iste acrimonia ingenij præditus, rationem saltem mihi redderet, qua nam necessitate, vel natura, vel morbi, coacti humores superuacanei, in visceribus geniti, antequam deferantur ad pedes, debeant prius in caput ascendere? Amplius, si vera esset hæc Fernelij opinio, ex necessitate sequeretur, quod nunquam dolores articulares, vel pedagrici succederent, ni prius signa ab eo proposita in capite apparent, videlicet. *Capitis grauitas, somnolentia, dolor externus, & inuersis capillis acueretur in capite dolor, tumor edematofus, interdum molis, vt cera, cuti præsertim ad occipitium subiectus, cutis densa, &c.* At non semper ex necessitate hæc signa in capite apparent, Quamobrem longè erronea est opinio hæc sua. Experientia enim quotidiana contrarium persæpe, & vt plurimum euenire videtur, quotidie enim practicando, frequentissime intueri potui, huiusmodi affectus accidere absque vlla in capite imaginabili ante acta alteratione.

*Causa externa multitudinis excrementorum, à quibus Podagra, & alij articulares morbi, producuntur. Cap. IX.*

*A quibus causis excrementorum generetur*



**S**E D perquiramus modo, à quibus nam causis hæc plenitudo in corpore, & congeries excrementorum generetur: vel enim loquimur de plenitudine simpliciter, de qua multis in locis loquutus est Galenus, præsertim tamen 4. lib. de tuenda sanitate & lib. 13.

methodi medendi cap.6. & libro de plenitudine circa finem; Vel de malorum humorum plenitudine loqui volumus: de vtraque meum institutum est dicere, quia in istis affectibus omnes hæ locum habent. Plenitudo autem, quam Græci *πληθύνει* vocant, à desidia, otiosa vita, pleniorique victu introducitur, vt Galenus testatur lib.suo de morborum causis, cap.3. malorum vero excrementorum plenitudo, & exuberantia, à qua Podagra, & alij articulares morbi producantur, ab externis, & internis causis fieri fas est dicere, à causis externis inquam, veluti à pigritie, à nimio otio, à vita valde à laboribus aliena, à crapula, à multorum, & generosorum vinorum potu, præcipuè cum aliquis ea ieiunus potauerit, ab ebrietatibus, & immoderato veneris usu, vnde Virgilius dicere consueuerat.

*Externa causæ sunt plenitudinis malorum humerum Podagra. & articularum affectuum.*

*Vt Venus enervat vires; sic copia vini,*

*Et tentat gressus, debilitatque pedes.*

Ex desidia namque, crapula, Venere, & Vino, naturalis calor adeò trigessit, vt ferè ad extinctionem perducatur, vnde fit, vt ad concoctionis munera ineptior euadat, & ex consequenti crudorum succorum ingens copia progignatur; cum autem malis istis humoribus corpora scatent, neque ob id à mala victus consuetudine desistunt, necessarium est, vt in consimiles perniciosos affectus incurrant. Præterea, inquit Galenus 6. aphorismorum supra trigesimo, quod usus venereorum tantam vim habent in Podagræ generationem, vt mirum minimè videatur, si Hyppocrates dixerit, quod Eunuchi Podagra non laborant, & postmodum, neque pueri ante venereo-

rum



rum vsum. An verò hæc Hyppocratis sententia nostris temporibus verificetur, idem Galenus affirmat, quod Hyppocratis quidem tempore verum exitit propter vitæ moderantiam, At sua tempestate etiā Eunuchi, & Pueri podagra corripiebantur, quamuis nullum haberēt vsum venereorum, quod & nos quoque affirmare debemus, talis enim est eorum defidia, & ingluuius, & ebrietas, vt etiam sine venereis, & mulieres, quamuis menstrua, illis non deficiant, podagra corripì possunt, & propterea optimo iure Celsus Aurelianus, vir quidem oculatissimus, lib. 5. tardarum affectionum cap. 2. nolluit Eunucos, & Pueros à podagricis, & articularibus passionibus excludere, coitus itaque immoderatus, & porissimum qui supracibum fit, præterquam quod innumeras agitudines parere potest, tamen articulares dolores, & podagricos affectus concitare præferim valet; & præter cetera aceti, & vini albi vsus, huic morbo fomentum præstare videtur, sunt enim veluti vehiculum malorum excrementorum ad articulos, cibaria etiam, quæ corruptioni obnoxia sunt, ex quibus humiditas superuacanea facillè generatur, vt poma, persica, melones, cuiuscunque generis olera, & legumina, pisces, caro porcina: & omnes carnes pingues, & Auium palustrium; Et secundum Apulei sententiam comestio gallinarum, & coturnicum, quam proprietatem nullam aliam esse reor, quam humorum viscidorum exuberantiam, quam sanè huiusmodi carnes parere asuetæ sunt. Inter externas causas quoque recensere debemus, omnium assuetarum euacuationum interceptio, vt menstruorum, hæmorrhoidarum, sudoris, & narium,

narium, & huiusmodi, & artefactarum purgationum intermissio, vt sectionis venæ, vel purgantium medicamentorum, & frequentis balnei. Præterea ægri-  
tudines valde longæ, & cronicæ, & perperam curatæ, sunt in causa horum affectuum, vt plerumque videre est in disenteria, ex ea enim non rectè curata, pedum dolores sæpissimè succedunt. Quamobrem iure merito nos ducimur ad credendum, quod eadem ratio-  
ne, qua humores irruunt ab intestinis, ad articulos (quod sanè sæpe in disenteria fieri consuevit) & sic ex disenteria, arthritidis introducitur, ita eadem ratione, humorum ab articulis impetus, & fluor ad intestina, efficit, vt alui fluore accedente articulorum affectus discedant. Eliquationes, quæ fiunt in difficultati-  
bus intestinorum, nisi rite purgentur, ad Articulos transferuntur. Aegritudines etiam non cronicæ hoc idem præstant, dolores enim colici in articulares, & podagricos vertuntur, vt ex Hyppocratis doctrina  
4. in 6. de morbis vulgaribus parti. 3. elicere va-  
lemus. Et Paulus Aegineta lib. 3. capit. superius citato, inter has causas recordatur importunus, ac  
vehemens labor, longa, laboriosa, & intempestiua  
ambulatio, & æquitatus, & insueta frigida potio,  
qua Principes, & Aulici ex longa, & deprauata con-  
suetudine vtuntur, quibus addere liceat animi curas,  
& cogitationes graues, atque perturbationes; vigilie  
immodicæ, somnus extra tempus, & consuetudinem.

D

Qua



*Qua nam sint causa interna perquiritur,*

Cap. X.



T autem ad internas causas oratio nostra conuertatur, dicendum est, quod causae internae à triplici fonte scatent, nempe ab Humoribus, à Mēbris, & a Facultatibus.

*Causa interna,  
& plerumque  
indis pra-  
morum excre-  
mentorum,  
& Podagra,  
& articulo-  
rum afflictiō.*

Tunc autē scaterē ab humoribus dicimus, quādo ipsi exuberant, vel omnes simul, vel vnus ab altero se iunctus, vt iam fusius à me declaratum est; Emanare autem à Membris ipsis, quando scilicet viscera, & interius principaliora membra per quamcunque causam, à sui naturali functionē desistunt, & musculi, nerui, tendones, & articuli, vel dilatati, vel rari, vel laxi, aut lati in suis vijs reperiuntur, tales autem euadunt, vel propter percussiones, casus, propulsiones, & luxationes; quandoque enim torquentur, vel è suis mouentur locis membra, vel quandoque percutiuntur nerui, & tendones, & sic imbecilliores fiunt, & doloribus cruciantur, vnde in locis illis attrahuntur humores, vel ratione doloris, qui vim habet attrahendi. Vt Galenus testatur libro de curandi ratione per sanguinis missionem ca. 8. vel quia iisdem causis, musculi, nerui, tendones, & articuli facti sunt imbecilles, & laxi, & hac ratione humorum fluxiones admittunt. Præterea, à procastarticis causis etiam superius relatis, membra iam dicta imbecilliora euadunt. Talia tandem dicuntur esse à natura ipsa constituta, vel quia ab Auis, & Patribus podagricis originem traxerunt, quibus semen viciatum erat, atque ideo filijs vehementiorem fecerunt partium imbecilli.

eillitatem, vt Galenus 6. aphor. supra citato loco re-  
 statur. Et hac præfenti occasione non possum non  
 mirari, cur Donatus Antonius ab Alto Mari, vir no-  
 ftra tempeftate clariffimus, talem præcipuè internam  
 caufam, in externarum numero repofuerit. Et tan-  
 dem caufas internas harum ægritudinum, à faculta-  
 tibus fluere dicuntur, quando facultas expultrix, vt  
 puta ventriculi, hepatis, vel aliorum internorum  
 membrorum, valida, fortisq; eft, vel nimis imbecillis.  
 quando fuerit fortis, tunc temporis ad membra de-  
 biliora, veluti ad articulos fuperfluitates eorum ex-  
 pellunt. Galenus enim in libro Hyppocratis de na-  
 tura humana comento 2. membra fortia inquit, fi fu-  
 perfluos a fe humores depellant, ad debiliora depo-  
 nuntur, & Auerroes feptimo collectaneorum, cap. de  
 ægritudinibus ftomaci. *Consuetudo est (dicit) vt for-  
 tè membrum fuæ fuperfluitates ad debile proiciat, & ma-  
 ximè, fi ad hoc adiunat locus, & via, quæ ad ipfum con-  
 fluunt.* per Locum, nos intelligere debemus articulos,  
 neruos, & tendones imbecillos, qui excrementa reci-  
 piunt; per Vias autem, mufculos dilatatos, patentes,  
 & laxos tendones. talium excrementorum defluxum  
 admittentes, quando vero facultas retentrix fuerit  
 imbecillis, tunc humores crudiores, & male, admi-  
 nistratos relaxat, & hæc fint fatis pro caufarum, tam  
 externarum quam internarum exacta cognitione.

*De causis Podagra, & Chiragra Nodosa.*

*Cap. XI.*

**Q**UONIAM quandoque Articuli digitorum Manuum, & Pedum inflantur, atque tumidi fiunt, & postea adeo duri efficiuntur, ut in tophaceam, & veluti lapidosam substantiam transeant, & nigricantes quodammodo euadunt, atque in obliquas partes, vel aliquoquo modo contorti verruntur. Et quandoque fit, ut humores mucosi, viscosi, vitrei que colligantur in eorundem digitorum articulis, & poros generent, qui in lapidosi tophi naturam euadunt, curimque in iisdem partibus distendendo, ac erumpendo, Tumidam, & proeminentem faciunt, & quamuis chirurgicis instrumentis extrahantur, tamen regenerantur de nouo, & materia, quæ exit interdum, gipsea, interdum vero ad grandinis similitudinem apparet; propterea non erit inutile horum affectuum causas perpendendo, recensere; quod ut ordine iam superius instituto utatur, illarum alias externas, alias vero internas esse statuamus; in externarum serie, adest pigricies, otium, vitæ a laboribus aliena, crapula, hebrietas, & omnes alij inordinati cibariorum esus, & male victus rationes, a quibus incocti, crassi, viscosi, glutinosique humores generari apti sunt, qui deinde per assationem in terrestrem duriciem verti facillimè possunt, ut Galeno placuit 14. methodi medendi cap. 4. vel etiam in eandem duriciem transmutantur, propter usum medicamentorum, vel admodum calefacientium, & exiccantium,

tium, & reffoluentium, vel ob adminiftrationem medicamentorum nimis ftupefacientium, & torporem inducentium. Causæ autem internæ, funt humores vifcidi, & glutinofi, qui in corpore abundant, & membra interna principalia, fcilicet cerebrum, ventriculus, iecur, lien prauè affecta; Mufculi, tendones, nervi, & articuli imbecilliores redditi, & facultates membrorum, vel nimis robustæ, vel admodum imbecilles; Et vt ab humoribus aufpicemur cum fint glutinofi, & craffi, dum refident in articulis adeò craffefcunt, vt in duriciem contumaciffimam tranfeant; adhærent autem præcipuè in articulis digitorum, vel manuum, vel pedum, propter illorum infignem imbecillitatem, & ab internorum membrorum facultate, vel nimis robusta transmittuntur, vel admodum inualida, crudiores relaxantur; & tandem generantur tophi in articulis, vt Galenus inquit, primo de alimentorum facultatibus cap. 5. ea ratione ferè, à qua in renibus lapilli fieri folent.

*Contra Ambrofi Parei fententiam caufa occulta  
Articulares morbos producentes refelluntur.*

*Cap. XII.*



**A**MROSIVS Pareus. Parifiensis, Chirurgus Regius, & primarius, præter causas à me figillatim enarratas, opinatus est, arthritidem, & podagram à quadam occulta, venenata, & maligna, inexplicabilique materiæ qualitate prouenire, & hoc Auicennæ, authoritate fretus

fretus, cum lib. 3. fen. 22. tractatu 2. cap. 5. proferat *Arthridis speciem* quandam esse, cuius materia adeo acuta, & maligna sit, *ut si aliquando animi irati impetu exacerbetur, subita morte homini necando sufficiat.* hanc porro suam opinionem corroborans Galeni mente libro de Theriaca ad Pisonem cap. 15. ubi habet. *Theriaceam podagricis, arthriticisque omnibus ex usu esse.* Nulla alia ratione ductus, nisi quia dessicat, obtundit, & consumit huiusmodi materiam virulentam, quam profecto opinionem, pace tantæ auctoritatis viri, falsam, & erroneam esse iure merito censeo, quod duplici ratione demonstrare non erit admodum difficile; tum quia causæ ab eo relatæ, quæ podagram, & arthritidam faciunt, occultæ minimè sunt existimandæ, tum etiam quoniam materiæ illæ malignæ, venenatæ, atque virulentæ præcipuè, ac per se ipsæ Morbos articulares, & podagricos non constituunt. Quatenus ad primum spectat, rationi valde esse alienum iudico, ægritudine vnde quaque conspicuæ, causas latentes proponere, si enim morborum causæ abditæ essent, frustra illorum ablatio utique tentaretur, præterea, quibus nam præsidij, ac medicamentis ad causas occultas euertendas uti poterimus; à causis enim conueniens curatio indicatur, hoc sane quàm clarissimum est, & à nullo vnquam reluctabitur, idcirco ex omnium præstantissimorum Medicorum consensu, & præcipuè Galeni 10. Methodi medendi cap. 1. & primo de arte curatiua ad Glauconem cap. 15. idem confirmatur; Præterea, iam ab omnibus grauissimis artis medicæ institutoribus decretum fuit, quod ut morbi articulares concitentur, necessarium est

(com-

(compendioso sermone repetendo, ea quę à me fufius dicta sunt) vt excrementorum copia adfit, & membra huiusmodi excrementa generantia, & repellentia, & alia membra, quę fui imbecillitate taliū recrementorum fluxum admittant. Hę sunt cauſę potiores ab omnibus enarratę, & ſi alię adſunt, omnia ad hęc reducuntur, quę ſanè omnibus patentiffimę ſunt, & alię præter has minimè recensentur; Quamobrem cum præter iſta, nulla alia cauſa reperiatur, & omnia ſint clara, neceſſarium eſt fateri, huiusmodi affectus non poſſe ab occulta cauſa, vt inquit Pareus, produci, Verum quoniam fortasſe Fernelij ſectatores pro Pareo ipſo facilè inſurgere poſſent, dicentes quod cauſę occultę minimè ſunt ſpernendę in omnibus, & præcipuè in his affectibus, inter quas (poſt habito contactu) & aer ipſe, & venenata materia, ſunt recensenda, cui opinioni ſic mihi reſpondendum eſſe exiſtimo, quod quando pro certo habemus, aerem articulare morborum in cauſam eſſe, tunc illum minimè inter occultas cauſas, quin potius inter manifeſtas eſſe habendum, vnicuique patebit, quoniam tunc aer morborum cauſa eſt, quando vel in caliditate, humiditate, ſiccitate, & frigiditate nimis alteratur, vt videre eſt apud Hyppocrat. 3. aphoriſmorum aphoriſmo 20. uſque ad 25. aeris enim alterationes vim habent contrahendi, & fundendi humores, educendi ad cutim, & ad membra debiliora. conſtipandi cutim, & putredinem generandi; Præterea contaminatur aer, quando ab aliqua euidenti cauſa putreſcit, verum de hac poſtrema alteratione non loquimur, quoniam non eſt noſtrum inſtitutum de morbis contagioſis



tagiosis verba facere; quare quoquo modo aer alteratur, & est in causa alicuius affectus non est dicendum, causam illam esse inconspicuam. Ad venenatam autem materiam accedens, dico, quod si venenata materia est causa occulta, nescio qua ratione ita venenata appelletur, demiror equidem Fernelium, & eius sectatorum opinionem, cur ita nomen veneni, quod manifestum est, rei occultæ attribuant, omnibus enim inconfesso est, materiam virulentam, eruginosam, quæ naturam veneni sapit, in nostris corporibus fieri ex atra, & flauabile, & crasso sanguine supramodum assatis, & exustis, ex improbo victu, & ex pestilenti aere; propterea venenata materia, non inter latentes, vt Pareus, & quidam alij opinati sunt, verum inter patentissimas causas, est reponenda. Non video præterea, quomodo huiusmodi maligni, venenatique humores præcipuè, ac per se ipsi valeant affectus podagricos, & articulares facere, ratio enim impromptu est, quoniam maligni, & eruginosi humores non producuntur, nisi ex ingenti assatione, & adustione, vel sanguinis, vel flauæ, vel atræ bilis; supramodum autem assantur, & aduruntur propter febris magnitudinem, confirmatur enim hoc, autoritate Galeni in primo prorrhethici Hyppocratis, comento primo, supra particula 10. & in 6. de morbis vulgaribus comento primo, supra particula 6. & 7. aphorismorum supra aphorismo 6. & multis alijs in locis: necessarium itaq; est, antequam humores æruginosi, & virulenti, ac venenati fiant, vt febris prius accendatur; ergo consimiles humores, neque primo, & per se, neque tanquam causæ occultæ articulares, & podagri-

Cos affectus concitare possunt, vt Ambrosius ille Pareus affirmare nititur: nec obstat, vt pro suæ opinionis confirmatione, simulatam Auicennæ auctoritatem in medium afferat. quoniam Auicennas, nusquā occultam causam arthriticidis proponit, & præcipuè in loco ab illo relato: quantum autem huic proposito in fine capitis à Pareo, in Auicēna adducto, omni sedulitate obseruando, intueri potui, huiusmodi sententiam reperi, quæ sic se habet; *Et podagra quidem colerica attrahit mortem subito*, ex qua nullam profectò causam occultā inuenire possum: clarissimè enim podagram colericam, exitialem appellare videtur, quia testatur quod de repente mortem inducit, si naturam huiusmodi coleræ perpendere volumus, & illam in serie venenatorum excrementorum reponere. statim causam esse manifestā, rationibus superius enarratis confiteri renemur. Nec vim faciunt verba Galeni, loco superiùs citato, vbi dixit Theriacam omnibus arthriticis, & podagricis ex vñ esse, quia materiam virulentā desiccet, obtundit, & consumit, si namque per huiusmodi facultates necessarium est vt operetur, ad virulentum humorem debellandum, nulli reuocatur in dubium, quod materia illa virulenta à Pareo proposita, non est tanquam causa occulta consideranda, alioquin Theriacæ facultates specificæ ab illo propositæ, frustra requirerentur, & essent superuacaneæ.



*De signis Articularium affectuum in vniuersali.**Cap. XIII.*

**I**MPOSSIBILE est, morbos ignotos oportunis remedijs profligare, quam obrem, vt articularium morborum elaboratam, atque exquisitam curationem, quantum in me est, tradere valeam operę pretium esse duxi, prius vniuersalia signa horum affectuum demonstrantia, sigillarim examinando, in medium proponere; postea vero ad particularia descendere, cuius, rei causa animaduertendum est, quod ex ijs.

calida

frigidada

Ab intemperie inæquali simplici sine materia, quę erit, vel

humidada

sicca

Dato & nō concessio, quod morbi articulares ab intemperie producantur sine materia, membra male affecta colore non mutantur, nullum pondus, aut vlla grauitas aderit, & nulla apparebit inflatio, secundum Auicennę sententiam, qui tamen per raro huiusmodi affectus a sola intemperie prouenire fatetur; ego vero cum Galeno, & Aetio huiusmodi signa præmittam; quoniam cum à fluxione, affectum hunc fieri constet, & fluxio absque materia fieri nequit, propterea signa intemperiei simplicis sine materia à me minimè erunt consideranda.

Quædā  
signa de-  
sumuntur  
vel

Quæ-

A spiritu flatuoso coartationibus occluso, nervos, & vincula, & musculos distendendo

Qui veluti unitatis solutionem pariens ingentes dolores affere solet, & propterea iste vocabitur dolor tensivus, propterea quia persape flatu: à materia producuntur, & si aderint flatu, membra laxa erunt tensa, & ita permanebunt, dolorque perambulabit, atque eo magis id erit suspicandum, cum ratio victus, flatu: fuerit generatrix; Amplius sonitus in Hypochondrijs aderit, qui æquidem manu comprimendo non difficile persentitur, quoniam autem, & à flatibus, & ab humoribus dolor simul produci potest, propterea tensivus simul, & gravatius interstingitur.

Purus

à materia que multiplex esse potest, vel enim est sanguis, qui sanè vel est.

Nō purus

cum bile permixtus  
cum pituita, que aut  
est.

dulcis

cruda

salsa

cum Malencolia

cum miscella humorū

E

De

*De signis particularibus, & primo signa à sanguine puro desumpta examinantur.*

*Cap. XVIII.*



**S**I articulares, vel podagrici affectus à sanguine puro, ac sincero originem traxerint, tunc dolor erit extensivus, cum pulsatione quadam; non quidem superficialis, sed potius profundus valde: mane præsertim, quam hora alia infestans, qui frequenter, & continue exacerbatur, neque medicamenta admodum refrigerantia, neque calefacientia, sufferre poterit, color membri male affecti circa cutim erit rubicundus valde, dummodo materia, in profundo non delitescat, cum caliditate moderata, quæ ad tactum facillimè persentitur; & plenitudo in eodem loco, & venarum tumor apparebit, non sine grauedine, & ponderositate, & æger quandoque in fronte, & in facie sudorem emittet; atque interdum a somnolentia, & capitis gravitate turbabitur; in ore, lingua, atque palato quandam exiguam dulcedinem degustare videbitur. Et hæc omnia evenire solent in adolescentia, & ad muli sanguinis generationem idonea, usque ad virilem ætatem, in temperata regione potius, vel in tempore veris, vel in consimili constitutione præcessa. Victus ratione antea, & ad sanguinis ubertatem gignendâ idonea, eius pulsus apparebit magnus, plenus, vndosus, mediocrem inflammationem præseferens; Urina rubea, & moderate crassa apparebit cum subsidentia ad albedinem inclinans, & cum nube suspensa in medio existente.

*Signa*

*Signa à Bile deprompta. Cap. XV.*

**S**I autem à Bile, dolor manifestabitur lacerans, acutus, pungitius, acris, & valde intensus, ad differentiàm doloris à sanguine producti, exacerbatur autem magis de tercio in tertium diem, iusta humoris biliosi naturam, cui, febris facillimè, in statu accessionum introducitur, cum sit ingenti: præterea amaritudo in ore, lingua, atque palato ab egrotante degustabitur, & acuitas, acerbitasque doloris talis erit, ut vim habeat efficiendi vigilias, deliramenta, animi deliquium, & syncopem, quæ squissima accidentia sunt: huiusmodi namque dolores à bilioso humore procreati, tristem sensationem ulceris annexam habent, Color membri cruciati ad citrinitatem tendet in parte exteriori cutis, absque ullo ferè, vel saltem paruo tumore. Calor tactui pungitius, ac mordax sentietur, hæc autem caliditas, non quidem mediocris, sed intensa, atque acutissima, à calidis medicamentis sæuissimè exarcebatur, & placidissimè proculdubio à frigidis remittitur, & subleuatur. Et hæc fiunt in corpore temperaturæ biliosæ, ut puta calidæ, & siccæ, in ætate iuuenili, usque ad principium senectutis, cuius animi, & corporis motus violenti præcesserint, cum ratione victus bilem generante, in calida, & sicca regione, & æstiuo tempore. Et pulsus velox erit, non sine aliqua exigua duricie, Urina erit colorata, & tenuis veluti ad auri similitudinem, & quandoque fulua cum excretionibus biliosis.

*Signa*



ITVITOSVS autem si fuerit humor, & pituita si dulcis fuerit, tunc temporis dolor non erit ita acutus, & pungitius, sicuti de alijs calidioribus humoribus dictum fuit; motus tamen articulorum difficiles fiunt, cum dolore potius remisso, & mediocri, cum quotidianis exacerbationibus; qui per plures horas perdurant, & nunquam dolor ipse remittitur integrè, cum breui intercapedine, Color cutis loci affecti non erit admodum à statu naturali alienus, ad albedinem potius vergens, tumor aderit & dematosus; Et ut huic proposito iure inquit Fernelius, qui in multis alijs errauit, mollis ut cera cum pauca, remissa, & ferè insensibili caliditate; os, lingua, atque palatum languentis insipida erit, & ea, quæ degustabit, insipida illi videbuntur. Et hæc euenire solent in ætate ad senectutem inclinante, in tempore frigido, & humido, in consimili aeris statu, atque in hyberno tempore, quibus vita otiosa, & absque vlllo motu præcesserit; præcessere etiam vsus ciborum crassę substantię, frigidorum, & humidorum, pulsus molles, varijque ad tactum apparebunt, vrinę colore remisso, crassę substantię, & vltimum perturbatę, cum excretionibus pituitosis, & mucilaginosi.

*Signa à pituita salsa. Cap. XVII.*

I autem salsa fuerit pituita, dolor paulo erit acrior, quotidianus tamen, calor cutis aliquantulum intensior, tumorque nō erit admodum dissimilis ab illo, qui à pituita insipida progignitur; cum aliqua circa cutim pruriginosa mordacitate, quæ ad scalpendum ægrum inuitet; pulsus non ita molles, neque ita diuersi; Vrinæ conturbatæ quidem, paulo tamen tenuiores, cum subsidencia aliquando crassa, excrementa proculdubio pituitosa, verum tamen aliquam caliditatem præferentia, os, lingua, atque palatum salledine prædicti, & quæ degustabit, salsa apparebunt.

*Signa à melancholico succo. Cap. XVIII.*

PRO æquidem morbi articulares, & podagrici à melancholico succo concitantur, & ratio est, quia talis humor cum maxima difficultate mouetur, & fluxibilitati est valde inæptus, & ad iuncturas impossibile est quin possit absque insigni labore, & conatu fluere, quando tamen euenit casus, vt affectus podagrici, & articulares, à tali prauo succo succedant, Dolor affecti membri paruus erit, absque vlla penitus inflatione, grauitas tamen atque stupiditas quædam persentietur, & huiusmodi exacerbantur alterationes de quarto in quartum diem, cutis superficies quandoque liuida, quandoque nigra apparebit, frigiditas ad tactum

mani-



manifestabitur, in ore lingua, atque palato acerbitas aderit, & quæ manducabit, gustui acerbæ erunt: Et hæc euenient ne dum in ætate virili, verum etiam ad extremum senium cadente, in frigida, & sicca temperatura, in fine autumnii, atque in hyeme frigido, & sicco, & in regione consimili; immodicis lassitudinibus antea actis, atque ædulijs bilem atram generantibus, cum appetitu valdè intenso, & veluti insatiabili; Pulsus duri, & tardi in suo motu erunt, vrinæ in principio erunt tenues, & ad aquæ similitudinem, in progressu autem attriores, cum aliqua crassicie, cum sedimento fusco, ægestiones atræ supercoctæ, atque mucosæ.

*Signa miscella humorum: Cap. XIX.*

**S**IGNA permixta tùm in dolore, tùm in exacerbationibus, coloribus, & caloribus spectantur; nosce porro operæ præcium est, inquit Aetius, quod aliquando fluxus fluxui commiscetur, aut calidus frigidus, aut vicissim frigidus calidus, & secundum utriusque horum qualitatem, exacerbationes fiunt; & continget quandoque, ægrum bis in die exacerbationum accessionem sentire: quo quidem in casu, Medicus accuratissimus esse debet in veritate huius negotij indaganda, nè decipiatur, quoniam valde obscurum, perdifficileque admodum est, miscellam humorum interstinguere; sibillæ enim opera indiget inuestigare, si varij adsunt humores; quis nam illorum superet, ac prædominium habeat, & hoc præscire maxime

ximè est necessarium ad medicamenta imperanda, vt  
 administrantur. Præterea in humoribus mixtis, ca-  
 lor, colorque membri læsi Medicum non parum de-  
 cipiet, nam exempli gratia, si bilis cum pituita per-  
 missetur, non alienum à ratione erit, vt bilis ipsa ad  
 membri male affecti circumferentiam, & superficiem  
 propellatur, cuius causa, rubedinem, & colorem citri-  
 num ostendat, caloremque mordacem præbeat, & ta-  
 men in interiori parte pituita residendo, non leuem  
 dolorem efficiat, ex quibus potius exterioribus si-  
 gnis, bilem doloris esse causam falsò opinaretur, ma-  
 teria enim, in profunditate membri existens, est illa,  
 quæ dolorem efficit, & prædominium habet, & calo-  
 ris, & coloris membri læsi superficiem pro aliquo  
 temporis spatium non mutat. Quare à calore, & co-  
 lore, vel frigidityte membri nullum certum indicium  
 elici potest. Veluti quandoque bilis commixta pitui-  
 tæ erit illa, quæ præcipuè cruciando infestabit, cum  
 tamen præuè affecta membra, in eorum superficie  
 pallida, albaque videantur, tepidiora, vel frigida po-  
 tius ad tactum appareant, & hoc non ratione humo-  
 ris binosi iam fluxi, prædominantis, qui intimiores  
 occupat partes, sed aeris nos ambientis frigidityte,  
 vel alterius externæ rei causa. Cum igitur talia si-  
 gna sæpissimè Medicos decipere soleant, idcirco nos  
 iure optimo ad rationem victus iam præcessam de-  
 bemus confugere, ad totius corporis temperiem di-  
 gnoscendam, ad ætatem, temporum constitutionem  
 præsentem, & iam cursam, ad vrinæ qualitatem, & ad  
 reliqua alia ad id attinentia omni sedulitate perpen-  
 denda, Vrinæ præsertim exuberantem, & prædominan-



tem humorem patefacere facillimè possunt; verum quoniam inspituntur interdum albæ, ac tenues; & valdè perspicuæ, in quibus quædam albæ atomosæ innatantes materiæ commiscetur; & ita albæ spectantur, quoniam, aut à iuncturis proueniunt, aut à materia frigida puitosa, in ijs resoluuntur, rotundæ vero, & atomorum figuram præferunt, quoniam exempli gratia sicuti minerale aurum, quod in quibusdam fluuiorū arenulis inspicitur, per continuā reuolutionē in paruis rotundatur granulis, ita resolutiones illæ atomosæ, atque rotundæ propter ipsarum in densu continuā reuolutionem ad formam rotundam atomis similem facillimè reducuntur, quod si bilis, aut sanguis fuerint, prædictæ illæ atomosæ resolutiones, rubæ, aut sub rubæ, subcruentæ, aut subfluæ apparebunt. At si caliditas talis, tantaque fuerit, ut humores colliquefiant, materiæ ille rotundæ innatantes, & commixtæ urinis, præterquàm quod rubæ, & adustæ spectabuntur, urinæ quoque rubæ, crassæ, & coliquatiue inspiciuntur; tandem, Si turbatæ, aut liuidæ fuerint, urinæ, inferiores iuncturas, & articulos laborare argumentum est, quoniam humores, qui tales affectus progignunt, per spinalem medulam, ad inferiores articulos defluentes, per urinas etiam aliqua ex parte exeunt, quamobrem ita turbatæ, & liuidæ sunt.

*Signa ab egrotantium relationibus desumpta.*

Cap. XX.



**E**XPLORATVM autem omnibus esse debet, quod signa ex urinis deprompta, per se sola non sunt valida, atque idonea ad essentiam, & naturam podagræ, & ceterorum articularium morborum demonstrandam, signa namque superius proposita maximè necessaria sunt, & quæ ab egrotantium relationibus elici possunt, propterea, & de his sermonem instituere debemus, quæ in duplici sunt differentia, quædam circa partes læsas versantur, quædam vero circa membra illa, a quibus humores originem trahunt, & ad affectas partes defluunt. Signa porro quæ a locis affectis eliciuntur, ipsi languentes suis quærimonijs planè manifestabunt, quia dum dicent sibi manus dolere, erit signum chiragræ, dum vero genua erit signum gonagræ, pedum autem podagræ absque dubio erit nota, si tandem crura, brachia, dorsum, & alia membra simul sibi dolere dixerint arthritidis indicium erit, talia namque sola signa scire non sat est, sed ulterius à nobis est inquirendum, an videlicet humores in cavitatibus articulorum redundant, vel in ligamentis, aut sub eorum membranis; nulli reuocatur in dubium, quod si tumor internus fuerit, & non ita de facili perceptibilis, quod humores, vel in cavitatibus, vel in articulorum membranis erunt fluentes; Si tumor fuerit externus, perceptibilis, & evidens, absque difficultate humores in ligamentis redundabunt. Præterea si ægrotantes dixe-

F a rint,

rint, se dolorem in superficie percipere, signum erit humores in ligamentis consistere; Si verò fateantur dolorem intimiorem, ac in profundo perferire, tunc erit certum signum humores in articularum cavitatibus, & membranis permeare. Præterea si affirmaverint, quod dolor partem affectam comprimendo, exacerbat, tunc erit indicium humores in superficie reperiri, si verò comprimendo non augentur, signum est, quod humores per intimiores partes fluunt; Si tandem affirmaverint egrotantes se cum difficultate, & labore membra, & luxata, & prave affecta movere, signum nobis præbent humores in articularum cavitatibus dilabari, & ossium ligamenta labefactata, & laxiora reddita, & madefacta esse, quæ admodum Galenus 6. aphorismorum ultimo manifestare videtur.

*Signa, à quibus partibus nostri corporis humores originem ducunt, demonstrantia.*

*Cap. XXI.*



**S**IGNA verò, quæ nobis postremo loco demonstrant, à quibus nam partibus nostri corporis, veluti à fontibus humores erumpere solent, & ad partes læsas fluere, magna ex parte ab egrotantium responsionibus investigantur: Quamobrem, si ipsi retulerint, se prius à febre fuisse cruciatos, & postea in dolores pedum, manuum, & coxarum incidisse, hoc erit indubitabile signum, huiusmodi doloris initium habuisse ab humori-

moribus per vniuersum corpus diffusis. Si de capitis grauitate, dolore, & somno profundo, & alijs consimilibus antea conquesti fuerint, quam in ijs doloribus incurrerent, quis negare poterit, humores aliunde, quàm à capite prouenire: quod si alij affirmabunt; se assuetos per hēmoraidas copiosè expurgari, & fœminę per sanguinem menstruum, & post illas assuetas purgationes interceptas, in ijs affectibus incidisse, hoc erit signum humores ab interceptis hēmoroidarum, vel mensium purgationibus prouenire, & hoc idem de ceteris alijs consuetis purgationibus suppressis intelligere debemus; prætermitto enumerare, quę de doloribus collicis, & renum antegressis, dici possent. Et hęc satis dicta sint circa signa podagrę, chiragrę, & aliorum Articularium affectuum declarantia.

*Corpora ad articulares morbos parata manifestantur. Cap. XXII.*

**C**ORPORA ad Articulares morbos magis propensa, & parata inuestiganda sunt; quia maximum momentum ad procreandos morbos habet corporis aptitudo, & dispositio, dicebat Galenus; vt autem in hoc negotio peragendo, ordinem aliquem seruare valeam, omnia quę sunt accurate consideranda in medium afferam, pro cuius rei certiore intelligentia inquirenda est Temperatura, Habitudo, Aetas, Sexus, Status, Tempus, & Regio. Quantum ad temperaturam attinet,

cor:

corpora calide, & humide temperature, vel naturalis, vel adfinitia ad hos affectus magis videntur esse parata, quoniam ad repletionem faciendam, & ad cruditates gignendas videntur esse magis prona; deinde corpora frigida, & humida succedunt, quatenus ad prauorum excrementorum multitudinem congerendam maximè valent. Verùm quoniam temperatura, habitudo annexitur, idcirco pingua corpora, & obesa, & dilatatos meatus habentia, à genitoribus, & Auis podagricis originem trahentia, ad has ægritudines sunt valde inclinata. Circa Aerates, senilis procliuior est, quàm aliæ ætates, namque in ea calor naturalis cum valde imbecillis sit, illius causa cruditates, perniciosaque alia quamplurima excrementa multiplicantur, quæ cum probe administrari minimè possint, necessarium est, ut à facultatibus omnibus, & præcipuè concoctrice, & retentrice relinquuntur, & relaxentur, & ex consequenti distillationes, & fluxiones prauorum humorum ad imbecilliora membra fiant. Huic iuuenilis ætas succedit, quæ cum in omnibus vitæ ordinibus, peculiariterque in coitu erret, quid mirum si in tales affectus incautè, facileque incurrendo, valdè propensa est? Et inter Maris, & Fœminæ sexus, Virorum corpora huic morbo magis obnoxia sunt, quia violentiores efficiunt motus, & varias, insignesque subsistunt labores. Mulieres enim à tali non corripiuntur morbo, nisi menses prius defecerint, menstruorum verò expurgationum naturali auxilio, à tali affectu immunes viuunt. Viri autem, licet, & ratione magis quàm Fœminæ valeant, quia libidinose suos omnes sensus explendo, sibi ipsis tamen  
hunc

hunc morbum accersunt. Sexui statum associatur, propterea corpora ex diuturna, & cronica ægitudine infirma, & male curata, & præpostero ordine custodita, ad has ægitudines procreandas maximè parata sunt, in ijs enim ferè omnia viscera à suo naturali statu recedunt; ventriculi facultas concorrix est diminuta, hepatis calidior, quàm naturæ leges postulant; cerebrum humiditate, & frigidityte excedente, laborat, & sic de cæteris alijs principalioribus membris, quæ, cum à naturali suo esse longè recedant, necessarium est, ut continuò pravi succi multiplicentur, qui tandem articulares, & podagricas ægitudines pariant. Tempus autem opportunum ad has affectiones in nostris corporibus introducendas est Veris, & Autumnus ex sententia Hyppocratis 6. aphorismorum 55. Verè enim facile humores funduntur, qui per Hiemem coaceruati fuerant, & vi resserantur, quibus à nobilioribus, ad imbecilliora detruduntur. Autumno quoniam humores frigore accedente, & constipante multiplicantur, & qui æstatis calore facillimè transpirare assueti erant, à superueniente frigore Autumnus exprimuntur, & ad imbecilliores partes, veluti ad Articulos pelluntur: Quamobrem sicuti humores, qui per hiemem coaceruati fuerant, sui copia, & aliena qualitate infestantes, Verè funduntur, & podagrici dolores pariunt, ita haud secus vitiosi succi, qui æstivo tempore, quo fructus maturantur, congeruntur, eosdem dolores concitant; propterea ista duo tempora, ad fluxiones paratissima sunt, & præcipuè ad articulos laxos, humores commouere, faciliora. Regiones denique ad Articulares affectus producen-



ducendos aptiores consequuntur, à Diuino Hyppocrate libro de aere, aquis, & locis satis superque enarratę, inter quas, vna in quadam Europę parte reperitur, quam Sytharum, ac Nomadum gentes incolunt, iuncturas, neruosque humiditate refertos, & inefficaces habentes, quorum muscoli lati, laxique sunt, propterea quod gentes illę in infantia fascijs non colligantur, & quando adultiores sunt, in perpetua desidia degunt, & hoc ob aeris continuam humiditatem, & frigiditatem euenit, aer namque humidus totum ferę diem terram occupat, & hiems ipsis est quasi perpetua, quia nix, glaciesque semper viger, & ventu continuo humidi, ac frigidi spirant; estas illis patissimis diebus perdurat, corpora namque omni tempore aerem aquosum, & condensatum attrahunt, bibuntque aquam à glacie, & niue resolutam, pars enim illa in planicies eminentiores, & nudas sub ipsis Vrsis accliuēs sita est, nec vllis montibus circumsepta, propterea gentes illę inertes, ita sunt musculis, neruis, & iuncturis dispositę, vt articulis morbis facillimę corripiantur. ex ijs etiam alij ex nimia equitatione à diuturnis doloribus vertebrarum, maximę & pedum corripiuntur. Ad sunt & alię regiones ab eodem Hyppocrate propositę in nonnullis alijs Europę partibus positę, vbi terra crassa est, & mollis, & aquosa, & quę sunt valde sublimes, & quę astate calidę sunt, & hieme frigidę, homines carnosos producentes, quibus articuli maximę sunt apparentes, humidi, & laboris intollerantes. Et Cælius Aurelianus libro 5. cap. 10. fatetur huiusmodi morbos in Alexandria, & Caria frequenter vigere: miror tamen cur



Vir tanta doctrina clarus, nullam rationem afferat, quoniam, an Alexandria possit tales ægritudines parere, in dubium vertitur; in terminis enim Regionis Africæ, & Aegypti posita est, interiacet inter Aegyptum, & Mare; &, vt Strabo libro 17. suorum Geographicorum attestatur, duo maria vndique aluunt, alterum à Septemtrione, quod Aegyptum dicitur, alterum à meridie, quod Mariæ lacus, & Mareotis appellatur, & propterea aeris potius temperies accedit, neque ab vilo maligno vapore opprimitur; nam cœnum, quod in labris lacuum quandoque concreatur, ex Nili excrementis abluitur, & cum Nilus augetur, augentur etiam lacus. præterea æstate Etesiarum etiam à Borealis partibus, & pelago flant, vnde ob id ratione aeris, Alexandrini optimè vitam degunt, propterea non sat habeo, quo nam pacto aeris temperies Alexandria aptior sit ad articulares, & podagricos morbos producendos, nisi fortasse hoc vitium, illi sit potius ob malam victus rationem præcipue attributum, quam Galenus pluribus in locis describit, & præsertim 2. aphor. 2. & libro de arte curatiua ad Glauconem cap. 10. inquit enim, quod Alexandrini farinam elixatam comedunt, & lentem, & coctas, & poros, & plura salita cibaria, & carnes asininas, & alia, quæ crassos humores generant, & quoniam optimi vini ferax est, & vinum aulterum superbibunt, à quibus mala generantur excrementa, & cruditates, quæ postea tractu temporis podagram, & chiraग्रā introducere valent. Præterea Caria, quæ prouincia est minoris Asiæ ad Meandrum, versus occidentem sita, in quadam eius parte, versus Mediterraneum in

Regione Cabalensi, apud Hierapolim, terra quædam resoluta, putris, & salsugine plena reperitur, & quæ facillè igni corrumpitur, & propterea Mæander flexuosus est, & alucus multas recipit mutationes, & multum limum deducit, qui modo huic, modo illi ripæ adheret, in illis locis calidæ aquæ scaturient, quæ facillimè in tophos durantur, ex quibus necessarium est fateri, regionem illam adeò esse calidam, ut ob illius aeris acrimoniam, & aquæ caliditatem, humores eorum qui in illis locis vitam ducunt, facillè tunduntur, membraque principaliora alterantur, & muscoli dilatantur, vnde, nè dum ad eum currunt, verum etiam ad omnes ferè iuncturas præcipitant, & articulares dolores pariunt. Sed quid porro de Romano aere mihi dicendum remanent? nisi quod crassus est, humidus valdè, australis, inæqualis, & ad cerebrum frigidiori, humidiorique intemperie afficiendum admodum aptus, & ad distillationes concitandas, & ex consequenti, ut Galenus dicebat, ad nervos, membranas, ac tendones laxos faciendum, quibus & vini generosi varietates, & omnium rerum vbertas, & luxus ad consequentes affectus progigniendos concurrunt; nè autem huic proposito prolixiore sermone utar, quamplurima alia Italiæ loca recensere prætermittam, tanquam omnibus vulgata, quæ iisdem fluxionibus, & distillationibus maximè sunt obnoxia.

## DE PROGNOSTICO.

## Cap. XXIII.



D prognostici tractationem Hippocratico more me accingam; & quoniam vetustiores Medici de prognostico nullam penè mentionem in morbis fecere, propterea non fuit mirum, si etiam ad pauca respicientes Methodici, hanc cognitionem alicuius momenti esse negabant, quare non immerito Hippocrates, Gnidos acerrime reprehendere voluit, veluti illos, qui hanc medicinæ nobiliorem, & potiore partem parui faciebant, prædictio enim quantum decoris, admirationis, & gloriæ Medico afferat, inde conspiciatur, quoniam Hippocrates in hoc Medicum Deo similem iudicauit, & hac ratione fit, ut æger audeat se Medico committere, & confidens; & obediens facilius sanitatem optatam consequitur: Verum ut Poëta Fabulosus cecinit.

*Non est in Medico, semper relictur, ut æger.*

Ob id, quia multæ ægritudines, quandoque manu Medici persanari non possunt, nè culpa in Medicum vertatur, prædictio valdè necessaria est, non solum ad ipsum exculpandum, sed etiam ut suis prædictionibus summis laudibus extollatur: Quamobrem ut ad nostrum propositum oratio conuertatur, dico quod non omnes podagrici, & articulares affectus, medica prouidentia sanari possunt. Et alij maxima cum difficultate, alij verò absque impedimento, & summa cum felicitate curantur, idcirco opportuna occasio-

ne ductus, ut Gutta podagrica à spe curandj aliena; optimo consilio à Medico relinquatur, & quæ sanari potest, licet cum difficultate amplectetur, ac illius recta curatio instituatur, prænotione maximè opus est; Tria in affectuum articularium prænotione sunt maturo consilio perpendenda, an scilicet in salutis desperatione positi sint, vel potius curationem admittant, & si spes salutis adest, an facilis, vel difficilis sit cura.

*De prænotione Articularium ægritudinum,*  
*quæ curam non admittunt.*

Cap. ~~XX~~IV.



PRIMO igitur est inquirendum prognostico, qui nam sint, ex ijs affectibus, qui ab omni spe salutis alieni sunt, ad hoc ut intentata cura solo prognostico relinquatur in quorum numero præcipuè illi sunt reponendi, qui valdè confirmati sunt, & qui in senectute constitutis corporibus reperiuntur, malum enim, ac inueteratum habitum remouere impossibile est; ægritudines enim illæ per se ipsæ laboriosæ, & perdifficiles sunt, ac in senibus Medicorum prudentiam negligunt, quia tunc in subiecto reperiuntur, in quo natura nihil boni operari potest, in senibus enim vires sunt imbecillæ, & calor admodum debilis, & coctiones non sunt, ut dicebat Hippocrates 2. aphor. 40. quare senes ad mortem committantur. Hæreditariæ quin etiam de illarum sunt serie, quoniam articularum imbecillitatem.

tatem iasitam, infixamque à generationis principio habent, quam immutari medicamentis prorsus à ratione distat. Et Nodose seu Podagræ, seu Chiragræ appellentur, nec maturari, nec resolui quibuscumque præfidijs materiæ gipseæ, & iam lapidose factæ, habiles existunt; vnde illa deducitur ex Quidio vulgaris sententia, *Podagra sudat, non sanat.*

*Tollere nodosam nescit medicina Podagram.*

Quicumque autem senes sunt, & circa articulos calostrophaceos concretos habent, aut erummosè viuunt, aut siccam aluum habent, ij omnes sani fieri nequeunt humana arte. Nonnulli præterea grauissimi scriptores, inter podagricos, & alios articulares affectus, qui curationem non admittunt, illos recensere videntur, qui à varijs, & diuersis humoribus progignuntur, atque, vt opinor, nulla alia ratione ducti, nisi, quia dum vnum humorem expurgare nituntur, alterum irritare faciunt, & sic morbum difficiliorem, quin potius incurabilem reddunt, cui opinioni, non sat habeo an occultatissimi Medici adstipulari vellint, propterea quod, licet plures, ac differentes inter se fuerint humores, qui Podagram generant, dum modo exitiales non sint, & à Medico cognoscantur, sanabilis erit morbus, quamuis aliqua cum difficultate; Qua propter Podagra illa, quæ ex humorum varietate, & miscella producitur, inter illas quæ curationem spernit, non est intelligenda. Quod si forte fortuna casus euenerit, quod equidem raro fieri dicitur, vt melancolicus humor ad manuum, & pedum digitorum vincula, vel ad quascunque membranas, & tendones defluat, & Chiragram, vel Podagram, seu alios Articulares

lares affectus pariat, medicis præfidijs nunquam curari poterit, ob prauum humoris vitium, qui naturæ rebellis, à medicamentis non superatur, irritatur potius.

Et Podagra colerica ab Auicenna proposita medicorum auxilia spernere prorsus videtur, quia subito mortē attrahit, si translationibus verborū Auicennæ, ab Arabico in latinum, credendum est: Sed amabo de qua nam bile intelligit Auicennas? communis Medicorum consuetudo semper fuit, quotiescunque bilem, sine additione proferunt, bilem flauam intelligere, quare cum sic loquatur Auicennas, Podagram à bile flaua productam, cito mortem attrahere intendit, bilis enim flaua temperamento est calidissima, celeris motus, acris, mordax, sapore amara, quæ cum sola putrescit, acutissimas, exitialesque egrotudines, & citissime interficientes progignit, si ad ventriculum confluit, omnia eius munera euerit, si cerebrum petit, illius membranas mordicat, dolores acutissimos capitis, vigilias, deliramenta, & furores inducit; si per vomitum expurgatur, fauces, & palatum abradit, si per inferiorem aluum, intestina exulcerat: tandem per quasunque nostri corporis particulas irruit, vel cuiusque adheret, (vexica felca excepta) pungit, abradit, vlcerat, & adurit. *Quis, queso, ignorat bilis flauæ facultatem acrem admodum esse, ac mordentem, & omnia abradentem, dicebat Galenus libro 6. de usu partium corporis humani cap. 4. vel quis unquam succum hunc crassiores desecit, qui prius mordicationem in intestinis non senserit? & libro 2. prognosticorum textu 46. bilis flaua corpus deoridit, & acutas febres accendit,*



*cendit*, & 7. aphor. 32. *bilis semper acutos morbes operatur*. Quamobrem optimo iure Auicennas, cum bilis flauę naturam sigillatim considerasset, potuit dixisse Podagram colericam subito mortem attrahere, scilicet breuiori tempore, & citius quam alij articulares morbi, qui humana arte curari minimę possunt; verum nonnulli expositores hanc Auicennę sententiam secus interpretati sunt, dicentes illum quidem loqui de Arthritide biliosa, illudque sibi velle, Arthritidem biliosam attrahere mortem subito, hoc est cito extinguī, seu de medio tolli, & suam opinionem Hippocratis autoritate confirmant, in quodam libro de affectionibus, vbi hæc habet verba. *Arthritis ex bile, & pituita brevis quidem est morbus & acutus, non autem letalis* subdens, quod autem hoc loco affirmat Hippocrates de Arthritide ex bile, & pituita commixtis, idem multo magis locum habet in Arthritide tantum biliosa, hæc autem expositio quoniam de directo est sententię, & verbis Auicennę contraria, propterea non est admittenda; Quod sit omnino contraria, luce ipsa clarius patet, adeo vt nulla egeat probatione. Verba Auicennę sunt ista. *Podagra colerica attrahit mortem subito*, & hæc, ij ita interpretatur, hoc est cito extinguitur, seu de medio tollitur. Quęro ego, si Podagra colerica est illa, quę mortem subito attrahit, quomodo quęso extinguitur, seu de medio tollitur? aliud enim est agere, & aliud est pati, si podagra colerica mortem attrahendo, agit, quomodo extinguitur, quomodo de medio tollitur? vel potius, quomodo patitur? equidem non sat habeo, quare hæc verba ita interpretari possint, nisi fortasse dica-



dicamus, & admittamus, Podagram colericam cito  
extingui ad extinctionem subiecti. Nec possum ad-  
huc probè intueri quantè sit efficacitè Hyppocratis  
auctoritas illa, ex libro de prompta, de affectionibus  
in scripto, secundum Galenum potius Polybi quàm  
Hyppocratis pro confirmanda hac illorum opinio-  
ne, vbi dicitur quod Arthritis ex bile, & pituita, licet  
sit morbus brevis, & acutus, non est tamen letalis; da-  
to autem quod hoc utique verum sit, ideo non est di-  
cendum, quod idem magis verificetur de biliosa Ar-  
thritide tantum, quoniam si Arthritis ex bile cum pi-  
tuita, non est letalis, id ratione pituitæ fieri dicitur,  
quæ furorem quoquo modo, & acutiem bilis obrun-  
dit: imò si auctoritas illa Hyppocratis ab illis rela-  
ta, veritati esset consensanea, sibi ipsi planè contradi-  
ceret, quoniam quamplurimis in locis, quando præ-  
cipuè de ardentibus febribus sermonem facit, quæ à  
flava bile tantum producuntur, manifestè pernicio-  
sissimas, letalesque esse ostendit, quomobrem tutius  
esset dicere, quod sicuti ardentes febres, quæ à bile  
flava accenduntur, acutæ, & letales sunt, & cito mor-  
tem inducunt, ita haud secus & ceteri morbi, qui ab  
eadem bile concitantur, veluti articulares, & poda-  
grici; & acuti, & letales sunt, & cito interimunt.  
Morbi nec non etiam articulares, qui à luxationibus  
provenire quandoq; vidimus curationem spernunt:  
ex contumaci enim, & diuturno dolore (quod in ijs  
casibus, ut plurimum evenire solet) membrum im-  
becilliore reddunt, interdum experimur tabescere,  
quia cum moveri minimè possit, materiæ mucila-  
ginosæ ad parte illas in multa copia defluxæ calo-  
rem

rem naturalem hebetant, vt expurgari, & reſſolui haud quaquam poſſit, vnde, ſicuti via, & tranſitus aſſueti nutrimenti clauditur, ita & medicamento.

Dolores inſuper, qui a podagrico, chiragricoque affectu producuntur, interdum adeo acuti, & vehementes ſunt, quales ſunt ij, qui a materia mordaci, & calida concitantur, vt miſeri egrotantes, ab importunis vigilijs, à ſyncope, ab animi defectu ita corripiantur, vt Medici Empirici ad medicamenta ſuſpectiſſima adminiſtranda deuenire audeant, à quorū importuno vſu, certum imminet periculum, nè humores, qui iam acerrimè infeſtant ad principaliora, & nobiliora membra deferantur, & ſeuiffimam mortē inducant, à quibus deducitur, quod in vehementi pedum dolore, ſi vigilæ, delirium, cordis tremor, & palpitatio, & ſpirandi difficultas ſuperuenerit, mortis proximæ inditium eſt.

*De Prognostico Articularium affectuum, quorum curam, licet difficiliorem, admittunt.*

*Cap. XXXV.*



**M**ORBI Articulares, vt plurimum, maxima cum difficultate curantur, quoniam partes, quæ conſiſtantur, ſui natura duræ, ſiccæ, ac frigide ſunt, & ex conſequenti materiam fluentem, & lædentem nutriunt, & diuturno tempore continent, & vt dicebat Aetius ſegniter corrigunt, & conſumunt. difficultas autem oritur à loco affecto, ab humoris peccantis natura, multitudine,

H

dine,

dine, & mixtione; & hinc fit, vt manuum, & pedum  
dolores, ægrius, difficiliusque quam ceteri articula-  
res dolores curantur, quoniam partes hæ magis car-  
nie expoliatę sunt, & ob id reliquis nostri corporis  
locis, minus calidę, ac etiam ad expellendos, resol-  
uendos, & quoquomodo euertendos humores fluen-  
tes, & infestantes, minus aptę. Insuper si peccans hu-  
mor pituitosus, crudus, tenax, & crassus fuerit, mai-  
ori cum difficultate, & temporis iactura à naturali ca-  
lore alterari poterit, & medicamenta non nisi ingeni-  
ti cum difficultate, crassiciem, tenacitatem, & crudi-  
tatem corrigere, ac remouere poterunt, propterea  
non immeritò Hypocrates 6. aph. 49. statuit, quod  
podagrici affectus, vt plurimum intra dies quadra-  
ginta terminantur, si Medicus in opere suo non aber-  
rauerit, vt inquit Galenus, & eger in omnibus illi o-  
bedierit. Idem etiam eueniet, si humores in multa  
copia creuerint. Si denique materia irruens ex di-  
uersis, & pluribus humoribus mixta fuerit, quoniam  
vt cognitu, ita etiam curatu erit difficilior; valde  
enim difficile est humorum diuersorum miscellam  
adunguem interstinguere, & ad multas, diuersasque  
simul causas respiciens, curationem aggredi.

*De Prognostico Articularium affectuum,  
qui facillimè persanantur.*

*Cap. XXVI.*



ARTICULARES morbi, qui non dum confirmati fuerint, in corpore robusto, neque admodum in ætate prouectio, dummodo nullus in victu committatur error, facillè quidè persanari poterunt, & præcipue ij, qui cruciari solent; articulum in quo ossis fœmoris initium cum coxendico osse connectitur, & alligatur, sedes enim, & origo doloris; licet in nervosis partibus coxæ posita sit, & ad lumbos, & circa inguina, & coxa, vsque ad poplitem, & per totum crux, vsque ad calcaneum dilatetur, modo hanc, modo illam partem sui natura sensitiuam, acutis doloribus, acriter molestando, & quandoque urinam supprimendo, nihilominus quoniam, & à carnosis partibus vndique, & à naturali calore propinquiore, & blande fouetur, ita vt efficacioribus clisteribus optimo consilio administratis, hoc morbi genus faciliiori negotio quam Podagra, & Chiragra extirpatur. Præterea, si etiam Ischiadici affectus, Podagrici, Chiragrici, & Articulares, à sanguinis exuberantia producantur, inexplicabili cum facilitate venæ sectione diripiuntur. & de Ischiadico dolore loquendo, rarò equidem fit ex sanguinis multitudine, dicebat Galenus libro 10. de compositione medicamentorum secundum locos ca. 2. & citissime curatur, venis circa poplitem, aut Talos secatis, quod autem de Ischiadica passione dicitur, de

ceteris etiam articularibus morbis à multitudine sanguinis genitis, idem intelligendum est, vt ex doctrina Hippocratis 4 aphor. 74. vnusquisque elicere potest, neque difficilem admodum curam admittunt Articulares egritudines, a bilioso humore, cum pituitoso permixto; & quamuis inter acutorum morborum serie reponantur ab Hippocrate (vt quidam volunt) non tamen inter letales, sed potius inter breues, & faciles notantur, & ratio est, quoniam mordacitas, & acrimonia bilis, a frigidityte, & lentore pituitę obtrunditur, & moderatur; & nimia pituitę frigiditas, & lentor, à bile remittitur, atque corrigitur, & sic naturalis calor, medicis præsidijs facile quidem, ac breui tempore, contra huiusmodi morbos victoriam obtinet.

*Quedam notatu digna in articularibus morbis, quę prognostici loco à nonnullis existimabantur.*

*Cap. XXVII.*



QVONIAM Medicus omnes Articulares morbos sanare non valet, propterea necessarium est, vt mente præuideat, & optime præcognoscat, qui nam ex ijs medellam recipere possunt, aut non, ad hoc vt eorum turā curationem optime aggrediatur: iam superius de prænotionibus abunde discussum est; quę ad futura diriguntur, reliquum est modo, vt quędam animaduersione digna recenseam, quę prognostica nonnulli existimabant; quarum prima hæc est, quę omni sedulitate,

litate, & attentione sunt conspicienda; Articulares  
egritudines dicebat Auicenna quandoque vitę cur-  
sum longiorem, & diuturniorem parant, & muniunt,  
& quandoque ad celerem viuendi metam properare  
faciunt. quoriefcunque enim Medicus diuturnos Ar-  
ticulares affectus eradicare, & articulos iam imbecil-  
liores factos corroborare nititur, efficit, vt superua-  
canei humores, & a naturali calore malè administra-  
ti, qui ad partes laxas, iam longa consuetudine con-  
fluere, & peruenire solebant, cum illis transitus in-  
tercipiatur, retrogrediuntur, & ad nobiliora mem-  
bra, & interdum ad principaliora infestanda acce-  
dunt, & sic dum sanitatem introducere studet, necem  
incaute infert; quod si easdem superfuitates ad af-  
fecta articulorum vincula profluere permittit, viuen-  
di limites præculdubio protrahit.

Notatione quoque dignum est, secundum Hyp-  
pocratis sententiam 6. aphor. 28. quod sicuti per ve-  
nerem cruditates facillimè congeruntur, & articulo-  
rum imbecillitas, & viarum latitudines fiunt, propte-  
rea Eunuchi quoniam ad Venereorum vsum faculta-  
tem non habent, aut omnino podagra non laborant,  
aut saltem rarè, ob intemperantiam, & inordinatam  
viuendi rationem. Obseruandum est etiam, quod si-  
cuti Hippocrates Eunucorum exemplo potissimam  
podagrę causam Venerem esse demonstrat, ita etiam  
Puciorum; quoniam Pueri podagra non laborant  
antè Veneris vsum: cui nos addere liceat, quia neque  
Ebrietas, neque crapulæ illis sunt familiares; corpora  
quin etiam traspirabilia admodum habent, quorum  
auxilio maxima excrementa per cutim facillimè eua-  
nescunt.



nescunt. Et mulieres podagra non laborant, nisi menstrua defecerint, prius quidem erat verum, dicebat Galenus, quia pauca erant delicta, quæ ætate superiore mulieres admittebant, nunc vero, ob eorum magnitudinem quædam podagra laborant, antequam mensium assuetæ purgationes deficiant.

Animaduertendum præterea est ex Hippocratis sententia; cum Podagra sit morbus articulorum cum inflammatione, propterea intra quadraginta dies conquiescit, nam locum ignobiliorem occupat, neque letalis, neque acutus dicitur; verum quoniam est cum inflammatione, propterea inter acutos, & diuturnos mediam naturam seruat, morbi enim acuti quatuordecim diebus terminantur, diuturni ultra quadraginta protrahuntur; ergo podagricus, qui medius est, pro termino quadraginta dierum habet.

Hoc insuper obseruandum est, in podagricis morbis succedentes varices, & vrinæ turbidas exherentes, eorum medelam esse, quoniam materia perturbans, tunc naturæ adminiculo ad alias partes fluit, & per vrinam expurgatur.

Annotatione etiam dignum censeretur, quod senes, qui à rophacea podagra cruciantur, nullo alio remedio, quam à superueniente fluxu persanari possunt, quod non artis, sed potius naturæ auxilium est. Hoc infortunij tandem Podagricis contingit, ut scrotum, scilicet bursa, in qua testes continentur, longum fiat, quoniam cum podagrici humores deorsum, ad pedes feruntur, necessarium est, ut etiam per illam partem defluant, veluti ad reliquas omnes artuum ligamenta.



Quæ postremo loco hætenus recensuimus, ut superius dixi, verè prognostica minimè sunt, quoniã propriè prognosticum de futuris est; hæc autem potius dignotiones, seu rerum memorandarum notationes appellantur. At quia Vates omnes dicuntur ij, qui tam futura, quam præsentia, & præterita prænuntiant, modo illis non fuerint antea enarrata; nihil refert etiam si ista in prognosticorum serie rependantur.

Primi Libri Finis.

TABELLÆ SECUNDI LIBRI,  
quę ordinem in Gutta Podagrica, Chiragrica, &  
Arthritica curanda, seruandum, & indicationes  
ad curandi viam attinentes, sigillatim ostendunt.

*Tabella qua scopos præcipuos curatiuos Guttam Chiragicam,  
Podagricam, & Arthriticam patefaciunt.*

Germana curandi ratio in euertendis articularium morbo-  
rum causis consistit, pro cuius rei perspicua cognitione  
aduertendum est, quod scilicet.

Duo causę  
Articula-  
rium affe-  
ctũ præ-  
cipuę sũt,  
quarũ vna  
est.

Multitudo bone-  
rum, aut malorum  
humorum, quę in-  
dicat euacuationẽ  
quę triplici modo  
fieri potest, vel

Venę  
sectio-  
ne { Quando bonorum humorũ  
exuberantia, atque puri  
sanguinis multitudo repe-  
ritur, & hæc euacuatio ad-  
modum est vtilis dummo-  
do nihil prohibeat.

Purgante  
Pharma-  
co { Quando humores & san-  
guinis natura longẽ re-  
cedunt, quod pro natura  
peccantis humoris a pru-  
denti Medico est eligen-  
dum.

Vtroque  
modo { Quando alij humores cũ  
sanguine fuerint permix-  
ti, & venę sectione, &  
purgatione vtimur.

Articularum imbe-  
cillitas, & laxitas,  
quę indicat corrobor-  
ationẽ, quo median-  
te auxilio fluxionem  
humorum sistimus, &  
dolorẽ lenimus, hoc  
autem duplici modo  
fieri potest, vel

Medicamentis  
interius exhi-  
bitis { Quę pro ratione  
peccantis humo-  
ris sunt eligen-  
da

Exterius  
admini-  
stratis { Varia, ac diuersa ef-  
se debent, pro vt  
differentes erunt  
fluentes humores, &  
diuersis temporibus  
administranda.

*Tabella, quæ sigillatim euacuationem, quæ fit per venæ sectionem, ostendit.*

Si Gutta Arthritica per omnes articulos deferatur.

A quacunque secata vena licet sanguinem euacuare, modo vena ad sanguinis copiam latè promandam idonea sit, quia per vniuersum corpus tandem inanitione efficitur, & nisi quid obset vena basilica cubiti interna erit accommodatior.

A vena cubiti interna sanguis erit extrahendus.

A vena dexteri cubiti, vt ad pedē dextrū sanguis irruat.

A vena sinistri cubiti, si ad sinistrum pedem influat.

Si ad

Pedes

Et à vena vtriusque cubiti interna, si ad vtrūque pedē confluat sanguis, sed hodie ab vna parte, cras vero ab altera, initium semper sumendo ab ea parte, quæ magis cruciatur.

Et sic dum euacuatur per directū auertitur sanguis, qui deorsum ad pedes fertur.

Quando puri sanguinis multitudo reperitur, euacuatio per venæ sectionem admodum necessaria est, dummodo nihil prohibeat quod

Dextra

Vena dexteri cruris iuxta poplitem aut talos secanda est.

Sinistra

In sinistro crure vena est aperienda.

Si vero ad manus, vel eni est

Vtraque

Vna dies mittendus est sanguis ab vno crure, altera vero die ab altero crure, exordiendo semper à parte, quæ magis vrget.

Et hoc patet in incipientibus fluxionibus auertit, quod incipit, & euacuatur.

*Tabella, qua demonstrat vena sectionem etiam requiri quando  
sanguis cum alijs humoribus fuerit permixtus.*

	Quoniam huiusmodi humores in venis magna ex parte continentur quantitate magis, quam qualitate infestantes, vt Aegineta testatur, propterea aggredienda est sangui- nis missio secta vena in prima ægri- tudinis curatione.
Quando etiam sanguis cum alijs humoribus fuerit permixtus, licet sanguinem mitte- re per vena sectionem, vt puta si fuerit admixtus, vel	Cum bile Cum pituita Cum melan- colia Non ita copiosè tamen est detra- hendus sanguis, sed ea moderatà quantitate, quæ conueniens vide- bitur.
Cum omni- bus simul.	Detrahendus est sanguis, dummo- do saluum humorum permixtio non longè à sanguinis natura recesserit.

Vena sectionem etiam requirunt huiusmodi affectus,  
quando à nonnullis assuetis purgationibus intercep-  
tis, producuntur, vt in sequenti Tabella apparebit.

70  
Vena cubiti interna erit aperienda  
sanguine existente crasso,  
Postea  
Vena poplitis, vel tali sinistri interna.

Mensum.

Venz sectio  
requiritur si  
huiusmodi af-  
fectus produ-  
cuntur, vel a  
suppressione

Stillicidio  
sanguinis  
narium

Procul dubio cum in tali casu co-  
pia sanguinis fuerit congesta,  
quæ Podagricam, vel Arthriti-  
cam Guttam concitare valeat  
copiosum sanguinem euacuan-  
do, reuellere necessarium est ab  
illa parte, quam locus dolore  
affectus ostendet.

Hemoroidarum

Quæ in cruribus sunt venas  
seccare conuenit, vt inquit  
Galenus libro de curandâ  
ratione per sanguinis mis-  
sionem.

*¶ Et omnia, quæ sub Chirurgico præsidio continentur, amplectamur, advertendum est, quod quandoque etiam.*

Quando, vicus diutius  
apertum purgauerit,  
postea fuerit consoli-  
datum.

Cantherio debet resserari,  
ad hoc vt materia, quæ  
expurgari erat assueta  
non retineatur, atque  
dolores pariat.

Duplici modo interci-  
piuntur pur-  
gationes, vel

Cauteria in brachio,  
vel in crure, & occi-  
piti diu aperta fue-  
rint, & postea conso-  
lidentur, vel

**Ferro**  
**igne**

Debent  
iterum  
aperiri.

### Causticis.

Continetur etiam sub chirurgico præsidio Cucurbitulæ, Hirudines, & Vexicantia medicamenta, de quibus in sequenti Tabella tractatur.

72  
*Tabella, Chirurgica praesidia ostendens, quae post vniuersales  
 purgationes, veluti topica praestanda sunt.*

Scarificatae, quae, & materiam sub  
 cute detentam expurgant, & in  
 partibus remotis infixam, in su-  
 perficie attrahunt, quae iterum, &  
 scarificatae, & admotae materiam  
 iam attractam expurgant.

Cucurbitulae

Quae à parte affe-  
 cta attrahunt, &  
 euacuationem mo-  
 liuntur sunt in  
 triplici differen-  
 tia, vel enim super

Hirudines

Scarificatae

Quae partibus circum  
 iacentibus dolori, &  
 etiam ipsis prae af-  
 fectis applicatur, ma-  
 teriam peccantem in-  
 de deducunt, sed non  
 ea copia, neque ea  
 vi, & efficacia, qua  
 cucurbitulae effici-  
 ciunt.

Eliguntur  
 tamen, quia  
 melius sicut  
 ari possunt,  
 ubi cucur-  
 bitulae non  
 possunt ad-  
 aptari.

Continetur etiam sub chirurgico praesidio Cucur-  
 bitulae, Hirudines, & Vexicantia medicamentis.

Vexicantia  
 medicamenta.

Quae à his partibus extrahunt,  
 & euacuant à proximiori-  
 bus, & à remotioribus, &  
 crassiores, & subtiliores  
 materiam.



*Humores, qui à sanguinis natura sunt alieni, medicamentis purgantibus educi debent.*

Bilis statim erit purgan- da, vel	{	per Vomi- tum	{	A principio leuioribus vomitorijs
		Postea		
	{	per inferio- rem aluū	{	Valentioribus, vt in tra- stationibus fusius patet.
		Medicamentis quæ bilē expurgare valent		

Quæ pro natura peccātis humoris eligi de- bēt, vt si fuerit.	Pituita quo- niā cruda, vis- cida, crassa, le- ta, propterea antequā ex- purgetur.	{	Concoquēda	{	Postea	{	Pervomitum, medicamētis iā fusius à me propositis Per inferiorē aluū medica- mētis pituitā expurganti- bus.
			Attenuanda				
		{	Incidenda				
		{	Detergenda				

Melācolia { Quoniam aut raro, aut nunquam flu-  
xiones ad articulos per melancoli-  
cum humorem sunt, propterea  
quando euenit, vt fiant, arte huma-  
na curari non possunt, ideo solo  
prognostico sunt relinquendæ.

*Quando sanguis cum alijs humoribus fuerit permixtus, & venæ sectione, & purgantibus medicamentis vti oportebit.*

	Sanguis per venæ sectionem extrahitur, non ita copiose, sed eo ordine, vt fusius dictum est.	
	Cum bile	Postea
	Purgantibus bilem medicamentis vtimur, vel	Per vomitum educantibus
		Et Per inferiorem aluum excernentibus.
	Primo sanguinem à venâ extrahimus	
	Concoquētib.	
	Incidentibus.	
	Attenuantibus.	
	Detergentibus.	
	Cum pituita	Per vomitum
	Postea Pituitam medicamentis purgantibus educimus, vel	Per inferiorem ventrem
Vt exempli gratia si sanguis fuerit permixtus.	Moderata sanguinis copia per sectam venam est educenda.	
	Deinde optimo consilio atrabilis erit præparanda.	
Cum atra bile	Postea iucunde per inferiorem aluum medicamentis purgantibus erit educenda, vt fusius alias dictum est.	
Si denique cum sanguine, & bilis, & pituita, & melancholia fuerint admixta, modo tales humores non admodum a sanguinis natura sint alieni.	Sanguis à venâ erit educend.	
	Postea mixtis præparantibus erunt vtendi.	
	Postremo purgantibus mixtis.	
	Scilicet vtrunque humorum respicientib.	

*Tabella, quæ ostendit medicamenta corroborantia, humorum fluxionem sistentia, & dolorem lenientia.*

Peracta diligenti purgatione, ad medicamenta interius exhibenda, quæ corroborandi, fluxionem sistendi, & dolorem leniendi facultate sint prædita. hæc autem

Si fluxio fuerit à sanguine puro

Medicamenta debent esse moderate frigida, cum aliqua adstringenti facultate prædita, ut fufius in tractationibus habetur.

Si sanguis cum bile mixtus fuerit.

Medicamenta debent esse frigidiora, adstringentia, & quoquomodo stupefacientia, & incrassantia, quorum exempla ulterius intueri poterunt.

Varia esse debent pro humorum differentia, quia

Si pituitosus fuerit sanguis

Medicamenta debent esse moderate calefacientia, exiccantia, leniter adstringentia, dissipantia, & corroborantia, pro ut aliunde videre licet.

Si sanguis cum melancholia fuerit

Medicamenta debent esse moderate adstringentia, sensim calefacientia Attenuantia, & articulos, & ventriculum, & cerebrum & omnia viscera corroborantia.

Si fuerit humorum perplexa mixtio, Medicum occultatissimum oportet esse, in causis fluxionum rectè interstinguendis, & ea corroborantia, & fluxionem sistentia interius administrare, quæ conuenire illi videbuntur. in hac autem humorum perplexitate deueniendum erit ad remedia à me in tali casu proposita.

Ut sunt electuaria confectiones, confectio, pulueres, antidota, omnia in meis tractationibus ad vnguem proposita.

178  
*Tabella, quæ medicamenta corroborantia, fluxionem sistentia,  
 & dolorem lenientia exterius administranda ostendit,  
 quæ quidem*

		Primo irrigationes refrigerantes, & leuiter adstringentes.
	Si fluxio sanguinea fuerit exterius admouenda sunt.	Deinde Cataplasmata, quæ inflammationes leniunt, & fluxionem repellunt. Postmodum vnguenta anodina, & leuiter stupefacientia.
		Primo irrigationes frigidiores adstrictioræ repellentes, & dolorem lenientes.
	Si ex bilioso sanguine fiat.	Deinde Cataplasmata satis refrigerantia, & refocillantia. Postea vnguenta frigida, & moderate stupefacientia.
		Primo irrigationes calidæ, adstringentes, & quæ repellant.
	Si ex pituitoso sanguine fiat.	Deinde cataplasmata calida, dolorem lenientia, discucientia, & exiccantia. Postremo vnguenta solum discucientia.
		Præus irrigationes calefacientes & attenuantes.
	Si ex melancholico sanguine:	Deinde cataplasmata calida attenuantia, & discucientia. Vnguenta discucientia solum.
		Si fuerit perpexa humorum mixtio recurrendum est ad ea, quæ miscellam humorum respiciunt, ut suo loco videre est.

Varia esse debent pro diuersitate humoris fluētis, quoniam.

*Tabella, quæ abluciones, sine balnea ostendunt.*

Medicamentis exterius adhibitis, tandem necessarium erit ad lauaciones deuenire, ad hoc vt membra, cataplasmatis, inuncti-  
bus, & vnguentis foedata optimo consilio mundificentur, & hæc.

In sanguinis fluxionibus } Abluciones debent esse moderatè refrigerantes, & exiccantes, ad hoc vt iuncturas, & artus abluendo robo-  
rent.

In biliosis } Debent esse magis refrigerantes, & ad- stringentes, & quoquomodo incrassantes, ac etiam moderatè stupefacientes.

Varia sunt pro humo-  
rũ peccan-  
tium varie-  
tate. } In pituitosis } Debent esse calefacientes exiccan-  
tes, generosè corroborantes, & ad-  
stringentes.

In melancolicis } Easdem abluciones eligere debe-  
mus, quas in pituitosis proposui-  
mus.

In miscella-  
humorum } Habita ratione diuersitatis hu-  
morum, balneatio mixta erit pa-  
randa, vt suo loco intueri potest.

*Tabella, quæ optimam victus rationem instituendam  
patefaciunt.*

Aduertendum autem est, quod in ratione victus duo præcipuè veniunt consideranda, scilicet quæ prorsus euitare debent ægrotantes, & quæ omni diligentia debent obseruari, pro cuius rei notitia sciendum est, quod victus ratio varia esse debet, pro humoris peccantis diuersitate.

511, 100, 511, 100, 511, 100, 511, 100

511, 100, 511, 100, 511, 100, 511, 100

511, 100, 511, 100, 511, 100, 511, 100

Crapulam  
Ebrietatem  
Venerem

Somnum extra tempus, & consuetudinem

Euitare  
debent

Cibaria, quæ multum nutriunt, & quæ copiosum sanguinem generant, vt

Carnes pingues, Pullorum, Perdicum,  
Phasianorum, suiles

Apri, Veruecinæ, & similes

Vinum præcipuè.

Quia si fluxio fuerit sanguinea.

Vt vitam degant ab immoderatis laboribus alienam,

In cubiculo, cuius aer temperate sit frigidus, & siccus

Vigilent

Dormient

Moderate

Carnibus parce vtantur, quæ sint facilis concoctionis, & non admodum nutriant, quales sunt

Carnes vituli iunioris non pinguis :  
Hædi

Paruorum Auium montanarum :

Pulmenta sint ex hordeo, Panico,  
Farre

Potus sit hordei decoctio cum seminibus coriandrorum, & cinamomo.

Obseruare  
tenentur

In Biliosa  
fluxione.

Euitare de-  
bent

Motus,  
Vigilias diurnas,  
Vinum,  
Venerem,  
Cibaria calida, & sicca, Dulcia, præ-  
cipueq; ea, in quibus, vel sal, vel  
aromata ingrediuntur, quæ faci-  
le bilem procreare possunt.  
Inediam  
Iram, & furorem.

Obseruare  
tenentur

Vt hillari animo vitam ducant  
Absque motu  
In cubiculo cuius aer sit temperate  
frigidus, & humidus,  
Somnum suis temporibus conci-  
lient;  
Carnes vitulinas comedât, sed par-  
tem pinguiorem;  
Pullos Iuniores  
Ptisanam hordeaceam cum semi-  
nibus melonum paratam.  
Et in iuribus dictarum carniū de-  
coquantur lactucz, maluz, cuscuz-  
ta, & intibi;  
Pisces saxatiles probantur.  
Fructus, vt Pira, Poma, Mala citho-  
nia, Castanez  
Potus sit aqua hordeacea, in qua la-  
ctucz folia, & prunæ decoctæ suc-  
rint.



*Victus ratio in Pituitosa fluxione.*

	<p> Crapulam,  Ebrietatem,  Venerem,  Vinum,  Somnum inmodicum  Ocium,  Cibaria humida frigida, crassa sub-  stantiæ;  Carnes pingues,  Lactinia,  Caseum,  Legumina,  Fugaces fructus. </p>
In Pituitosa fluxione.	<p> Euitare de-  bent </p>
	<p> Vt degant in aere temperate calido,  &amp; sicco.  Vigilent,  Inediam patiantur,  Sitim tolerant,  Cibaria, quæ extenuant, &amp; parum nu-  triant eligant, vt sunt carnes monta-  narum Auum.  Vituli  Hædi gracilioris potius assatæ, qua  elixatæ,  Panem bene coctum comedant.  Phisticivsus  Caparorum  Passularum </p>
Observare tenentur	<p> } probantur  Potus sit coriandrorum decoctio, ci-  namomi, vel radicis cynæ, seu aqua  mulsæ cum saluia.  Vcl decoctio camedrios. </p>

	<p>Motus corporis immoderatos . Animi perturbationes , tristitias , melan- colica obiecta , cogitationes tristes .</p>
<p>Euitare debent</p>	<p>Venerem , Vinum , Cibaria frigida , &amp; sicca , &amp; brastica , &amp; ce- pas , &amp; poros , ac omnia olera , &amp; legumi- na , &amp; radices . Aerem frigidum , &amp; siccum .</p>
<p>In melan- colica flu- xione .</p>	<p>Ut lecto iucundoque animo viuant , cum hominibus iucundis consuetu- dinem habeant , &amp; versentur . Commorenturque in cubiculo , cuius aer sit potius calidus , &amp; humidus tē- perate . Somnum moderatum procurent . Carnes vitulinas comedant . Pullos vnius anni . Præstantiam hordaceam cum Pineis op- timè paratam . Potus sit decoctio florum , &amp; fructuum cordialium , quæ erit admodum gra- tissima .</p>
<p>Obseruare tenentur .</p>	

*Victus ratio in perplexa humorum miscella.*

**V**ictus ratio, in multorum, diuersorumque  
humorum perplexa mixtione debet  
optimo consilio institui, pro vt  
prudenti Medico conue-  
nire visum fuerit.

*De curatione Liber Secundus.*



# PODAGRICAÆ, CHIRAGRICAÆ,

&

ARTHRITICÆ CVRATIONE

## Liber Secundus.

*De ordine in Gutta Podagrica, Chiragrica, & Arthritida curanda, seruando, & de Indicationibus, quæ ad germanam curandi viam attinent. Cap. I.*



VTTAB Podagricæ, Chiragricæ, & aliorum articularium similis affectio-  
nis, essentia, potioribus causis, & si-  
gnis sigillatim, & accuratè examina-  
tis, subsequitur, vt iam ad illarum cu-  
rationem instituendam me accingā;  
in hoc autem negotio exactè peragendo aduertendū  
est, Medici officium esse, mente perquirere, ac omni  
L sedu-

sedulitate cū morbum præsentem, tūm imminet-  
 rem respicere, quatenus enim imminet, auxilijs occa-  
 sionem auertentibus, & sanitatem confirmantibus  
 uti debet: quatenus autem adest, perturbat, & affligit,  
 præsidia ad illum remouendum, & euertendum op-  
 timo consilio, ut administrentur adinuenire tenerur:  
 Quamobrem licet in nostris corporibus, Sanitas, ori-  
 gine, dignitate, & natura ægritudinem antecedit,  
 quoniam tamen homines, nisi dū cruciantur, cura-  
 ri affectant, & postea de sui tuenda sanitate valde sol-  
 liciti euadunt, propterea in Afflictorum gratia prius  
 de sanitate in ijs affectibus acquirenda, postea vero  
 de eadem conseruanda, ad hoc, ut huiusmodi morbi  
 cuitentur, quominus superueniant, sermonem meum  
 instituiam. Quantum verò ad primum institutum at-  
 tinet, quod in Articulatorum morborum curatione  
 versatur, dico, in remouendis, & euertendis causis  
 potissimum germanam curandi rationem consistere,  
 duo autem præcipue sunt articulatorum affectuum  
 causæ, quarum vna est multitudo, & exuberantia  
 bonorum, viciosorumque humorum, altera vero est  
 articulorum imbecillitas, & laxitas. Quatenus ad  
 humorum copiam, siue bonorum, siue malorum, &  
 redundantiam spectat, scopus minorandi, & euacuandi  
 Medico se se offert. Quatenus vero ad articulo-  
 rum laxitatem, & imbecillitatem, occasio corrob-  
 randi oritur. Rursus nè ab humorum multitudine  
 discedamus, hæc vel in locis articulorum iam fluxa  
 est, vel ad illas partes confluit, & dolorem efficit, & in  
 aliqua parte nostri corporis generatur: Quatenus  
 iam fluxa est, expurgatione eget, Ut autem confluit,

&amp;

& dolorem facit, statim fluxionem sistendi scopus emerget, & doloris minorationem, quod repellentibus medicamentis, & annodinis fieri solet; Nè autem in aliqua nostri corporis parte regeneretur, postea occurrendum est, partes illas corroborando. Vt vero ad materiæ exuberantis euacuationem reuertar, dico euacuationem pro materiæ peccantis ratione instituendam esse.

*De euacuatione, quæ fit per vena sectionem tractatur. Cap. II.*



**Q**UÆDAM materiæ pro euacuatione venæ sectionem requirunt, quædam autem medicamenta purgantia postulant, mittendus itaque est sanguis copiosè, ubi bonorum humorum exuberantia, atque puri sanguinis multitudo reperitur, hæc enim euacuatio admodum necessaria est, dummodo nihil prohibeat, quæcum ab Hyppocrate 6. aphor. 47. & Galeno in Comento summis laudibus extollatur, ad præcauendos huiusmodi affectus, quo minus superueniant, quanto magis erit necessaria, & utilis iisdem ægritudinibus iam præsentibus, & molestantibus? Si igitur Gutta arthritica fuerit, quæ per omnes articulos deferatur, a quacunque secta vena licet euacuare, modo vena ad sanguinis copiam latè promanandam idonea sit, à quacunque enim parte euacuatio fuerit instituta, per vniuersum corpus tandem euacuatio efficitur, & nisi quid obster, vena basilica cubiti interna erit accom-

*In Arthritica Gutta.*

L 2 moda-

In Podagrica.

modatior, Sed si fuerit, vel Podagrica, vel Chiragrica, in incipientibus fluxionibus *auertere quod incipit, expedit*, dicebat Galenus libro de curandi ratione per sanguinis missionem cap. 19. à vena autem cubiti interna, vel dextri, vel sinistri, vel vtriusque brachij euacuatio est facienda, quia dum euacuatur etiam reucllitur, & in Podagricis morbis auertendi sunt per directum humores, qui deorsum ad pedes irruunt. At si manus dextra fluxione, & dolore infestatur, vena in dextro crure iuxta poplitem, aut talos secanda est, Si vero sinistra, in sinistro crure vena est aperienda, quod si vtrasque manus dolores sollicitent, vna die mittendus est sanguis ab vno crure, & altera die, à crure altero, reuulsionem simul cum euacuatione, semper exordiendo à parte, quæ magis vrget, & huiusmodi euacuatio, confluxum humorem purgat, & causam fluxionis tollit, *quibus enim per directum adhibetur reuulsio, euidentem utilitatem celeriter ostendit*; dicebat Galenus, libro nuperime allegato, cap. 15. Neque semel tantum hæc sanguinis euacuatio est facienda, sed bis, terque, sanguinis de tractione paulatim repetita, quotiescunque occasio se se obtulerit, hoc enim remedium tantæ est vis, & authoritatis, vt si statim in fluxionis initio fiat, interdum cruciatus ad perpetuam sanitatem perducit, vel saltem minus molestantur, vel raro: & per multos annos a tali passione immunes euadunt, Cautus tamen Medicus esse debet, nè hoc remedium in eis, qui huiusmodi defluxionibus sæpius sunt sollicitati adhibeat, quoniam plus detrimenti, quam auxilij inferet præsertim quando corpora, imbecillioris, ac frigidioris

In Chiragrica.

Notandum.



dioris temperamenti sunt constituta. Quando etiam sanguis cum bile, vel cum pituita, aut cum melancolico succo fuerit permixtus, præceptum mittendi sanguinis occasio, & scopus se se Medico occurret, quoniam ut Paulus Aegineta testatur, huiusmodi humorum magna ex parte continetur, quantitate magis, quam qualitate infestans; propterea dicebat ipse, agnoscenda est sanguinis detrahitio, secta vena in prima statim ægritudinis curatione, ut præoccupemus noxij humoris fluxum. Quando autem Podagrici, & Articulares affectus ab humorum miscella progignuntur, dummodo Medicus prudens agnouerit talium humorum permixtionem, non longè a sanguinis natura recedere, per venæ sectionem sanguis erit euacuandus; non ita copiosè tamen, sed ea moderata quantitate, quæ conueniens videbitur. Venæ sectionem etiam requirunt affectus isti, quando à mensium suppressione producuntur; nec non quando ab assueti sanguinis narium stillicidio intercepto fiunt, atque ab hemeroidarum consuetis purgationibus intermissis, Et in ijs casibus eodem ordine Medici uti debent, quem Galenus in libro præallegato, de curatione per sanguinis missionem obseruandū proponit, quoniam si menses aperire volumus, hoc nullo tutius remedio quàm, vel per crurium scarificationem, vel per venæ sectionem dextri cubiti internam, & postea poplitis, vel tali sinistri præstari poterit. Si fluxum hæmorrhoidarum impeditum, prouocare intendimus, quæ in cruribus sunt, venas secare cōuenit. Si detentus iam fuerit sanguis, quem veluti per periodos natura à naribus expurgare assueta fuerat, procul

*In humorum miscella*

*In defectu mensium*

*In defectu hæmorrhoidarum.*  
*In sanguinis narium defectu.*

procul dubio cum in tali casu copia sanguinis fuerit congesta, quæ vel Podagricam, vel Arthriticam Guttam pariat, per venę sectionem sanguinem copiosum euacuando, reuellere necessarium est. Insuper, ut omnia, quæ sub chirurgico præsidio recenseri possunt, amplectamur, considerandę etiam sunt euacuationes interceptę, quæ ab aliqua morbosa causa prius fuerant concitatę, ut Exempli gratia, si vulcus in crure diutius apertum purgauerit, postea fuerit consolidatum, cauterio debet aperiri, ad hoc ut materia, quę longo iam temporis tractu expurgari erat assueta, minimę retineatur, ac dolores efficiat; si etiã, cauteria, vel in brachio, vel in crure diu aperta fuerint, & postea consolidentur, debent iterum aperiri. Præterea inter chirurgica præsidia, quę post vniuersales purgationes, veluti Topica præstanda veniunt, quę, & a parte affecta attrahunt, atque euacuationem moliuntur, a Vetustioribus Medicis in usum habita, & a Galeno præcipuę, in contumacioribus, ac inueteratis fluxionibus mirum in modum comprobata, loco nuperimę allegato cap. 19. vbi dicebat, *quod in incipientibus fluxionibus, auertere, quod incipit expedit, in inueteratis autem, ipsum tantum, quod affectę partis infixum est, euacuare.* Sæpe namque accidit, ut humores insistentes, profundiori parte ita adhæreant, & confirmentur, ut neque sectione venę, aut purgantibus medicamentis, vel discutientibus, & exsiccantibus remoueri possint, ut necessarium sit ad alia præsidia confugere, veluti ad cucurbitulas scarificatas, seu ad alia, quę parua cornicula ad hoc usum idonea, constructa, ad Hyrulina, & ad Vexicantia medi-

medicamenta: Cucurbitulæ enim scarificatæ, & materiam sub cute detentam expurgant, & à partibus remotis infixam, in superficie attrahunt, quæ postea secunda vice scarificatæ, iterum admotæ, materiam iam attractam expurgant. Subsequuntur postea Hyrudines, quæ eandem facultatem habent, quam Cucurbitulæ, quæ si partibus loco affecto circumiacentibus, & partibus ipsis prauè affectis applicentur, satis copiosam materiam peccantem inde educunt, at non ea vi, & efficacia, neque a partibus ita profundioribus, qua Cucurbitulæ solent efficere; Vbi autem non ita facilè, neque ita commodè Cucurbitulæ adaptari, vel situari possunt, Hyrudines eligendæ sunt. Vexicantia quoque medicamenta ad eandem intentionem maximè erunt opportuna, ea namque, subtiliorem, & crassiorem materiam, & à proximioribus, ac remotioribus partibus, attrahendo, euacuant, & partem affectam, miro ægrotantium iuuamento aleuant. Et hæc dicta sufficiant circa ea, quæ ad euacuationem per venæ sectionem, & ad alia Chirurgica auxilia vniuersalia, & particularia, seu Topica maximè facere videntur.

Cucurbitula.

Hyrudines.

Vexicantia.

DE

*De altera euacuatione humorum, quæ medicamentis purgantibus præstanda est, & primo in biliosis fluxionibus, de modo expurgandi.*

*bilem. Cap. III.*



**S**ANGVINE autem detracto, quoniam ferè est impossibile, vt solus sanguis semper superabundet, quim & alij humores perturbantes non remaneant, propterea ratione sic postulante, paululò tempore interposito, vt hoc interim quoquomodo natura refocilletur, postea purgatio erit tentanda, varijs, ac diuersis medicamentis, pro vt varijs, & differentes fuerint humores, qui cùm sanguine redundantes, erunt permixti, vt inferius, suo loco manifestabitur; Nè autem a suscepta purgatione discedamus, si Cacochymia adest, aduertendum est, cum humores a sanguinis natura longè recesserint, non quidem venæ sectione, sed medicamentis, vel per inferiorem aluum, vel superius per vomitum educentibus vtendum esse, Quoniam si fuerit bilis, quæ exuberat, propterea quod iste humor fluxioni paratus est, statim in morbi initio erit medicamento purgante euacuandus, vel per vomitum, vel per inferiorem ventrem; per vomitum quidem, ad hoc vt reuulsio fiat, quando huiusmodi materia ad inferiores partes irruit, nempè ad hyschium, ad Genua, & ad Pedes. Per inferiorem vero aluum, quando eadem bilis, ad manus, ad brachia, & ad humeros ascendit; hoc enim est Hyppocratis, & Galeni præceptum, in 6. de morbis vulgaribus comento 2.

*Bilis  
purgan-  
tia.*

textu

textu 9. libro 10. de compositione medicamentorum  
 secundum locos cap. 2. Vomitus autem ab accepto  
 cibo erit mouendus, à leuioribus Vomitorijs initium  
 sumendo, vt est aqua tepida cū aceto, vel syrupo ace-  
 toso simplici p̄mixta, hæc vomitoria, sicuti leuia sunt,  
 ita bilem in ventriculo iam regurgitatam solum edu-  
 cunt; propterea ad medicamenta vomitum facientia  
 præstantiora accedendum erit, & quæ à coxis, à ge-  
 nibus, & pedibus, tanquam a partibus remotioribus,  
 realem facultatem reuellendi habeant. Inexplicabi-  
 li autem cū ægrotantium iuuamento, apud me vo-  
 mitorium medicamentum paratur, cū aqua stillati-  
 tia aranciorum immaturorum tepida, & sufficienti  
 quantitate pulueris Scopæ Regiæ, hoc quidem medi-  
 camentum mirabile est, atque diuinum, & à paucissi-  
 mis Medicis probè cognitum, quod Podagricis, Go-  
 nagricis, & Hyschiadicis affectibus præcipuè præsen-  
 taneo, & maximo est iuuamento. Bilem enim præfer-  
 rim, & alios postea humores per superiora, & per in-  
 feriora iucundius absque comparatione expurgat,  
 quam Thlaspi ab Aetio adeò in hoc casu celebratus,  
 nullum imprimit calorem, Fœtum non perimit, ne-  
 que educit, vt efficit Thlaspi, nullamque acrimoniam,  
 & mordacitatem habet; quare hoc est medicamentum  
 longè ipso nobilius, tutius, atque iucundius, vt ex-  
 perientia sæpissimè à me fuit comprobatum. Sed iam  
 ad bilem purgantia medicamenta per inferiorem al-  
 uum descendamus, quando Chiragra, Pechiagra,  
 Cleisagra, & aliæ superiores corporis iuncturæ bilio-  
 sa fluxione corripuntur, ad hoc vt ad contraria re-  
 uulsio fiat; quæ à clarissimis practicanibus commu-

*vomitum  
quando  
est mo-  
uendus.*

*Vomito-  
riū præ-  
stantiss.*

*Purgan-  
tia bilis  
per aluū*

niter probantur, sunt, ut puta syr. ros. sol. Elect. de succo rosarum. ros. Mes. de diaprunis, & s. & sol. Rhab. Mana, & Cassia per setaceum extracta, dummodò hæc duo postremo loco proposita medicamenta, cum citrinis Mirobalanis, & Tamarindis parentur, ad hoc, ut facultatem adstringentem, & corroborantem acquirant, namque sui natura quadam sunt humiditate, & laxitate prædita, quæ nisi his corrigantur plius laxarent membra cum imbecilla, & ita aptiora ad fluxiones suscipiendas redderentur; est enim Medicorū præceptum ferè omnibus vulgatum, quod in euacuâ-  
tibus stiptica admiscenda sunt, quia constringendo vias, materiæ fluxum prohibent; Bile itaque omni sedulitate expurgata, quoniam ubi diutius permanfit, & per vias ubi deducta fuit, quandam calidam intemperiem concitare, ac imprimere potuit, hac ratione, partes illæ medicamenti refrigerantibus erunt attemperandæ cum syr. acetoso. s. Mirtino, ex cicorea, de succo acetosæ, cum decoctionibus cicoræ. s. melonum, hordei. s. papaveris albi, acetosæ endiviæ, rosarum siccarum, & similibus, quod si iterum erit purgatio repetenda, hoc fieri poterit cum medicamentis iam antea propositis; non sunt etiam negligendi elixires eandem intentionem habentes.



*Pituitam purgantia medicamenta.*

**P**ITUITOSO autem humore confluente, quoniam est crudus, crassus, viscidus, & lentus, propterea antequam expurgetur concoquendus, attenuandus, incidendus, ac detergendus erit oximelite. s. squillitico, & composito, mele rosato. s. & squillitico, syrupo de stecade, de betonica, de hyssopo, & cum decoctionibus, vel betonica, vel corticum radicum feniculi, liquiri, huius artetice, camedrios, foliorum roris marini, Centauree minoris, Zeduarie, & similium. Et facta preparatione ad expurgationem erit deueniendum, & per Vomitus, & per inferiorem ventrem.

Vomitus autem cierem, cum raphani decoctione, cui acetum, & sesaminum oleum esset permixtum, vel potius Vomitorio superius à me proposito, vterer, cum puluere scopae Regie parato, pituitam enim, & per vomitus, & per inferiorem aluum educendi miram facultatem habet. Verum quoniam omnes ferè grauissimi Medici, qui circa hanc materiam scripserunt, in pituita educenda vno ore, vomitus veluti suspectum potius, & periculosum pronuntiant, propterea quod familiarior pituitae via, & minus periculosa, per intestina existit, vel sit Podagricus, vel Chiragricus, vel Articularis affectus. Medicamenta itaque ad hoc opus idonea: erunt Mirobolani, mel. ros. sol. Diaphani. Diacatol. Elect. Eleusoph. M. Ind. Maior. & inter catapotia Pil. Foetidae de Hermodactylis. Trocisci Al'handal. Pil. de Sagapeno, de Agarico troci-

*Vomitum  
vterem.*

*Medica  
menta  
inferio-  
ris alui.*

**M** 2 scato,



scato, hæc sunt medicamenta, quæ communiter sunt in usu. Præterea, & alia reperiuntur præstantissima, quæ Medicis omnibus non sunt ita familiaria, ut extractum ex colocintida; & apud me magni momenti est extractum ex hebuli radicibus. paratur etiam medicamentum ex colocintida hoc pacto.

R. sapæ lib. i.

Mirobalanorum Kebulorum 3 i.

Zeduarie 3 i.

Florum Antos

Cinamomi

Garioflorum. 3 anna 3 5.

S. Anisorum

Pulpe colocintidis 3 5.

A seminibus extrahatur pulpa, & incidatur, & manibus oleo amigdalorum dulcium inunctis confricetur, postea omnia simul in vase vitriato infundantur, & super cineribus calidis ponatur Vas per diem naturalem, interdum cum spatula omnia simul miscendo, postmodum in Torculari fortiter exprimantur, & ad usum tale medicamentum seruetur, duo coclearia, vel plus, vel minus, quatuor horis ante prandium exhibendo: à iuncturis enim, & à partibus longinquis, pituita generose educet. Aduertendum autem est, quod medicamenta, & præparantia, & purgantia summa cum prudentia administrari debent, ratio enim postulat, ut a leuioribus incipiamus, ad validiora descendendo, nè tenuior materia eggrederetur, & crassior remaneret. Clisteres quoque acriores, Viscidam, & crassam pituitam educentes, in tali occasione

sione valdè vtiles existunt, præcipuè tamen yschiadico affectui per sepe administrari debent, parantur autem cum decocto foliorum Rutæ, lux arteticæ. Centaureæ, Saluig, Sticados, S. lini, Feniculi, Cumini. Agarici, pulpæ Collocintidis, Summitatum, vel radicum Hebuli, & in hac decoctione Elect. de Hiera. Indum, de Benedicta dissoluuntur, & oleo Rutæ, Liliorum, Camomille permixtæ; quoniam verò yschia dicis magis Vomitoria medicamenta profunt, quam ea quæ per inferiorem ventrem expurgant, nam deorsum repentem humorem reuellunt, propterea in hoc casu Vomitorium superius à me propositum, summis laudibus esse extollendum, & audacter exhibendum affirmo. Quod si falsa fuerit Pituita, tam præparantia, quam purgantia medicamina, leuiora, minus calida, quin potius refrigerantia, attenuantia tamen, sed minus valida, eligi debent, pro Pituitæ falsæ natura, & qualitate euertenda, quorum exempla proponere superuacaneum existimo, quoniam hoc esset potius aliorum scripta exarare.

Si melancolicus succus fuerit ille, qui fluxionem in articulis concitet, quoniam hoc, vel nunquam, aut saltem sæpequam rarissimè euenire solet, & ( vt in meis prognosticationibus determinauimus ) affectus articulares, qui à tali humore producuntur, vix arte vlla curari possunt, propterea intentata cura, solo prognostico illos relinquamus. At si melancolicus humor, siue atrabilaris simul cum sanguine fuerit permixtus, quoniam sæpissimè quidem in venis totius corporis simul cum sanguine permixtus atrabilaris humor continetur, tunc temporis, & præparantibus,

&amp;

*Vomitorium yschia-  
dicum.*

*In Pituita  
falsa.*

*In Melancolico  
succo.*

*In Melancolico  
sanguine.*

& euacuantibus medicamentis vtrunque humorem respicientibus vtendum erit, verum quoniam superius de bilem purgantibus satis dictum fuit, idcirco melancoliam concoquentia, & educentia solum proponam. Parant autem, & concoquunt syr. de Pomis, de succo boraginis, de lupulis, de corticibus citri, oximel compositus, syr. acetosus diarodum, cum decocto Melissę, Buglossę, Boraginis, Scolopendrię, Lupulorum, fructuum, & florum cordialium. Educunt Syr. de Pilipodio, de Epitimo. Infusio senę decoctũ Elebori cum suis correctiuis, Mirobalani indi, citrini. & inter electuaria communia adest Confectio Amhęc, Diassena, Elect. de Daçtilis, & inter Catapotia, sunt ea, quę de Scolopendria dicuntur, de Lapide Lazuli, Elephanginę, Alexandri de Nitro. Verum quę ex nigri, & albi Elebori extracto conficiuntur valde vtilia, ac probatissima sunt, humorem enim melancolicum, miro egrotantium iuuamento euertunt, & à paucis Medicis huiusmodi remedium est in vsu, quāuis Hyppocrates (vt ita dicam) sexcentis in locis proponat, & laudet.

*In bilio-  
sis san-  
guineis.*

Si vero sanguis cum bile fuerit permixtus, euacuantia medicamenta vtrunque humorem respicientia exhibenda erunt, habita prius ratione prædominantis humoris.

*In Pitui-  
osis san-  
guineis.*

Si pituitosi succi cū biliosis fluxionibus permiscętur, cum permixtio illa eodem tempore egrotantem sollicitent, necessariũ erit, & remedia miscere quę bilẽ simul, & pituitã expurgandi facultate prædita sint.

*In hu-  
morum  
miscella*

Si denique non solum duo humores, verum etiam omnes ordine quodam perplexo, & non ita faciliẽ per-

perceptibili fuerint complexi, præterquam quod huiusmodi cognitio ab affectionibus simplicibus iam à me superius enarratis erit petenda, ita optimo consilio, curatio, quæ talium humorum miscellam respiciat, instituenda erit. Quoniam autem quidam ægrotantes aliquando adeò exigui animi, ac intolerantes reperiuntur, qui & purgationes, & venæ sectionem adeò formidare videntur, ut cum Medicus hæc illis proponit, statim animo concidunt, propterea dum ipsi, & corpore, & animo languent, prorsus suam salutem negligunt, & nos de illorum incolumitate minus tenemur esse solliciti. Si verò aliquis esset, qui istis vellet morem gerere, simulatam curam ab Aetio propositam pacato animo perlegat, nos enim potiora præsidia prætermittentes, in vanum, ac frustra laboramus.

*Ratio Medicamentorum Repellentium, & Roborantium, quæ fluxionem humorum sistunt, & dolorem leniunt:*

*Cap. IV.*



**A**UT QUAM ad repellentia, & roborantia præsidia accederemus valde opportunum videbatur, corpus, nè dùm semel, sed bis, terque adeò expurgare, ut ab omni humorum inquinamento, quoad fieri possit liberum redderetur, nè humores, qui ad articulos influunt, ad principaliora membra recurrant, & seuioris morbi in causa sint; ratione itaque influentis humoris, ob articu-

articulorum imbecillitatem indicatio corroborandi  
 oritur, quo mediante auxilio, fluxionem humorum  
 sistimus, & in particulam receptum humorem expri-  
 mimus, & discipamus, doloremque auferimus. hoc  
 autem duplici modo præstari potest, vel medicamen-  
 ta interius exhibendo, vel exterius administrando;  
 inter medicamenta, quæ interius, per os præbentur;  
 quæ pro ratione peccantis humoris sunt eligenda, si  
 namque fluxio à sanguine fiat, inter ea, quæ maxime  
 convenire videntur, laudatur conferua citioniorum,  
 conferua ex rosas antiqua, cōfectiō triassandalorum,  
 mane sumenda, stomacho ieiunio, tribus horis ante  
 prandium, ad vnius vnciæ pondus; Præterea apud  
 me probantur hæc duo confectiones superius de-  
 scriptæ.

*In san-  
 guineis  
 fluxioni-  
 bus sim-  
 pliciter.*

R. Margaritarum præparatarum  $\rightarrow$  iij  
 Corallorum rubeorum 3  
 Sandalorum omnium  $\rightarrow$  iij  
 Rosarum rubearum  $\rightarrow$  iij  
 Ossis de corde ærui  $\rightarrow$  iij

Sacari optimi cum aqua rosacea dissoluti q. s. mis-  
 & fiat cōfectio in rotulis secundum artem, & pro  
 usu seruetur; vel

R. Conferuæ rosarum antiquæ  $\rightarrow$  iij

Triassandalorum  $\rightarrow$  iij

Corallorum rubeorum opimè  $\rightarrow$  iij  
 præparatarum  $\rightarrow$  iij

Mis. & seruetur pro usu, exhibendo  $\rightarrow$  iij vel plus

Pro

Pro vice. talium enim medicamentorū auxilio, calor sanguinis attēperatur, & iecur, qui est membrū, à quo sanguinis copia cōtinuo scatet, refrigeratur, & articuli iam imbecilles, & laxi, quoquo modo exicātur, moderateque constringuntur, roboranturque, vt non ita facilē sanguinem fluentem admittant. Quæ exterius loco affecto circa initia administrantur, debent esse irrigationes cum veteri aceto accerrimo, & oleo rosaceo paratæ, modo in intimiori parte dolor ipse resideat, sui namque tenuitate acetum, rosaceo oleo faciliorem ingressum ad profundiorē partem parat, qui sua peculiari facultate refrigerando, & aliquantulum adstringendo, dolorem lenire valet, sed si dolor in superficie constiterit, Irrigationes cum rosaceo oleo, & vino parentur, valdē enim has profuturas esse existimo; Aduertendum tamen quod Aestatis tempore, tepidæ, alijs vero temporibus, calidę administrandæ sunt. Pręterea folia Brassicę in sapa cocta terenda sunt, & cum fece aceti, & luteis crudis ouorum tribus, vel plus, addita modica quantitate olei rosacei vmphancini, sæpe sępius renouando, quando in profundiori parte dolores contumaces, consistunt, huiusmodi cataplasma erit maximo iuamento. Conferre hoc etiam mirificē poterit R. sapę, in qua papaueris semina cocta sint, partes tres, olei veteris partem vnā, mis. & cum lana loco affecto impone: alijs quoque suppositis emplastris, quæ inflammationes lenire valent, à Galeno, Aetio, Alexandro, & Paulo Aegineta propositis: à Phuxio, ab Altomari, atque ab alijs recentioribus exaratis, quædam alia medicamenta proponam, quæ apud omnes non

N

ita



ita facile sunt in usu .

*Vnguen-  
tum par-  
ticulare  
valde op-  
timū in  
sanguis-  
mū fluxio-  
nibus*

R. Semperuiui maioris, & minoris } iij.

Ranas optime expurgatas N. xx.

Omnia minutim incidantur, & in sufficienti quantitate olei rosacei completi, in Olla oprime vitriata, ponantur, ibique fiat decoctio secundum artem, ad olei consumptionem, postea ab igne remoue, & per panum facta forti, ac diligenti expressione ad totius substantiæ extractionem : R. dictam substantiam, Litargiri aurei, Cerę optime ana q.s. iterum buliant omnia simul quousque cera liquefiat, continuè permiscendo, vsquequo omnia incorporentur, postea dimitte frigesce, & f. vnguentum, quod & doloribus, & sanguineis fluxionibus mirificè conducet. Sed, antequam ad vltiora transeamus, animaduertendum est, quod auxilia repellentia omnibus articulis affectibus maximè conueniunt, præterquam coxendico dolori; quare in tali casu ab ijs abstinere debemus, nè sanguis, & alij humores versus articulū yfchi prauè affecti repellantur, ibique congerantur, difficilioreſque ad resoluendum, & discutiendum reddantur.

*Notan-  
dum.*

*In san-  
guineis,  
& bilio-  
sis simul  
fluxioni-  
bus.*

*Si sanguis cum bile admixtus fuerit.*

Medicamenta, quę interius exhiberi possunt, erunt Mirobalani Chebuli conditi, qui, & bilem ab articulis paulatim educunt, eosdemque articulos corroborant: cōserua ex floribus cicorę, & ex folijs acetosę, musculos, & articulos à bilioso sanguine prauè affectos, refrigerant, mordacitatem biliosi humoris obtundunt, & leuiter adstringendo corroborant. poterit etiam medicamentum eandem facultatem habentem



tem parari hoc modo . R. boli armeni orientalis  
 ↗ v. s. papaueris albi optime contusi 3 ij. qua-  
 tuor seminum frigidorum 3 j. Conseruę ex flori-  
 bus cicorę, vel ex folijs acetosę q. s. mis. pro vsu:  
 exhibendo 3 j. pro vice tres horas ante prandiũ;  
 verum quoniam biliosa materia, acutissimos, ac in-  
 festissimos inducit dolores, hac ratione exhiberem  
 etiam ea quę somnum conciliant, vt sunt emulsiones  
 seminum papaueris albi, cum aqua, vel lactucę, vel  
 nimpheę, vna hora post assumptum cibum. præterea  
 laudanda est conserua ex citri ácido, vel limonum.  
 etiam aquę ex balneis Calderianis in Veronensi A-  
 gro mirificę iuuant, ex mineris enim Nitri; Sulphu-  
 ris, & Ferri scaturiunt, & propterea, vt iam à viris do-  
 ctissimis discussum est, per primariam earum opera-  
 tionem, quoniam aquę sunt, refrigerant, eo magis  
 quoniam à minera ferri, à qua continuo scatent, ro-  
 boratę fuerunt, & exquisitę exiccant, quoniam nè  
 dum in ferri mineram iam dictam moram faciunt, sic-  
 citatę aquisuerunt, verum etiam quoniam ex tran-  
 situ loci Nitri, & Sulphuris eandem facultatem con-  
 firmarunt, parum autem habent de Sulphure, & de  
 Sale, tum quia paucus admodum inest sapor Sulphu-  
 ris, tum etiam quia vix exiguum saporem salsum ha-  
 bent. Sed hic non est locus, vt de huiusmodi Ther-  
 mis exquisitę pertractem, satis est, vt affirmem, mor-  
 bis articularibus, & Podagricis à bilioso sanguine  
 productis mirum immodum conferre, vt omnes cla-  
 rissimi Viri, qui de Thermarum facultatibus pertra-  
 ctarunt, attestantur.

*Aqua  
 ex Bul-  
 nei Gal-  
 derianis*

Transcamus modo ad Repellentia auxilia exterius

N 2 locis

locis dolore vexatis adhibenda; a principio itaque statim, vsque ad augmentum, refrigerantibus, rob-  
rantibus, ac dolorem lenientibus medicamentis suc-  
currendum est, nè ob doloris vehementiam, calidita-  
tis, & ardoris flagrantiam, biliosi, mordacesque hu-  
mores, ad iuncturas male affectas confluere assueti,  
irruant, sed potius intercipientur, primum cum aqua  
rosacea, aceto, oleo rosato vmphancinò, & luteis, &  
albuminibus ouorum simul permixtis, vel

*Cata-  
plasma.*

R. Succi semperuiui maioris, &  
minoris

Portulacę, Lactucę, Solani, } *anna* } v.

Violarum,

Plantaginis.

Aquę rosacę, in qua decocta sint, &

Semina, & capita papaueris albi

Aceti optimi nigri

Misse & postea in tali mixtura, vel vnam, vel duas, aut  
tres panis micas optimè macerentur, postea adde o-  
lei ros. vmphancini, & lutea cum albuminibus ouorū,  
*anna* q. s. misse, & fiat cataplasma mole, & membra  
lęsa refocillentur, crebrius permutando.

Hęc sunt medicamenta secundum Aëtij sententiã  
deprompta, & postea à recentioribus medicis com-  
probata in quibus persisterem, & ad stupefacientiã  
validiora non deuenirem, quoniam torporem in iun-  
cturarum vinculis, tendonibus, ac neruis inducunt.  
Præterea possumus ad hanc eandem intentionem  
vnguentum multę efficacitę, & virtutis hunc in mo-  
dum præscribere.

R. Ma-

R. Mucilaginis Pſilij }  
 Succī ſemperuiui }  
 Lactuæ }  
 Portulacæ } anna } 1.  
 Olei nenupharini }  
 Mirtini }  
 roſati vmphancini }  
 Sem. Papaueris albi } s.  
 foliorum Hioſyami } iiij.  
 Aceti } vj.  
 Camphore } s.

Cerę q. s. miſ. & f. vnguentum vſui ſeruandum.

Si Pituitofa materia cum ſanguine fuerit permixta. Medicamenta, quę interius exhiberi ſolent, ſunt flores ex Roremarino cum Sacaro conditæ, & magna Antidota, vt Theriaca, & Mithridatum. Valdè profutura autem medicamenta vrinam ſcientia exiſtimo, attenuant quidem & educunt materiam viſcoſam, & tenacem, iam in articuli diutius detentam, ibique cõfirmatam, & ad hunc vſum omnia quę vrinam mouent, conducunt, præcipuè tamen ſtillaticia aqua mihi multum familiaris, & proficua in his caſibus, cuius hæc erit deſcriptio.

R. ſorum ſumbici exicatorum } iiij. s.  
 Medulę caricarum } v.  
 Amigdularum perſicorum } iiij.  
 Seminum Irionis } iiij.

Contundantur omnia poſtea macerentur in lib. iiij. vini optimi maluatici per dies quinque, diſtilletur poſtea

Vnguentum.

In Pituitosæ ſuæ  
 xionib.

Dianthes  
 Theriaca  
 Mithrida-  
 tium.

Aqua  
 ſtillati-  
 cia ad  
 vrinam  
 mouendam  
 præſtan-  
 tiſſima.

postea in balneo marię , cum capello , & recipiente ,  
 clausis iuncturis , & aqua distillata seruetur pro vsu  
 exhibendo vncias tres pro vice , omni mane in auro-  
 ra. Hoc erit mirum præsidium, nè dum ad pituitæ di-  
 scipationem, verum etiam ad illam per vrinę vias ex-  
 purgandam, Præterea ad Pituitam consumendam, &  
 ad iuncturas, cerebrum, & ventriculum roborandum  
 decoctum radices Cynæ sæpe maximo cum egrotan-  
 tium iuuamento à me fuit comprobatum. Sed ad  
 omnia viscera roboranda, & artus mirum immodum  
 confirmandos , & ad iuncturarum dolores omnino  
 sedandos, apud me tutissima, & longo vsu admiranda  
 virtute, ac efficatia est compositio approbata ; ex qua  
 formantur catapotia , quæ pro septem diebus ad ci-  
 ceris magnitudinem , trib<sup>9</sup> horis ante prandium sunt  
 diglutienda , primò mane vna , secundo, duo, tertio  
 die, tres, vsque ad septimum diem, vt in septimo ma-  
 ne sint septem , sæpè harum auxilio expertus sum ,  
 quod quotiescunque in omnibus articulis, molestissi-  
 mi dolores aderunt, præcipuè tamen in pedibus , qui  
 ijs catapotijs, hoc eodem ordine utebantur , non ad-  
 huc transacta septima die à doloribus omnino libe-  
 ros, ac immunes euasisse . Hoc præsidium quidem sin-  
 gulare, hucusque inter mea recondita arcana serua-  
 ui, vt hac tam opportuna occasione in aliorum utili-  
 tatem inuigilando, manifestarem. Nihil est, vt vber-  
 rimam euacuationē expectetis , quoniam paulo plus  
 profectò , quam natura quotidie excernere assueta  
 erat, præstabunt, cuius rei veritatem, vt vnusquisque  
 intelligens facillimè conijcere valeat descriptionem  
 perpendat .

*Cynæ de  
 coctum .*

*Ordo sū  
 mundi  
 catapo-  
 tia admi-  
 randa ef-  
 ficatia  
 cuius de  
 scriptio  
 inferius  
 patet.*

R. Cinamomi

Gingiberis

Garioflorum

Nucis Muscatæ

Macis

Cubearum

Ligni Aloes

Crocī

Turbit electi

Manæ optimæ

Granatæ electæ

Agarici

Senæ

Mirobalanorum Kebulorū

Citrinorum

Beliricorum

Embllicorum

Indorum

Amomi

Masticis

Cardamomi

Anisorum

Zeduariæ

Rhabarb. electi

3 iij

Aloes sucotrini

3 vi

*Pilula-  
rum de-  
scriptio.*

&amp; anna 3 j.

Omnia ista benè puluerizentur, & incorporen-  
tur cum syrupo rosato, imbibendo, & deffi-  
cando ter, postea seruetur pasta ad vsum.

Sed ad cataplasmata, & inunctiones extrinsecus  
apponendas est accedendum, quæ ut iam dixi dolorē  
leniunt, discutiunt, & exicandi aliqua sint facultate

præ-

præditæ . In principijs autem paululam adstringen-  
tia medicamenta permiscenda erunt, postmodum ve-  
rò solis discutientibus erit vtendum, prætermis-  
sis autem ijs, quæ ab Aetio, Traliano, & Aegineta fusi-  
us proponuntur, quoniam suis locis vnusquisque ea in-  
tueri potest, hoc remedium ratione suæ præstantiæ, ac  
miræ vtilitatis esse amplectendum consulo.

*Catā-  
plasma  
notandū  
in Pitui-  
tosi san-  
guinis  
fluxioni-  
bus.*

R. Origani

Satureiæ

Calamenti Montani

Sumitatum hebuli

Vrticæ regalis

Roris Marini

Saluiæ

anna M j.

Vini rubei aromatici q. s. mis. & f. decoctio secun-  
dum artem postea facta trituratione.

Adde farinæ Hordei

Seminum lini

anna ꝯnc. j. s.

Sapæ

ꝯnc. iiij.

Diamoronis

ꝯnc. ij. s.

*Verbaſſi  
vires in  
sali ca-  
su non-  
nulli scri-  
ptores  
admirā*

Olei rosati vmphancini, camomelini anna q. s. mis.  
& fiat cataplasma, & loca dolentia frequenter in die  
foue, sunt quidam, qui summis laudibus Verbasum,  
folia angustiora habentem, extollunt, dicentes quod  
si tritum, & loco affecto fuerit impositum, infra pau-  
cas horas ita dolorem tollit, vt facultatem ambulan-  
di restituat. Experimentum neque difficilè, neque  
periculosum est, propterea veritas est tentanda.  
Quod si egritudo fuerit in progressu, & adhuc dolor  
persistere videbitur, suppositis Antiquorum reme-  
dia discutientibus, veluti vnique conspicuis,  
Re-

Remedia ista leniter discutientia, & exiccantia pre-  
scribo, vt exempli gratia. R. Apri Vexicam simul  
cum vrina, cuscute marine partem interiorem, illam.  
que cum dicta vrina triturato, postea adde assungie  
Vrsi tantundem, & omnia simul permiscendo, secun-  
dum artem decoquito, donec fiat vnguentum, quod  
in supradicta Vexica repone, ad fumum exponendo,  
post aliquo temporis interuallo. Veterum more lo-  
quendo, vnguentum mansuetissimum ad hunc pro-  
positum habebis vel R. Catulum octo dierum nactu,  
iugula, & deglabra, extrahe intestina, & cum semine  
canabis subtiliter puluerizato, & cribrato, imple, eius  
corpusculi rimam opreme claude, & in Veru ad assan-  
dum suffige, pinguedinemque decollantem collige,  
& vsui serua, ad affectas partes liniendas; Aduertendu  
tamen quod hoc vnguentum, postremo loco positu,  
admirandos affectus pariet, si cuicunque vncie 3 iij.  
salis ex humana vrina per distillatoriam artem extra-  
cti addideris. Ijs itaque prestitis absque difficultate  
dolor mitior euadet, materiaque loco affecto deten-  
ta, vt ressoluatur audatius ad fortiora, ac valentiora  
ascendere debemus, quo etiam materiam in loco in-  
timiori fixam, & calefacere generose, & discutere  
valeant, ad hoc autem prestandum, tali pacto, medi-  
camentum componatur.

R. Therebiantine electe

Olei laurini

Laudani

Lactis Castorei

Gariofilorum

3 anna

lib. j.

3 ij.

3 j.

Oleum  
Stillati-  
uum infi-  
gnis offi-  
cina.

logi

O

Cina-



Cinamomi

Mirhe

Masticis

Olibani

Nucis muscate

Euphorbij.

anna

s.

anna

ij.

Omnia misceantur simul, & conquassentur, & ponantur ad distillandum, & oleum multum, & odoriferum exhibet, dando in principio lentum ignem, & postea augmentando paulatim, donec totum exierit, & recepto ponatur media uncia ambræ, & una ligni aloes puluerizati, & membra dolore affecta cum tali oleo calido fortiter erunt confricanda, & postea cum emplastro oxicroceo appellato contegenda. Hoc equidem medicamentum, uti notabile, ita admirandum est. Non desunt remedia validissima, atque magnæ expensæ, & virtutis, longæ, & frequentis usu comprobata, quorum nonnulla a me fuerunt inuenta, quædam vero à liberalibus manibus Generosorum Principum dono accepti. præter cætera autem, vnus exemplum inspicito.

R. Artimilliæ

anna q. s. ad comburendum,

Absinti

&amp; ad libras decem cinerum

Cardi benedicti

colligendum, postea

R. Cere citrinæ

Therebentinæ electæ

anna lib. i.

Vernicis liquidæ

Lumbricorum terrestrium

Supradictarum cinerum

Misce omnia, & repone in bociâ vitrea, & distilla, prius enim aqua exibat, postea oleum, tu verò calorē

igni

igni augmentabis, & ita efficies quousque nil poterit exire, deinde.

R. Oleum iam distillatum

Supradictarum cinerum lib. ij.

Misce, & in noua bociā reponē, eodem ordine redistillando, & id pro quinque uicibus præstabis, cum oleo semper libras duas cinerum addendo, denuo sexta vice.

R. omnes feces, quæ remanserunt, & oleum iam toties distillatum, misce, & in noua bociā reponē, validiorique igne postremo distillato, oleum enim cum omnib<sup>9</sup> suis spiritibus maxima cum felicitate extrahes, quod si cum illo aliqua aquę porcio fuerit permixta, separabis oleum ab illa, & in olla vitrea bene obturata seruabis; quando autem eo uti volueris, prius aqua vitę calida membra cruciata ablue, foueq; deinde cum dicto oleo calido inunge, quo factō illico panum lineum accipe in vino aromatico albo, calidoque madefactum super impone, fasciisque abducito.

*Modum  
utendi  
huiusmo-  
di liquo-  
re.*

Si Melancolicus humor fuerit cum sanguine mixtus, Medicamenta, quę interius exhiberi possunt pro visceribus, & iuncturis corroborandis, conserue quę ex floribus boraginis, & rorismarini conficiuntur satis erunt opportunę; Sed conserua, quę ex camepitios floribus paratur, longē quidem efficacior erit, modo eger assiduo, & longo temporis tractu ea utatur. Inexplicabili quin etiam iuuamento erit decoctio, quę ex tota planta cum aqua communi parari potest, humorem enim melancolicum generosē dissipat, omnia viscera mirificē roborat, & omnes iunctu-

*In Me-  
lancolicis  
Anxioni-  
bus.*

*Conserua  
ex flori-  
bus bora-  
ginis, ro-  
rismari-  
ni ex flo-  
ribus ca-  
mepitios.*

*Deco-  
ctio ca-  
medri-  
dis.*

*Medica-  
menta, q̄  
exteriori  
admini-  
strantur.* ras validiores reddit. Extrinsecus verò, locis dolen-  
tibus repulsoria, simulque calefacientia cataplasma-  
ta adhibito, veluti ea, quę superius in pituitosis fu-  
xionibus descripta sunt, statim vero à principio cale-  
facientia, attenuantia, & discutientia medicamenta  
administrari debent. Suppositis autem ijs, quę à Ga-  
leno, Aetio, & alijs proposita fuere, non vulgare quid-  
dem hoc medicamentum existimo.

*Oleum  
stillari-  
um mi-  
rabile.* R. Radicum, foliorum, & truncus consolidę maio-  
ris M. V. Vini maluatıcı optimi, & aromatici lib. iij.

Fiat decoctio secundum artem ad consumptionem  
tercię partis, deinde facta diligenti expressione.

R. dictam decoctionem

Cerę citrinę recentis

Fundatur per decem vicibus, postea quādo decoctio  
frigida facta fuerit, cerāq; fuerit condensata, rursus

R. Dictam ceram

Mire electę, & optimę trite

Aluminis plumę contusę

Misce, & formentur veluti globuli parui, & simul cū

decoctione antedicta reponantur in boccia vitrea, vt

per distillationem oleum extrahas, quod si prima vi-

ce oleum totum non exierit, quod facillimē euenire

poterit. iterum bis, terque distillabis, donec oleum

pulcherrimum, atque subtilissimum exierit, & cum il-

lo, partes à melancolico succo dolentes inungito.

Si fuerit humorum perplexa mixtio, Medicum nē

dum occulatissimum, verum etiam fortunatissimum

esse oportet, tam in dolorum, ac fluxionum causis in-

dagandis, quam in medicamentis cum certo egrotan-

tium

rium iuuamentò, & diuinandis, & elegendis. quoniã in tali casu medicamenta interius exhibere pro corroborandis visceribus, firmandis iuncturis, & doloribus amouendis, hoc opus, hic labor est. Verum peracta purgatione quotiescunque ad catapotia superius à me proposita, ad sedandos dolores in fluxionibus pituitosi sanguinis confugiebam in hac perplexa, obscuraque Podagra, admirabile quidem, maximumque iuuamentum expertus sum, quoniam ingenue in omnibus fluxionibus idem mihi feliciter accidit. Exterius verò adhibitis in principio repellentibus idoneis; ad dolorem sedantia vnguenta suauiterque discutientia deuenirem, veluti ad vnguentum ex catulo assato, in cura fluxionum bilis cum sanguine mixti propositum, accederem; vel talem etiam eligerem, ad hunc eundem propositum, & valde accommodatum, & mirum immodum saluberrimum.

R. Olei communis optimi } vj.

Rosati completi } ii.

Butiri recentis } iij.

Ceræ citrinæ recentis } j.

Rasæ pini } j.

Therebintinæ claræ } j.

Adipis Tapsi } j.

Medule crurium Bouis } j.

Misce, & ad lentissimum ignem decoque, donec fiat vnguentum, collatur, & in omni vncia dicti vnguenti adde salis vrinæ humanæ 3 iij. & optimè cum spatula misce, augmentabitur enim, & fiet spengiosum, & leue sicuti gossipium, & in vase optimè clauso seruetur.

uetur; vsus autem est partes affectas iungere, super imponendo pelliculam tenuem ad papiri similitudinem ex assungia suila extracta, inunctionem de tribus, in tribus horis, repetendo.

*In fluxionibus congelatis.*

Si tandem materia in digitorum iuncturis, vel Manuum, vel Pedum condensata, & congelata fuerit. sanequam difficile omnino erit negotium, si curationem Medicus tentare audebit. Nè vero frustra Nodosæ Podagræ, & Chiragræ naturam, & cognitionem me tradi disse dicatur; Nè ve, qui à tali morbo corripuntur, animo, & corpore exagitati remaneant, corporis, & animi ægritudinem, & angorem quoquomodo curare, & subleuare decreui. Quamobrem ad medicamenta interius assumenda accedens; dico quod ab Alexandro magnopere laudatur medicamentum illud paratum ex Centaurea, Camedrio, Hyperico, Aristolochia rotunda, Gentiana, Petroselinum, Agarico, Phu dulci Meu, Spica Nardi, Melè, Aqua tepida, quo Author ille grauissimus fateitur quendam nouisse magnos Tophos in articulis expertum, ad sanitatem adeò fuisse restitutum, vt citra impedimenta deambulet, quoniam per integrum annum eo vsus fuit. Et alium, qui cum à Podagra Nodosa cruciari cepisset decoctum Origani, & Camedridis bibens, à deteriori morbo se ipsum seruauit. Præterea mihi à nonnullis sapientibus viris relatum est, quod in quadam Germaniæ Ciuitate, quæ Naimburg

*Medicamenta interius adhibenda. Alexandri.*

*— 654 400 P. 2 14 123*

*Aliud.*

*Aqua notanda in qua dicitur Germania ciuitate.*

appellatur, Aquæ scaturientes reperiuntur, ex quibus incolæ Ceruisiam ad vsum bibendi parant, cuius potù, homines paulo temporis tractu, cõtortos digitos à Chiragra, & Podagra habentes, omnino liberi euadunt.

dunt. dicunt autem quod bibentes, sæpe in die per inferiorem aluum se expurgant, quod huiusmodi aquas à nitri mineris scatere inditium est. Nulli certe reuocatur in dubium, quod obistere principiis magneti momenti est, eoque magis, quando recta victus ratione, & medicamentis celeberrimis utimur, ut est decoctum camedridis, qui in omnibus articularibus affectibus, præcipue tamen Podagricis mirabilia facit. Exterius autem ad Tophos discutiendos medicamenta probantur, quæ discutiente simulque moliente facultate sunt prædita, propterea Adipes vetustiores emoliunt, & medullæ. Ut adipēs Anseris, Gallinæ, Tapfi, Vrsi; Medullæ crurium bouis, olea antiquiora, ut Momordicæ, Vulpini, communis antiqui, & Gumæ, ut Bdelium, Opoponacum, Ammoniacum, & Mira. Digerunt autem Salniterum purificatum, sal commune, quæ omnia ab Hypocrate, & Galeno valde commendantur. ijs autem mihi addere liceat sal ex vrina humana extractum, qui ob illius tenuioris substantiam facilius penetrare potest. addo etiam quod si ex Ammoniaco, Bdelio, Galbano, Opoponaco, Mira, cera, Resina, Therebintina, per distillatoria peritiam extrahantur olea, absque vlla comparatione erunt efficacissima ad emolientos, ac generose, Tophos discutiendos, probatur etiam ceratum ab Andromaco propositum. Ad emolendum etiam si lentio minimè esse prætermittendum existimo lixiuium illud, quod post lanis succidis ablutis remanet. Et ad hanc eandem intentionem, medicamenta illa singularia à me superius proposita in pituitosis fluxionibus, mirificè proderunt.

*Deco-  
Humca-  
medri-  
dia.*

*Extrin-  
sica re-  
media.*

*Adipes.*

*Medulla*

*Olea.*

*Gumæ.*

*Sal.*

*Olea stil-  
latici ex  
gumis.*

*Cerata.*

*Lixivia.*



*De Balneis ad ablucenda membra iam medicamentis  
fœdata. Cap. V.*



**P** O S T R E M O loco Balnea, siue lauationes mihi se se offerunt proponendę, quę Medico ordinare licet ad membra vnguentis, & inunctionibus fœdata, ablucenda, dummodo prius omnia prastiterit, quę ad medicinę vsum, valde erunt necessaria, hęc autem varia, diuersęque esse debent pro varietate, ac differentia humoris peccantis.

In sanguineis fluxionibus debent esse moderate refrigerantia, & exiccantia, ad hoc vt iuncturas, & artus corroborent, fiat itaque lixiuium dulce, in quo postea decoquantur folia sicca rosarum, Mirti, Balsauiorum, cortices granatorum, cum exigua aceti quantitate.

Si vero sanguis cum bile permixtus fuerit, lixiuiũ erit instituendum, refrigerandi adstringendi, & quoquo modo incrassandi facultate pręditum, decoctio itaque cum aqua fluuiali instituatur, cum radicibus alteę minutim incisis, cum folijs violarum, semperuiua maiori, & minori, cum portulaca, lactuca, solatro, Plantagine, rosis, Mirto, corticibus granatorum, onorum testis, capitibus Papaueris albi, addita quarta parte aceti nigri veteris.

Si fuerit pituitosa materia, Balneum parari debet cum lixiuiũ dulci, & vino nigro aromatico, in quo decoquatur salvia, rosmarinum, sumitates Hebuli, Vrtica, Pulcium, Origanum, Camedrios, Satureia, Calamentum Montanum, Salnitrum, sal commune,

cum



cum alumine roca.

In melancolicis fluxionibus, idem lixiuium propitiosa materia paratum, opportunum fore censeo.

Si diuerforum humorum perplexa miscella fuerit, varia, diuersa quæ à me superius proposita ingredientia pro lixiuiio parando, à prudenti Medico, in vnum colligenda sunt.

Si denique congelata, condensataque fuerit materia, vel in Pedum, & Manuum digitorum articulis, lixiuium cum Vino albo, & Aqua, sale communi, radicibus Altee, folijs, & radicibus Camepitios, & summitatibus Hæbuli optimè parari debet, ad abluendas enim sordes, ab inundationibus productas, atque ad discutiendum, & corroborandum præstantissimum erit.

### *De Victus ratione instituenda.*

#### *Cap. VI.*

**D** V o præcipuè in optima victus ratione instituenda præstari debent, primo ægrotantem admonere, à quibus nam ipse prorsus se cauere debeat, deinde vero, quæ omni sedulitate obseruare, ac inuiolabiliter amplecti tenetur, quoniam ferè omnes, qui huiusmodi morbis, vel corripiuntur, vel obnoxij sunt, inordinate viuunt, propterea qui à sanguinea fluxione læduntur, Euitare prorsus debent crapulam, Ebrietatem, Venerem immodicam, somnum extra tempus, & consuetudinem, cibaria quæ multum nutriunt, &

P

quæ

quæ copiosum sanguinem generant, vt capones veteres, Vitulos pingues; Galinas, Hædos pinguiore, Fasianos, Coturnices, & vana lautiora, & generola; Tenetur autem in cubiculo vitam degerere, cuius aer vel natura, vel arte sit temperate frigidus, & siccus; somnus, ac Vigiliæ sint moderate, vtatur carnibus facilis concoctionis, & quæ non admodum nutriant, & parce, vt sunt carnes Vituli iunioris, Hædi non admodum pingues, & paruorum alium montanarum; pulmenta sint ex hordeo, ex Panico, & Fare, & loco vini, leue decocto, vel hordei, vel seminum coriandrorum, aut cinamomo vtatur.

Si fluxiones biliosæ fuerint, vitentur motus, Vigiliæ diurnæ, Vinum, & Venus, ac cibaria calida, & sicca, & dulcia præcipue, & ea in quibus vel sal, vel aromata ingrediuntur, quæ facillimè bilem procreare possunt; Inedia, animi mœrores, & ira; Tenetur autem in cubiculo commorari hilari animo, absque motu, cuius aer sit potius temperatè frigidus, ac humidus, somnum suis temporibus quærat. Vitulinas carnes eligat, sed partem pinguiorem, & Pullorum iuniorum, prissana hordeacea cum seminibus melonum parata valde erunt opportuna, & in iuibus dictarum carniū, lactuca, malua, cuscuta, & intibi decoqui possunt; Pisces etiam saxariles conueniunt, Fructus aliqua facultate adstrictoria præditi laudantur, vt pira, poma, & mala citonia, & castanea. Potus sit aqua hordeacea, in qua lactucæ folia, & prunæ sicce decoctæ fuerint.

Pituitoso autem influente humore. nimia quies, cuitada, Crapula, Ebrietas, & Venus, somnus immodicus.

dicus, otia, caueat se à cibis humidis, & frigidis, & maximi nutrimenti, vt sunt carnes pingues, lacticia, caseus. Legumina, & fructus fugaces euitentur, in aere ad calidum potius, & siccum vergēte, degat, post fluxionis initia interdum deambulet, vigilet, ac inedia vtatur, plus enim vigilię, quam somnus ad humorem pituitosum attenuandum, & consumendum conferunt, nam vt quidam cecinit.

*Ieiunient, Vigilent, siccient qui reumata curant.*

Qui vero inædiam sufferre non possunt, cibaria quę extenuant, & parum nutriunt, eligant, in eorum serie carnes auium montanarum, Viruli, & Hædi gratiliores pro tempore in aceto seruata, & postea cum pinguedine exigua Vituli assatę, & sapa reponuntur; panis biscotus laudatur, item vsus caparorum cum aceto, & passulis, Phisticorum, cortices citri cum sacaro conditę, radices Petroscelini, Feniculi. in potu, decoctio coriandrorum, vel cinamomi, vel radicis cynę, seu aqua mulsa, cum salua decocta, commendatur. hæc enim gustui satis gratissima erunt. de Vino nihil est, vt loquamur, quoniam multi, qui ab initio morbi, à Vino se abstinerunt, liberati sunt, alij diutius se præseruauerunt, & alij dolores longè quidem maiores experti fuere.

*De Praeservatione à Gutta Chiragrica, Podagrica, & Arthritica.*

*Cap. VII.*



**Q**VI à Gutta Podagrica, Chiragrica, vel Arthritica, optimo consilio, omnique sedulitate iam curati fuere, imposterum ita se gerere debent, vt auerſentur, quo minus in eodem affectus incaute incurrant. Ratio itaque præmunendi, & præcauendi ab imminentibus morbis est ferè eadem cum illa, qua præſentes affectus curantur, quoniam quæcunque ad morbos curandos maxime faciunt, proculdubio ad eosdem etiã præcauendos quo minus superueniant admodum opportuna, ac utilia videntur. Propterea ſicuti ratio curandi in remouendis cauſis conſiſtit, ita & præſeruandi ratio in euitandis morborum occaſionibus poſita eſt, occaſiones autem, quæ faciunt homines in articulares morbos incurrere, repletiones tum bonorum, tum etiam malorum humorum ſunt, & Articulorum laxitas, & imbecillitas. Primam cauſam facillime quidem euitare poſſumus, prudenti, rectaque victus ratione, qua occaſiones congerendi multitudinem, & bonorum, & prauorum humorum remouentur. Cibarijs itaque facilis concoctionis, & optimi nutrimenti, minusque excrementicijs vtendum erit, atque ab eorum exuberantia, & varietatibus erit abſtinendum, *Lirici Poetæ ſententiam ſequentes*, vbi huic propoſito cecinit.

*Accipe nunc victus tenuis : quæ quantaque ſecum  
Afferat,*


*Afferat, imprimis valeas bene, nam varia res,  
 Vt noceant homini, credas; memor illius esse,  
 Qua simplex olim tibi federis. at simul aspis  
 Miscueris elixa simul conchyliis Turdis, &c.*

Cauendo se à pigritia, à nimio otio, à longa quiete,  
 & ab immodica facietate, tam cibi, quam potus, ab  
 inordinata, intemperataque Venere, ab importunis  
 laboribus, & à laboriosis, & intempestiuis exercita-  
 tionibus, à quibuscunque animi motibus insignis, à  
 vigilijs immodicis, à somno extra consuetudinem, &  
 tempus, quia hæc omnia vim habent, & bonorum, &  
 malorum humorum copiam congerendi. Insuper  
 etiam omnium assuetarum euacuationum suppres-  
 siones euitandæ omnino sunt, siue sint à natura, siue  
 à causa morbosa, siue tandem ab arte iam institutæ.  
 Naturales autem, vt est fluxio mensium, & quæ veluti  
 per periodos ab hæmorrhoidibus, vel e naribus fiunt,  
 resserari debent: quæ à morbosa causa veluti interdum  
 euenire solet, vt ab vlcere in crure diu aperto, &  
 postea consolidato, cauterio, vel aliquo alio remedio  
 denuo aperiri debet; Quæ vero arte fuerant institu-  
 ta, vt cauteria, vel in brachio, vel in crure, vel in occi-  
 pite diutius resserata, postmodum consolidata, iterum  
 debent, vel ferro, vel caustico, vel igne reformari.  
 Et si qui vel semel, vel bis, aut sæpius, & venæ sectio-  
 ne, & soluentibus medicamentis, aut catapotijs se  
 expurgari iam assueti fuerant, huiusmodique purga-  
 tiones dimiserint, debent deinceps ad eas, & semel,  
 iterum, atque iterum præstandas reuerti;  
 Quoniam autem fieri nequit, quin homines, licet  
 optima, & exquisita victus ratione vtantur, in eosdē

dolo-

dolores incurrant, ob aliquam excrementorum congeriē, vel à ventriculi imbecillitate producā, vel temporū inæqualitate, vel ex articularū naturali, vel adfititia laxitate, vnde tēporibus determinatis, vtputā Vere, Autumno, & Verno tempore dolores mouentur. *Hos* (dicebat Galenus 6.aphor. com.47.) oportet, ut anticipemus euacuare Vere adueniente, vel per venæ sectionem, si plenitudinis passionibus subiiciuntur, vel per purgationem, si eis quæ ex corruptione proveniunt, nos itaque plurimos ita seruauimus annos, qui longo ante tempore singulis annis morbis capiebantur. Atque Podagrā, & morbum Articularem adhuc incipientem, & non dum poros circa Articulos facientem, ex tali euacuatione multis iam annis fieri prohibuimus. Quæ porro vena sit secanda, & quæ sanguinis quantitas sit extrahenda, hoc prudenti Medico considerandum reliquitur, habita ratione naturę laborantis corporis, temporis, & ætatis, virium, & eius consuetudinis, & membri, quod frequē rius dolore vexatur. Quibus verò medicamentis expurgandum sit, humorum natura, & quantitas, & locus in quo humor congeritur, & corporis habitudo, & vires docebunt. Quantum ad Articulorum laxitatem, & imbecillitatem attinet, vel naturalis, vel quoquo modo illa sit, aduertendum, quod nullum tutius remedium peracta prius purgatione ad articulos confirmandos excogitari potest, quā vsus pilularum, cuius descriptio in cura fluxionis pituitosę fuit proposita, quæ ad omnes fluxiones est valde opportuna; vsusque Theriacę ad Ventriculum, Cerebrum, & Articulos roborandos maximè valet.

F I N I S.





Errata Potiora ita corrigito?

73  
FINE

Pag. 2	Podagricis legge	Podagrici	50	necessaria	necessariam
3	Claves	Clavis	51	accingant	accingam
5	Chiragica	Chiragica	56	paris	partes
7	Clamula	Clamula	59	facile quid	facile quidem
8	Vena cum ex	Vena causa ex	60	pranotioribus	pranotioribus
9	Exterioe	Exteriores	85	per vene sectione	per vene sectione
13	humore	Tumore			nem
30	agritudine	agritudini	86	à Galenum	à Galeno
41	per	pro	181	stientia	cientia
ibidem	spatium	spatio	ibidem	subici	sambuci



VERONÆ,  
Angelus Tamus excudebat.  
M D C.





Year	Month	Day	Time	Location	Remarks
1900	Jan	1	10:00	St. Paul	Arrived
1900	Jan	2	10:00	St. Paul	Left
1900	Jan	3	10:00	St. Paul	Arrived
1900	Jan	4	10:00	St. Paul	Left
1900	Jan	5	10:00	St. Paul	Arrived
1900	Jan	6	10:00	St. Paul	Left
1900	Jan	7	10:00	St. Paul	Arrived
1900	Jan	8	10:00	St. Paul	Left
1900	Jan	9	10:00	St. Paul	Arrived
1900	Jan	10	10:00	St. Paul	Left
1900	Jan	11	10:00	St. Paul	Arrived
1900	Jan	12	10:00	St. Paul	Left
1900	Jan	13	10:00	St. Paul	Arrived
1900	Jan	14	10:00	St. Paul	Left
1900	Jan	15	10:00	St. Paul	Arrived
1900	Jan	16	10:00	St. Paul	Left
1900	Jan	17	10:00	St. Paul	Arrived
1900	Jan	18	10:00	St. Paul	Left
1900	Jan	19	10:00	St. Paul	Arrived
1900	Jan	20	10:00	St. Paul	Left
1900	Jan	21	10:00	St. Paul	Arrived
1900	Jan	22	10:00	St. Paul	Left
1900	Jan	23	10:00	St. Paul	Arrived
1900	Jan	24	10:00	St. Paul	Left
1900	Jan	25	10:00	St. Paul	Arrived
1900	Jan	26	10:00	St. Paul	Left
1900	Jan	27	10:00	St. Paul	Arrived
1900	Jan	28	10:00	St. Paul	Left
1900	Jan	29	10:00	St. Paul	Arrived
1900	Jan	30	10:00	St. Paul	Left
1900	Jan	31	10:00	St. Paul	Arrived



